


وزارة الثقافة
الهيئة العامة السورية للكتاب

حكايات حاراتٍ تناميّة

سناء فوزي الموالي



حكايات
جارات نسامية

الإهداء

أهدي هذا الكتاب..
إلى أمي الحنون
وأخوتي الأفاضل
وأفلاذ كبدي أبنائي الأربعة
وصديقاتي المخلصات

وأخص بالإهداء..
إلى حافزي الأول.. صهري المهندس ممدوح إبراهيم صياغ

وأحلى إهداء
إلى زوجي الحبيب

المقدمة

بداية احترامي وسعادتي لكل قارئ، تواضع فقراً كتابي هذا وقيل أن أفضل فحوى كتابي اسمحوالي أن أتغنى قليلاً بالشام، كنت أذكر أن والدتي كانت تقول لي إن اليلدية كانت تظلف الأنهر بين الصيف والشتاء استعداداً لاستقبال مياه الأمطار.

وإن خيرات الشام تتجلى بمياهها العذبة، وفعلاً ما أطيب مياه الشام، وخاصة عندما أشطف أرض الدار، أشتهيها وأشرب من اليريش «أي الخرطوم» ذاك الطعم الرائع المنعش، لا أخفيك عزيزي القارئ أنه جدير بالتغني به. ولا أكتفي بذلك!

فإن دراستي في كلية الفنون الجميلة أتاحت لي المجال للتعرف على معظم حارات الشام وطرق العمارة القديمة الأثرية الموجودة بها، وجمال تصميمها. وكما هو معروف فإن دمشق هي أقدم المدن التاريخية العامرة على الإطلاق.

فكنا نرسم الحارات والأقواس الموجودة بها. وأبواب دمشق المشهورة. فمثلاً كانت أسقف بعض الحارات قليلة الارتفاع، ومنها المنخفض جداً إذ يجعلنا ننحني عند المشي تحته، كما الحارة التي تتقدم بيت جدي في المأخلية.

وكان استاده على أعمدة خشبية ثخينة بالعرض وتعرفت أيضاً على الحص.

فأنا من العمارة دفاقة، المجاورة لباب البريد والمناخية، وكانت معظم حاراتها ضيقة جداً، تكاد نوافذها أي الخص يلتصق بعضها ببعض، وهو عبارة عن نافذة لها بروز أمامي من الخشب القش المبروم، وشباكها يرتفع للأعلى أو يدفع باليد للأمام.

وكانت معظم بيوت الشام، كما هو معروف، وحتى بيت العائلة، أي بيت جدي، تحفل بشجر معين ومعروف مثل الكباد والفراسكين والنارنج والرمان، إلى جانب البحرة التي تتوسط أرض الدار وتوجد الياسمين البلدية وإلى جانب الجدار تُعرش الياسمين العراتلية. وعلى دايح البصرة توجد شتلات من نبات العطرة والخبيزة والسجادة ولسان الحماية... إلخ والعرف تصطف وحول فناء الدار.

غرفة الجلوس اسمها المربع لها عتبة كبيرة ثم تصعد على أرض المربع، وكان يصدر المربع فتحة في الجدار عريضة كأنها خزانة، توضع للحف والشراشف والسجاد اسمها «اليوك».

وغرفة استقبال الضيوف اسمها الليوان «الإيوان» وهناك غرفة للطعام اسمها الصالة، قريبة من المطبخ، وفي كل مطبخ يوجد نملية وهي خزانة لحفظ الطعام بابها من المنخل «الشبك» حتى يتنفس الطعام ويحمل من الحشرات، ويعلق في أرض الدار في الوسط طبق كبير من القش يرتفع حتى لا تصل إليه القطط، أو الحشرات الزاحفة يوضع عليه الطعام، والقصد من ارتفاعه تحت القمر ليحتفظ ببرودته ويحفظ الطبخ، واسمه «الكبك».

وعند صعودك إلى الطابق الأعلى على الدرج يوجد غرفة في منتصف الدرج اسمها «النصية» لها سقف منخفض الارتفاع لوضع الأغراض اللازمة، وكان درج بيت جدي من الحجر الخفان الأسود. وتحت الدرج يوجد درج إلى الصبوة غرفة المونة، وغرف النوم في الطابق الأعلى تحيط بها «المشرفة» أي شرفات متصلة. وفي أعلى الصبوة يكون بداخلها باب خشبي يُفتح به درج خشبي اسمه درج الطيارة. يوصل إلى سطح البيت. وعند دخولك قوس المناخية يوجد سوق الحدادين المختص بالخرداوات والمفاتيح وأنايب الماء من لآحم وقاطع.. إلخ، وخلقه مباشرة العسرونية، وهو سوق للأدوات المنزلية.

وتتوسط الجامع الأموي بين العسرونية والبيزورية، والبيزورية سوق للمواد الغذائية والبهارات والساكر والملبس. ويصدر البيزورية يوجد قصر العظم المتحف الشهير الذي يرتاده السياح يومياً. وهو تحفة معمارية أثرية لا مثيل لها.

وتجاه الجامع الأموي غرباً توجد المسكية، سوق تباع فيه الكتب، وخاصة الكتب الدينية ومستلزمات الحج والعمرة. وإلى جانبها عند الباب الجنوبي للجامع الأموي سوق القباقيب، وتقع منطقة الدقاقين جنوبي البيزورية، وهي مدخل حي الشاغور العريق، ويفصلهما عن بعضهما سوق مدحة باشا (وقد يسمى السوق الطويل)، وعلى جوانب هذا السوق حارات بها خانات قديمة لبيع الأقمشة وأدوات الخياطة.

ثم يأتي غرباً حياً سيدي عامود ودرب الوزير اللذان دمرتهما المدفعية الفرنسية أثناء احتلال الفرنسيين لسورية، وبنيت على أنقاضهما الحريقة. وإلى الشمال من الحريقة يمتد سوق الحمدية أشهر أسواق دمشق وقد سقفه مع أسواق دمشق الأخرى والي دمشق حسين ناظم باشا. وتقع قلعة دمشق إلى جانبه الأيسر. وتقع في آخر سوق مدحة باشا القشلة التي تمتد حاراتها إلى باب توما.

وفي هذه المنطقة توجد حمامات متعددة، فمثلاً في البزورية يقع حمام نور الدين الشهيد وحمام الملك الظاهر وحمام النوفرة.. ويرتاد هذه الحمامات السياح. وأكثر البيوت الأثرية الموجودة بين القشلة وباب توما تحولت اليوم إلى مطاعم تكتظ بالسياح العرب والأجانب.

لقد تعددت حارات الشام وأبوابها وبيوتها وعائلاتها العريقة، وكانت وما زالت لهم عادات وتقاليد راسخة إلى الآن وقد حافظ عليها أهالي الشام. وأنا أعتز بها كثيراً فمثلاً في رمضان المسحر أبو طبله، وفي العيد التهاليل والتكبير وصلاة العيد في الجوامع صباحاً. صدقوني كنت لا أشعر بأن العيد أتى إلا عندما أصحو على تلك التهاليل، ودون أن أشعر ورثت أولادي هذه العادة، وعندما أشم رائحة الفول النابت الذي تسلقه والدتي في الصباح ورائحة القهوة المرة التي يغليها أبي في الصباح وانتظار استقبال عمي رياض رحمه الله صباحاً باكراً، يقدم لعندنا ومعايدتنا وخروجه مع والدي لزيارة القبور ومعايدة الأهل، وضيافة المعمول بفسق والتويتات بجوز والناطف. وأيضاً هناك العرس الشامي والعروض وأغاني العراضات المميزة «صلوا على محمد، مكحول العين...».

صدقوني كنت أحفظها عن ظهر قلب.

وهناك شيء مميز بالشام، كثير من الأكلات نأكلها بمناسبة معينة، فكنت حينما أكل منها أتذكر مناسبتها، فمثلاً: الملابس في عيد المولد النبوي، أتذكر البزورية المزينة وضيافة الملابس في الطريق من المحلات تحية لعيد المولد النبوي. المحلاية أو كشك الفقراء يُذكرنا بالعرس والزيجة الشامية. فمثلاً أول مُحرم نبيض الطعام، أي تطبخ أمي الشاكرية والرز بحليب. أما الحبوب فيقدم عند مشي الطفل.

السنونية أيضاً قمح مسلوق مع السكر، يقدم عندما يظهر أول سن للطفل واسمها سليقة.

وكانت جدتي أم فوزي رحمها الله تعمل لنا الزنكل، وهو شبيه بالعوامة، تخلط الخلطة على حافة البحرة وتقليها وتغطسها بالقطر، ونحن نركض حول البحرة فرحين بأكلة الزنكل، وفي أقدامنا القيقاب نطرق على الأرض به.

هناك ذكريات رائعة، فكيف لي أن أنسى الشام ولا أتمتع بها. فهناك الكثير الكثير في

جُعيتي للتغني بالشام وحراراتها وأهلها وتقاليدها وتراثها ورائحة ترابها المبلل عند نزول أول مطرة على أرضها.

والعلاقات بين أهلها مثل إغاثة الملهوف ومساعدة الناس لبعضهم والمروءة الموجودة بين أهلها.

سؤال الجار عن جاره دائماً ومشاركته في كل شيء، فما أحلاك يا شام. فحبي للشام ولأهلها ليس فقط دفعني لأتغنى بها، وإنما أحببت أن أكتب ما أحفظ من الحكايات القديمة المحكية في سهراتها، والتي كانت تسردها جدتي لنا أو بعض العمرين، وأود أن أنوه بأنني كتبت هذه الحكايات بالعامية أي باللهجة المحكية والمحلية وخصصت بها أهل الشام.

وأتمنى أن تكون ألفاظها مفهومة بهذه الطريقة أي طريقة السجع يعني وحدة القافية. فأنا أخص بالشكر كل من روى لي بعض الحكايات مثل جدتي أم فوزي آمنة ياسين الصباغ وعمتي أم أيمن ووالدتي أم ياسر وصديقتي أم غسان. مثل الدهليز الذي كانت تحفظه النساء ويحكينه، والحكايات عبارة عن قصص قصيرة.

وهي سهلة وسلسة مشوقة تشد القارئ. وكما قلت هي قصص قديمة مما سمعت من الشخصيات المعمرة.

وهي تحمل روح الدُعاة، منها الكوميدي والهزلي ومنها الجاد، وبها مواظ وحكم وعبر.

واضطرت أحياناً أن أكتب بعض الألفاظ مخالفة للإملاء باللغة العربية لضرورة السرد

أي كتبتها كما تقال وتُحكى لضرورة فهمها. مثل أخذوا أي أخذ له. المرا أي المرأة. هلاً أي الآن. لأنها تُحكى بالعامية هكذا. وكان هدف سردي لتلك الحكايات على هذا النحو بالعامية وطريقة السجع لتعطيها جمالية وتشويقاً وتسلية بقراءتها. وهناك فهرس للحكايات.

وفي أسفل الصفحة هوامش لشرح المفردات من العامية إلى الفصحى أو معنى الكلمات القديمة غير المعروفة، مثل ساكو أي مانطو.

وأريد أن ألفت نظركم إلى أن أسماء الشخصيات الموجودة في الكتاب ليست حقيقية. وأشكر لكل من ساهم معي بهذا العمل ما بذله من جهد.

حبي لكم.

سناء فوزي الموالدي

الراوي

أنا الراوي يا سادة يا كرام
اسمي أبو مستو النعسان
الجنيناتي إلي حارس ها لحديقة طول حياتي
وما بشوف مرتي إلا بمناماتي
ويوم من الأيام عند شقوق الضو
خلص دوامي بالحراسة وكان بارد الجو
وقمت لأتيسر علي بيثي
سمعت دعسات رجل ناحيتي
ركضت وتخبيت أفا، شجرة الورد
لقيت حرمة قعدت عالكرسي
وعم تحاكي جالها وجهها عم يفسي
وبعد شوي وحدة لخرى
وبعدها وحدة لصارو سبع نسوان بالأخرى

وضليت لاطي وبسماهم أنا ماضي
لشوف شو جمّع هالنسوان بها المكان الفاضي
لقيتهم اجتمعوا واتعرفوا على بعضهم البعض
وقعدوا يحكوا قصصهم بالطول والعرض
وأنا سمعت قصصهم ورح أسردها لكم مثل الحكواتي ديب النشواتي
رح أحكي لكم حكاية السبع مطلقات
إلي اجتمعوا على كراسي الجنينة خمسة الصبح يوم الاثنين إلي فات وكل وحدة تحكي
حكايتها وفشلها
وتسب وتدعي ع اللي كان سببها.

بياع الصابون

٧-١



أول وحدة كان اسمها درية المزرية
كان جوزها بياع صابون..
وكان يحب مرتو تكون منفوخة مثل البالون..
وكانت تاكل سيع وجبات.. ومن المي تشرب كالون
ويوم من الأيام أجاع البيت تعبان
وقال لها يا درية.. تعالي لعندي بسرعة وخفية..
لأبحث معك هالقضية
قالت لو شو بديك تقبر أمك..
هي أجيت.. هات بوسة من تمك
قال لها عدي وتلممي.. وارخي توبك وتستري
واسمعي شو بدي قولك لك
حتى ما ألحشك وملك
أنا جيت من الدكان طون من الصابون..
لحتى نخبيهن بالعية.. ووقت الموسم بيعن بسعر مجنون
قالت لو: مثل ما بتأمر يا سندي يا حنون.
وبالصبح راح هالرجال على شغلو..
وكان ماشي على مهلو
وعم يفكر بتجارته وريحه ومالو
وكان محلو باليزورية
وبيتو قريب من المناخلية
ومرتو الجدبة.. إلي كانت من حارة الحدبة
فكرت تفيد جوزها
فوقعت على بوزها
راحت قلعت بلاط الدار، وبلطت بدالو هالصابون..
ورشت عليه شوية معجون
وشطفت هالبيت بالمبي..
وبلشت تقشط وتقول: حَيَّ
ويرغي هالصابون
وهي تقول: إي العمى شو هذا مثل الجنون
وما كانت تخلص من الشطف ودلق المبي..

ورح تجيها جلطة بعد شوي
وأجا هالرجال ع الدار..
وأول ما فات من باب الدار..
تزلق وانفسخ مثل ما بيقع الحمار
وانكسر ضهرو وانسلخ سفلو
ودوحس كعب رجلو
وعلى هالعملة تبع مرتو الغبية قال لها: إنت طالق بالتلاتة يا درية
انقلعي من البيت أحسن ما أعمل لك قضية..
وساويكي دهنه مشوية.. وأسليكي مثل الليّة
فاندارت هالحرمة على هالنسوان إلي قاعدين مثل الحزمة
وقالت لهن: شو رأيكن بجوزي الظالم؟
إلي كنت من قتلتو أنا عم قاوم
وبدل ما يكافئني.. كان راح يخنقني
وهربت وتركت البيت.. مع أنني كنت ناوية بلطّ لو الحيط
هي قصتي يا رفقات الهنا.. قولوا لي شويدي أعمل أنا؟

بياع الدهنة

٧-٢



والتانية عيونها صغيرة.. وكان اسمها زهرية
ودوم الدوم.. بتحب النوم
وكان جوزها صاحب مهنة.. وبالإيمرية بياع دهنه
يعني دهنه خوريف وبقر وجاج، يعني بالجملة.. وريحتو دوم فايحة
وما عاد فَرَّقَ بين الريحة الطيبة والريحة الطالحة
ومرتو طبخها طعمتو دوم مالحة
ويوم أجاع بيتو بكير..
وقال لها: براسي في فكرة بدها تديير
بدّي خبّي ببيت المونة كوم دهنه..
وسكرّ عليها هالكانونة.. لأنّي سمعت بدها تنفقد السمنة
ووقت الحاجة منسّلي هالدهنة
سمعت يا زهرية يا سمجة؟
وتاني يوم راح على شغلو بطلوع الضو مثل عادتو، ليفتح محلوو يتسبّب ويبيع دهناتو
وكان ملاً هالكانونة.. بالدهنة المبرومة
وأجت مرتو زهرية.. هالغبية
فكرها عم تعمل منيحة.. هالقبيحة
ففتقت وجوه المخدات والفرشات..
وحشت الدهنات بدل القطنات والصوفات
وقالت لنفسا: هلاً بيجي جوزي بينام..
كانو على ريش نعام
ومضت بضعة أيام.. وجوزا عم ينام
ويحلم بأحلى الأحلام
حتى دُوِدَتْ هالدهنة
ونبّيت راسها هالدودة من هالقرنة
وقرصت جوزها من منخيرو، يا تعتيرو
وقام من هالشوفة مرعوب.. ومن لسانو مسحوب
وفتأ هالمخدات وشاف هديك الشوفة بالفرشات..
وولول ولولة.. على مرتو المخبّلة
وقال لها: روعي وأنت طالق بالتلاتة يا مدللة
قالت لُن: شايضين يا نسوان؟ أنا عم أسأل على راحتو

وهو قَلَّعَنِي من ساحتو
وخبطنِي بالصرامي، ورماني من الباب الثاني
يا حوينتَ التعبْ.. والتفتيق والقطبْ
وهيك هربت وزحفت من بيتو زحف
مع أني كنت ناوية أحشي لو اللحف.

رمضان

٧-٣



التالته كان اسمها خيرية العمشا
عيونها كبار وبتغمز جوزا برمشا
صحيح هي فكحى.. بس نفسا مرحة
وايدا فاروطية.. لأنها نزلت جوزها من العلية
وجوزها أبو ذراع.. بالأكل والشرب بيأع
عندو بقالية.. جنب مقام ستنا رقية
مع أنو بيتو بالعصرونية.. وبيت أهلو بالدرويشية
ولأنو شغلو بالسمانة.. عايش بالأمانة
حتى ما تصيبو الندامة
وبيحسب عيشتو لقدام.. حتى يعيش بسلام
ويحسبها ع التمام..
ويوم رجع من الدكان ع البيت هالأبو ذراع..
إلي كان اسمو عدنان..
وقال لها لمرتو: اسمعي يا مرا: بعد شوي بدو يجي رمضان.
ولازم نحسب عيشتنا لقدام
لأنو رمضان بدو مصروف كتير رغم أنو جيتو حلوة يا سلام
وحتى ما نهكل هم ونشوف منامات وحشة وقت متأم
رح عبي هالكنتبية.. بالمونة الهنية
حتى ما ينقص شي لرمضان
وجاب شوالات من كل صنف أشكال وألوان
وقال لها: ذكّرني بالدبس رمان والبهارات والعصفر والريحان
والجبنة المسكرة والزيتون والمكدوس واللبنة المكورة
وراح على دكانو مرتاح البال..
ماشي وعم يله بها لشروال
وبعد كم يوم بالصدفة اندق الباب ضحوة النهار
ونادى يا ستار
والمرأ بالبيت لوحدا.. عم تشطف وايدا على خصرا
قالت: مين؟ قال لها: افتحي يا أختي يا أم المؤمنين
فتحت هالباب وقالت: مين جاية لعندي؟
قال لها يا أختي أنا شحاد.. وعلى الله رزقي وبختي

قالت لو: شو اسمك يا أخي؟
قال لها: رمضان، وكان بالصدفة اسمو هيك هالفلان
بس حظو كان رنآن.. من ها لجدبة إلّي جوزا ح بيات زعلان
قالت لو: إيه استتّى، جوزي آيملك هالمونة
فوت وخدها بالكثيبيّة جنب الكانونة
فات الشحاد.. ومن الفرحة طارت فيه هالبلاد
وأخذ هالمونة كلها..
وما حس ولا تعب بجرها وحملها
وراح بحال سبيلو.. مع أنو احتار دليلو
وإجا جوزا بها لليل..
مبسوط ومطروب وعم يغني يا عين يا ليل
قالت لو مرتو: ما دريت يا عدنان؟
أجا الشحاد رمضان
وعطيتو بيت المونة كلو بالكمال والتمام
مثل ما أمرتني يا جوزي من زمان
قال لها: الله لا يأشعك خير على ها لعملة!
وينتقم منك يا دبة يا بغلة
روحي وإنّ طالقة بالتلاثة
ويلعن أمك على أبوك، إلّي بداري حطوك
والتفتت على رفاقها البهم
قالت لن: شايفين يا أخواتي بالهم
كيف قلعتني وطلقني.. وسب أهلي وما كان بوشو نقطة دم
لك أنا والله نفذت أمر..
ليش قولكّن ح يموت من قهرو؟!

هيلة الشخاخة

٧-٤



والرابعة كان اسمها بهيرة
وكانت لفأية لوحدة وزيرة
تجوزا واحد جربان
اسمو خليل الكحيان
وكان أجير خياط بالدكان
إلي كانت جنب الشيخ رسلان
وهالبهيرة.. كانت حقيرة
وأكحّت منو بزمان
وكانت فصعا.. وما بتقدر تقعد بمطرحها
رغم أنها كانت باردة وسعانة
وبتحكي على فلانة وعلانة
وأجا جوزا يوم من الأيام ومدحها
وقال لها: يا جميلة العصر والأوان..
اسمعيني شو بدي قولّ لك كمان
بكرة بدي أعمل وليمة لمعلمي ومرتو نديمة
وبدي تببّضي لي وشي.. حتى تضلّ أبلانك نفسي
وبدي تطبخي شي طبخة زقرّ..
يعني غدوة ظريفة بالمختصر
وراح جوزها هالمعتر تعتير
وهي قامت من على بكرة بكير
وكانت الدنيا شتا وبرد..
والمطر متشتشة الأرض
قطعت هالخضرة.. وهاللحمة زنتها بالطنجرة
وقالت لنفسا: قومي اشعلي النار يا معتر
لتطبخي الأكل وتجهزي المنضرة
فأجتها الشخاخة، بعد النوم والراحة
فقال لنفسا: ليش التبذير والاستهتار
رحّ أطبخ الأكل على هبلة شخاختي أحسن ما أشعل النار
لأنو معلوممكن بالبرد بيطلع هبلة للشخاخة
وخاصة إذا كانت شوي شوي وبالراحة

وحطتْ هالطبخة ع الهبله
وكل فكرها رح يستوي الطبخ هالجدة
من كتر ما لها كحثة وجلدة
وأجا جوزها ومعو الضيوف
ونزل الصحون من ع الرفوف
وكل شوي ينادي لها ويقول لها: شو صار بالأكل يا مرا؟
الضيوف جاعوا ورح يقلبوا لورا
وهي لحكيو ما عم ترد.. وما عم تحكي وما عم تصد
وراح ليشوف مرتو
أحسن ما ينبخ حلقو وتبرم شفتو
وشاف هديك الشوفة
ومن دهشتو اتزحلق بالبرطوشة
وانكسرت إيدو ورجلو.. وما عاد يقدر يقوم من سفلو
ومن فعلة مرتو هالغبية..
حلف عليها الطلاق وزتها بالبرية
بعد ما خبطها بإيد الهاون والزبدية
وقالت لنسوان الحديقة: بيعت حمى لحظي
شو عملت لربي حتى هيك يكون آخر دربي؟
وجوزي هالنمام أخذني لحم ورماني عضام.

المعزاية

٧-٥



والخامسة اسمها دبية الحيرانة
وهي بتضل على جوزها غيرانة
وروح قلبا تاكل عؤامة
مع أنها من عيشتها زعلانة
وبتنقّ وبتسقّ ع المنيح والقبيح
وجوزا أبو كاعود.. كل شي ببيتو مفقود
وهو بيشغل محتال..ومن صغرو وهو على هالحال
بس عندو غنمة بالبيت..ورتها عن أبوه هيّ وجرة زيت
بيشرب من حليب هالغنمة..وما بدو يذبحها، وتاركها لشي أزمة
وها المعزاية أحسن من مرتو النعيانة
لأنو مرتو موعا جيبها هالحالة
وبتضل تحسد فلانة وعلتانة
وبتفكر حالها جميلة الجميلات..
وبتغار منها حتى الأميرات
بتضل بتسقّ وبتنقّ..وبحناكها بتلقّ
ويوم من الأيام..انعزمت على عرس بنت خالتها إلهام
وصارت تسح وتتح وتبكي.. وتقول بدي وما عندي
ويقول لها جوزها: طولني بالك يا مرا.. يعني شو يلي جرا؟
روحي مثل ما إنت
وهي عم بتقلو: إي كولّ هوا
بتجيني كل يوم إيد من قدام وإيد من ورا
قالّ لها جوزا: شو بدك لتسعدني؟
قالتّ لو: استعر لي الطوق اللولو من جارنا أبو سعدي
لروح فيه ع العرس واتصدّر بمقعدي
وغير هيك ما لي قعدة عندك يا مسعدي
وسمع كلامها ها لرجّال..
واستعار لا هالطوق حتى يريّج هالبال
وقالّ لها: انتبهي عليه.. لأنو حقو ألف جنيه
وأول ما بترجعي.. بدي ردو لجاري حتى ما يقلق مضجعي
قالتّ لو: لا يهّمك.. ولا توصّيني ولا تتعب بالحكي تمك

وراح هالرجال على شغلو بالزوق.. بس فكرو مشغول بالطوق
 وقامت مرتو تلبس وتتغندر.. وتحط زيت على وشا «ا» وبالتياب تتبختر
 وسرّجت شعرا المزرد بالمشط..
 قام إجت المعزاية وكانت فاكة حالها من الربط
 وقالت لها: ماع.. ماع.
 قام إجت ديبية الجدبة وقالت لا: شو غرت مني يا حدبة؟
 تعالي لسرح لك شعرك.. ولو عندي ديك لأديج لك
 وفرّت ع المراية لتحطّ الحمره.. ديبية أم الفرّة
 فمعتّ المعزاية: ماع.. ماع
 فقالت لها: ولي شو بتغاري.. أكثر من أبو كاعود حماري
 تعي لأدهنك بالحرمة، لحتى تطلعي مثل المهرة
 وقامت هالحرمة لتحط طوق العيرة
 حتى النسوان تموت منها غيرة
 فسمعت المعزاية عم تمعي لها: ماع.. ماع
 قالت لها: لهون وصلّ معك الحال؟
 بدك تشلحيني الطوق كمان؟ هذا والله محال
 ردّت المعزاية وقالت لها: ماع.. ماع
 فانهرّ بدنها هالديبية من معزايته هاللييمة
 وشلحت الطوق.. ولبستو لمعزايته بالزوق
 وقالت لها: روجي ع العرس بدالي.. وخليكي عم تمعي وتلاي
 وفتحت لها باب الدار.. وقلعتها بالحال
 وقعدت زعلانة وحزينة على إلي جرى معها هالفيلة
 وعلى يلي عملتو معها معزايته السئية
 وأجا جوزها ع الدار
 وقال لها: شبك يا حرمة عم تبكي، وتشنهقي مثل الحمار؟
 وليف لهلاً ما رححت ع العرس؟!
 هلاً بسببقوقك بأكل المحلاية والدبس
 مع إنك كنت من الفرحة عم ترقصي رقص
 قالت لو: غارت مني هالمعزاية
 وقعدت بدالي ع الكنباية

لَبَّسْتَ الطُّوقَ وَالزَّرْبُولَ، وَبَعَثْتَ بَدَالِي عَلَى طَوْلِ
فَقَالَ لَهَا جُوزَا: يَمْسُخُ قَدْرَكَ، وَيَكْسِرُ إِيدَكَ وَرَجْلَكَ
أَنَا مَا بَفْهَمُ إِلَيَّ عَمَلْتَ هَالشِي لِأَجْلِكَ
لَكَ مَوْلَابِقْ إِلَّا لِلشَّلَابِقِ
وَلِحَنَاكَ الْعُوجِ.. لَقَّةً بَابُوجِ
رُوحِي لَبَيْتِ أَهْلِكَ.. إِنَّتِ طَالِقِ
وَاتْرَكِينِي بِهَالْمَصِيبَةِ عَالِقِ
وَهِيكَ هَرَبْتِ لِلْحَدِيقَةِ..
وَأَنَا عَمَّ أَسْأَلُكَن: شُو هِيَّ غَلَطْتِي بِالْحَقِيقَةِ؟!

طبخة السجقات

٧-٦



ومدوا هالسفرة.. واشتغلوا بتجهيزها سخرة
وبلّسوا ياكلوا.. ويشدّوا ويمطّوا
وما عم تقطع هالسجقات.. وهنّ عم يقولوا خود وهات
هدا إلي انكسر ضرسو.. وهدا إلي تخونق «٢» بحلقو
ولما اكتشفوا أنو الحشوة شرطيط وكتكت
رموا الأكل بوجه جوزها واتهموه بالكحتت
وسبوه وبهدلوه.. وعلى هالعزيمة لعنوا أمه على أبوه
وقام هالرجال لفخرية.. وخبطها بالنونية
وربطها بالسجقات ربطة قوية
ونزل فيها ضرب وسفّاء وين بيوجعك يا فخرية المزرية؟
وقال لها: إنت طالق بالثلاثة يا نورية
وهي قالت لهن: شايفين يانسوان يا أخواتي بالبلية.
عملت منيح وزتيت بالبير
وجوزي هالظالم هبّرني تهبير.. وزتني بالبير..
وشو إعمل أنا هلاً بهاالتعتير؟!

طبخة السبانخ

٧-٧



والسابعة من بيت الضبعة
 واسمها فهمية الضبعة
 وكانت سميئة مثل الفيلة
 وجوزها اسمو أبو حديد وكان سعان وبلید
 بيشغل كندرجي ناح باب بريد
 وكان شاطر بترقيع الصرامي
 وبالحارة ما لو حدا ثاني
 بس ببیتو ما بدق بسمار..
 ولا يصلح دكة ولا زنار
 مثل ما بيقول المثل: السكاي في حاي والحايك عريان
 ويوم من الأيام.. كان راسو صاي في تمام
 جاب لمرتو رزمة سبانخ.. وقال لها: اطبخيها ع الحارك
 وبدي يا فهمية: تعلمي منها أكلة شهية
 شي بزيت وتوم.. بس لا تحطي كمون
 وشي بلحمة وسمنة.. ومعهن شوية دهنه
 بس اغسلي السبانخ منيح.. ليروح منها الرمل بالصريح
 وانتبهي ما يكون فيها نمل.. انقعيها بالسطل
 وفات على مخدعو.. ونام وما في حدا معو
 وقامت مرتو وقطعت السبانخات
 وحطت عليهم اللحمة والسمنات والدهنات
 فتذكرت أنها ما غسلت السبانخ
 ففكرت وقالت لنفسها: رح حط معهن ملعقة دوا غسيل وشوية مي
 وملعقة نيلة وحركهن شوي
 وهيك بروحوا الرمالات.. وبموتوا النمالات
 وطيختها الأكل هالغبية.. وزيبقت الطبخة ومخبطت تمخيطة بالطنجرة
 وعدمت هالأكلة.. وأكد في إلها بعدها قتلة
 ولما فاق جوزها أبو حديد..
 قالت لو: تعال الأكل استوي أكيد
 وبتلاقي الطبخة جاهزة يا سعدي يا مسعودي
 وأطيب من هيك ما لح تلاقي يا محبوبي

وحطت هالسفرة مثل المهرة
والرجال جوعان.. وأكل الطبخة ومالو حاسس وموعرفان
قال لها: الطبخة مالحة.. مو مثل إلي ساويتها مبارحة
قالت لو: إي حاجة توصفني بالطالحة
قل لي شي مرّة: إني حرمة صالحة
ولسه ما خلص أكل.. إلا كركبت مصرينو
وصار يصرخ بالولي من يمينو
وأخدوه هالجيران ع الخستخانة «١»
وانغسلت مصرينو وصار يرغي الصابون لمنخيرو
ولولا لطف رب العباد.. لصار الرجال من عداد الأموات
ورجع ع البيت وعرف الرواية
شو عملت مرتو الفهمانة.. وقال لها: إنت طالق بالتلاتة..
ولطشها بشي كم صرماية
وقلعهما برأت البيت هالسهيانة
لحتى التقت بها لرفقة الجريانة
وقالت للنسوان: شايفين حظي شو عدمان؟
فوق ما نفذت طلبو لطشني بدنبو
مع إني كنت بالبيت أنا سندو
وشوفيهما لو انغسلوا السبانخات بعد الطبخ أو قبلو
المهم نضفوا.. وموهيك كان طلبو؟
أما أنا الجنينات.. راحو من راسي عقلا تي
لأنو ما مرق على راسي هيك نسوان بحياتي
وقمتّ الهن بالمزربة. وكأنها بإيدي حربة
وووين بيجعك يا جدبة يا دبة
ونزلت فيهم ضرب
ليهربوا من هالدرب
لكّ، يخرب بيتهن وبيت بيتهن
وقال مفكرين حالهن مقهورين
وعم يسردوا
لبعضهن أنهن مظلومين

وقلعتهن من الحديقة من الباب الوراني
ولهلق عم حاكي حالي على فعلتهن
بس يا ويلي ويا فلام ليلى
في عندي بالببيت أمرّ منهن

العباية

٨



كان يا مكان من قديم الزمان، وسالف العصر والأوان
كان في تاجر مهمّ..
ماشي بسوق الحميدية وعم يتبختر ومالو مهتمّ
وكان من أغنياء البلد.. وعایش مبسوط من غير كمد
ولابس عباية مزركشة بالقصب..
ومرصوفة بالأحجار الكريمة إليّ كل حجر فيها ألو لقب
وكلها من خيوط الحرير المبرومة
وبجدائل الذهب مخيطة ومنظومة
وداير كل حجر خيط فضة
مبروم ومحسوب بالنقطة
وحجار العباية من المرجان والياقوت
والناظر إليها بيجي ليموت
وفيهما كمان لولو وزبرجد
والأكمام فيها قماش منجّد
الخلاصة.. وصفها بالخيال
وملكها والله محال
وعلى راسو حاطط عمامة
من قماش البروكار والحرير.. وفيها علامة
وهي حجر من الأحجار الكريمة
إلي بيجي عليها نظرو كأنو غنم غنيمة
وهو ماشي هالرجال بالسوق كأنو أمير مالو مثال
لمح صبية وصف جمالها من وصف الخيال
وعيونها مثل المها
ويمكن كان اسمها سها
وكانت حلوة.. وكأنها غزالة أو لبوة
ماشية كأنها عم تقول: يا أرض اشتدّي ما حدا قدي
ولافة عبايتها السودا من خصرها لراسا
وعم تتقصّع بالمشي كأنو قفاها حرّاسا
حليّت بعينوها لرجال.. ولحقها بالحال.. وميلان عليها مال
وقال لها: ميلي عليّ ميلي.. ريتك تسلمي لي

فردت عليه وقالت: امشِ بدربك يا سئيل
 يا لطيف شو ظلك تقيل
 قال لها: يسعد صباحك يا قطة أفرنجية
 ويا مسك وعنبر ويا خلقة إلهية
 ومن جمالك ما شفت مثيل.. وريقي من تمي رح يسيل
 اندارت عليه لتناولو بالكف بين عينيه
 فلمحت العباية هالحرابية
 فرخت إيديها مثل السهيانة
 وطار عقلها بالزركشة إالي عليها
 وبحياتها عينا ما وقعت على مثلها
 فقالت لو: شو طلبك ومطلوبك
 ليكون مفكرني محبوبك؟
 قال لها: يا حلوة يا جميلة.. عملت مني شعلة بفتيلة
 قالت لو: لكان الحقني لباب الدار
 هنيك بنحكي شو عنا أسرار
 ولحقها لوصل لمطرحها
 وقالت لو: شو بدك هلا مني
 قال لها: بدي وصالك وقربك لها الفقير الممتي
 فقالت لو: تعطيني العباية
 وطلبك مني بتاخديو بدون زيادة
 قال لها: موافق ولجوا أنا لاحقك
 قالت لو: هات العباية بالأول
 قبل عني ما تتحول
 شلح هالعباية وأعطاهها للحرابية
 أخذتها وزتها بالبيت
 ودارت لو خدّها وقالت لو: خود بوسة
 على قد ما أعطيت
 وما تحمّل حالو هالجربان
 نتر منها البوسة من خدّها الدبلان
 فقالت لو: بس يا حباب.. وسكّرت بوشو الباب

وانسطل من هالموقف.. ومو كان هادا إلي كان بريد
كان فكرو في المزيد
ودق عليها الباب وقال لها: ولي تركتيني هيك بها لحال
هذا والله محال
ورجع دق الباب بإيدو الحامية
فتحت الباب، قال لها: عطيني العباية
يا هاتي بوسة تانية
قالت: نحنا ما منشحد عبايات
وروح من هون أحسن ما أندة لك العسكر والسرايات
وترسيت الباب من تاني
ففكر الرجأل كيف بدو يرجع هالعباية
فقورا رجع ودق الباب
لأنو بتفكيرو في أسباب
وفتحت الباب وقالت: شو بدك يا حباب
قال لها: زكاتك عطيني كاسة مي باردة
لطقي اللهيب إلي بقلبي رح يصيب
قالت: استنى شوي يا غريب
وجابت لو كاسة المي وعطتو ياها
ودارت الباب لورا
فشرب المي والكاسة حملها وكسرها.. فشهمت ونقرت
فقالت لو: يكسر راسك وإيديك
ما بتعرف راسك من رجلك؟!
وترست الباب بوشو
بس هو كان إلو هدف، وعقلو ما عم يغسو
وقف حد الباب.. ليستئا جوزا الحباب
وأجا جوزا أبو دياب
فقال لو: شو عم تعمل جنب بيتي يا أبو الشباب؟
فقال لو الغريب: يا أخي أنا غريب
لقيت بيتكن من تم الحارة قريب
وعطشان وبدي أشرب

وطلبنا مي من عيلتكن.. لنشرب ونرتوي من بيتكن
قبل ما تجوا على مهلكن
فوقعت مني الكاسة والله من دون قصد
وانكسرت من دون عمد
فهيك عم نتعاقب من أهلكن بأخذ العباية تبعنا؟
هيك والله انظلمنا
فاعتذر منو أبو دياب وفات ع البيت
وأخذ العباية المعلقة ع الحيط
وعطاها للغريب.. بكل اعتذار وترحيب
وراح صاحب العباية بطريقو.. وعبايتو رفيقو
بس إيد من ورا وإيد من قدام.. مثل صبي الحمام

حكاية خطبة



الداعية رشيدة.. أم رشيد
وأنا من بيت الحديد
وكنت أنا أكبر خياطة بالحارة
لأنني عايشة بشطارة
ورغم عشرتي مع النسوان مالي ثرثرة
وعندي جارة اسمها فريدة
وكانت بتشتغل بباب السلام، مكيسة بالحمام
وجوزي عطار بالبزورية.. وألو هيبه قوية
واسمو جدو..
وخلّف ولد وسماه رشيد.. على اسم جدو..
وما كان حدا قدو
وعندو دكان بالشيخ رسلان
وكان جوز جارتى فريدة بيشتغل بالنزبالة
وقلب شغلو.. وصار بالعتالة
لحتى تروح ريحتو ويحسنّ هالحالة
وكنا ساكنين جنب بعض.. أنا وفريدة وأم العبد
ويوم من الأيام
طلع برأس ابني.. بدو يتجوز ولو بالمنام
وقلت لجارتى: تروحي معي لأخطب شي بنت من حارتى؟
بس بدي ياها صغيرة وناعمة.. وأحلى من بنت خالتي
ولبست جارتى هالمأمعة.. كندرته هالملمعة
ولبست كنزتها الصوف.. إلي عليها سيلان ملفوف
وتحتها تنورا تريفيرا«١»، إلي جوزها بيموت عليها غيرة
وحطت حجابا المنكوس.. من كتر مولا قطة فيه هون دبوس وهون دبوس
الخلاصة.. تمرّت وتغندرت
والحمرا على شفتيرا مرّرت
ونحنا بالطريق عم تحكي وتشوبر
وقعت بالجورة.. إلى جنب شجرة الحورة
حملتها الرجال
وانكسر كعب كندرته لأنو كان في بسمار

وبيت العروس كان بحرجلة.. وأبوها بنادوا لو أبو بغلة
 وقالوا لي العروس حلوة.. بس أمها بلوة
 وابنك رايح فيها فطيس.. وبدو ياها ولو كانت بالكيس
 هيك قالوا لي جيران الحي.. وقت دلقوا على راسي مي
 وصلنا لبيت العروس.. ريتا نتعتنا التيوس
 ولقيننا الباب مخلع.. ومن مكانو رح يطلع
 دقيننا الباب، قالوا لنا شدوا الساقط^٢
 بس انتبهوا ع اللاقط^٣..
 ودخلنا.. ويا ريتنا خرجنا
 وعلى جنب الباب في كرسيين
 ومدنا رجلينا وقعدنا نحنا التنتين
 وفاتت الأم إلي مثل الدبة
 ولحقها البننت إلي مثل الذئبة
 وشعرها منكوش نكش
 كأنها حاملة على راسها البيت والفرش
 قلنا للأم: شو طلباتك؟ لحتى تجي لو
 فقالت: بدنا العريس يكون رياضي.. وجيبو مو فاضي.. وما ألو ماضي..
 قالت البننت: بدي ياه يجي لعندي كل يوم سبت
 ويجيب لي كل يوم هدية.. ولو كانت سلة تين من البرية
 ويكون خسكارو تمام، وزيتو موخالص من زمان
 وقالت الأم: بدي يكون مهرا أسوارة وطوق وفستان سهرة
 وكل ما إجا لعندي إيدي ييوس..
 وعلى سجادتي ما يدوس.. وما يندب عندي مثل الجاموس
 وقالت البننت: بدي ياه طويل ومهيوب..
 وما فيو شي معيوب
 وخلص بيتنا الكلام
 ووافقنا على طلباتن، وقرينا الفاتحة بسلام
 ورجعنا ع البيت كرفة، وأدكلنا ع الدرج دحكلة
 بس ابني رايد ها لبننت مثل ما بتعرفوا ومسطول فيها ومهبول بيها
 وبعد يومين.. يا نور العين

رحنا لنفصيلُ النقد.. وعم نستند على بعضنا البعض
وأبو العروس.. أئيس من التيوس
وكان سكران وقالب طينة.. يعني هالكعكة من هالعجينة
رحنا لعندُنْ لنشوف شو بدُنْ، أم احزروا بقى سيدي شو طلبُنْ؟
بدن من البابوج للطربوش
ومن اللحمة حتى الفتوش
ومن الخبزة حتى المنقوش
واختلفنا بفصيلة النقد.. يمكن لأنو كان في برد
وأجا أبوها.. ومال علي وقال: كيفك يا أم رشيد؟ وكيف الحال؟
بيجي العريس يوم الخميس
ومنكتب الكتاب ومنعلي الجواب
ومنقبض النقد المصاري
وبسكتو عندك مو عند حدا ثاني
أحسن ما يسكنوا بالبراري
ووافقنا بلا طول سيرة.. لحتى خلصكُنْ من هالحيرة
ووصلكُنْ للقفلة.. وصارت الحفلة
وضيفونا محلاية.. من عند أبو رشدي صرماية
إلي كانت أمه بالحارة لفأية
وخالتو أم صبري الداية
ورقصت بنت أختي هالفكحة
وابني شطت رياتو من الفرحة
وبالصبحية.. طعمونا فول بزيت قد الوقية
مع أنو لازم يذبوحوا لنا ضحية.. أو خاروف بقرون قوية
وأخر المطاف..
أخذنا أكبر خازوق بالجوازة.. ومن مرت ابني أطفاف
وابني صار بجواتو يتعذب
يمكن أخذ منها كم مرتب
وقلت لو: يا بتي.. ولي على أمك
شو صار بسنانك وتمك؟
قال لي: دخيلك يا أمي.. أكلتني بلا ملح.. بالليل والعصر والصبح

طلع شعرها عيرة..
وجسمها بلون النيلة..
وبزازها محشية
وعيونها تلزيق
ورموشها تركيب
وسنانها مكسرة
وألها حردبة يا أمي
بتنخزني فيها من خصري
ورجلها مكسورة وإلها خشبة
وأيدها مخلوعة وبدالها حاطة حطبة
وسلسلة ضهرها مزحلقة. وبدالها مركبة رجل كتبة
وركبتها مثل العتبة
قلت لها: وين إيدك؟!
قالت: على ضهر الخزانة حاطتها
قلت لها: وين رجلك؟!
قالت: تحت التخت زاتتها
قلت لها: وين عضمة عصعوصك؟!
قالت: عند أمي وادعتا.
قلت لها: إي ما عادت محرزة المسألة..
فكية وابعتية.. وخلصت المهزلة.

١٠ ترقيفا: فماش مطاطي قريب ل المليكر
٢٠ الساقط: قطعة حديد تعلق لتسد فتحة الباب
٣٠ اللافت: القطعة الأخرى التي يوضع بها الساقط

حكاية اللحاف

١٠



كان يا ما كان يا سادة يا كرام
كان في حرمة مستورة اسمها أمورة
وعايشة مع جوزها بحارة الجورة
وهي كانت ضيعة مهجورة.. بس صارت معمورة
وكان جوزها جشع وبخيل.. ومالو مثيل
ويوم من الأيام انعزمت هالمستورة على عرس بنت المختار
ولبست وتغندرت.. وبالذهب تشنشلت
وقت بدها تروح لفتّ حالها بالملاية
فقال لها جوزها: تعالي يا معزاية.. تعالي لشوفك يا حرباية
شهُقْ شهقة وقال لها: لابسة أساور الذهب!
إي ريتك تصيري سعدانة ويطلع لك دنب
إي شلحي هالأساور.. وحطّي بدلنّ التتكَ
بخاف من الذهبات شي عين حسودة تصيبنّ
لأنهن بالنسبة ألوهدول ثروات
وشلّحها هالأساور.. وقال لها: انضربي روحي مع طيب خاطر
وراحتّ ع العرس ودمعتها على خدّا
من عملة جوزها إلي كلمتو ما بتردّا
وهي ماشية بالطريق لبيت المختار..
وعم تفكر بجوزها التور المطعمّ ع الحمار
طلع لها قاطع طريق بينقال عنو مشلّح
وحط الفرد براسها، وشلّحها مداسها
وقال لها: امشي بدون صوت.. أحسن موبفشكة يجيكي الموت
ومن بين الحارات انداري.. حتى نصل لداري
وسكتت هالأمورة.. وقالت لنفسها: ولي وقعت بالجورة
وصارت تبكي وتولول.. على حالها هي وهالمتسؤل
فخبطها هالمؤذي على راسها.. وحملها على ضهرو هي ومداسها
وراح فيها لبيت بالبرية.. مخبأً أفا شجرة عمرها شي مئة
وكان هالبيت عدمان ومهري وحالتو سقيمة
وهو عبارة عن غرفة إلها باب بقفل
والها شباك صغير ما بيطلع منو أصغر طفل

ولحشها ع التخت..
 ونظرها حتى تقيق لوحدها من الخبط
 وصحبتْ هالمسكينة وهو قاعد عم يستأها ع الأرض
 ولما فاقت صارت تبكي وتسفق بحالها وتقولْ لو: دخيلك لا تفضحني والله جوزي
 بيدحك ويبدحني
 وشو بدك مني؟ خود الذهبْ إلي بإيدي وصدري
 أخذ هالأساور التنك وهو مفكرْهُنْ ذهب على ذهب
 ونظر عليها نظرة شهوة.. وفوراً هي عرفتْ القفلة
 قالتْ لو: دخيلكْ لا تكونْ معي خسيس
 وتخلي بيناتنا بليس
 لأنك بترؤحني فطيس
 وبتشرشحني بها الضيعة وبصير سعري بسعر المداس
 وقت بيعرفوا بقصتي الناس
 وهو هالجربان ابن الجربانة
 حليتْ بعينو هالحرمة إلي مثل الرمانة
 لأنو شافها مغدرة.. وكأنها عروس بليلة عرسها رغم أنها مسترة
 فقالْ لها: شيكْ خايفة مني
 لسا أول السهرة وما قعدتْ لسا معي
 قالتْ لو: دخيلك جوزي بيدحني.. وبترجاكْ ترجعني
 حتى ما يمضي الوقت.. ويحسوا بغيابي وينمقتو مقتْ
 قال لها هالمشلع: ها ها ها
 مفكرة دخول الحمام مثل طلوعو
 ما بفلتِكْ من بين أيدي.. وغيركْ اليوم ما بلوعو
 ففكرتْ ها لمتعوسة..
 أنو ما في مهرب من هالتور الأجر ب إلي ما بتقدرلولا بقرة ولا جاموسة
 فقالتْ لنفسا: أحسن شي أعمل حيلة عليه بركي بيلبسا
 وبركي الله بيكتبلي الهريبة والنجاة
 لأنني بريئة وشريفة ومالي بها لحركات
 فقالتْ لو: شو قصدكْ يا حبابْ..
 قالْ لها: هي أنا وأنت.. ومسكّر علينا الباب

ومصاري ما معك.. يمكن تاركتهن ببيتك أو مخدعك..
 وفهمك كفاية، يعني جسمك بس إلي معك..
 وجمالك هو إلي بينفك
 روقيني اليوم حتى أتركك تفلّي بعد النوم
 وكوني لطيفة معي شوي بتركك تروحي بعد شوي
 وبتركك تروحي قبل ما ينكشف أمرك وتموتي بهمك
 والبيت قرنتو غميقة وبعيد.. وقد ما زعوطت وولولت ما راح حدا يسمعك
 فشو قلت يا حلوة يا ذكية؟
 أرضي معي لعيشك ساعة هنية
 وخليك معي رضيانة.. أحسن مو بالفصب تصيري ندمانة
 فقالت لو: موافقة بس هيك ع الناشف؟
 ولا أكل ولا شرب؟ وهيك بيتك فاضي ومو عارف
 قال لها: لعيونك يا جميلة
 بيحضر لك أحلى الطعام والشراب.. بس لا تكوني سئيلة
 ولا تعمل علي شي حيلة
 والأفضل قايم روح أقفل عليك الباب
 حتى ما يكون لهروبك شي من الأسباب
 أصلاً هون ما في ولا سرداب
 ولا تنامي بغيابي.. لأنني راجع لك يا أحلى حبابي
 قالت لو: طيب لا تروح وتطول لأنني من الجوع مهلوفة
 وخايفة يروح الوقت سلوفة
 انبسط من حكيها هالحقير.. وجاب المفتاح من الزير
 ليحرب القفل بجوزة الباب.. قام علق المفتاح بالجوزة
 وما كان يطلع لا بحلال ولا بحرام
 لحتى انكسر المفتاح بالجوزة من قدام
 وطار عقلو من راسو.. وغضب وفقد إحساسو
 وكثير كثير غضب
 وصار مثل المي ع الزيت الحامي وقت بينسكب
 وهي ساكنة وخايفة وقاعدة بزاوية التخت
 وخايفة ينحط براسها شي جفت

وهو هدي بعد شَوَيْ.. كأنو بردت براسو المي
فقال لها: أجتني فكرة يا أحلى وحدة بالحي
حتى ما تهربي والباب مالو قفل
يا بضل عنديك وبلا الأكل.. يا بجيب الأكل بسطل
إذا نفذت لي شرطي الوحيد إلي ما لو تاني
تشلحي ثيابك كلها.. البراني والجواني
فقال: لو: دخيلك بدك تتركني بالزلط
أكيد عم تمزح.. وجاية تخرط خرط
فقال لها: أبداً ما في غير هالحل
قالت لو: صدقتي ما راح أهرب.. وحط ثقتك فيني ولا تمل
وترؤى عليي يا خفيف الظل
يا أما خدني معك.. بجوز هيك أنفعك
فقال لها: لا تحاولي.. وأحسن طريقة لتبقي معي بالغرفة طليقة
إنك تشلحي وتعطيني ثيابك آخدهن معي أمانة
لحتى أرجع لك بالسلامة
وبضمن عدم هروبك.. من قدرك ومني أنا محبوبك
وبالبيت بيبكون مأكد وجودك
ومن فرحتو بالفكرة.. نفذها ع الفور بها لمسكينة المنقهرة
وصار يضربها وينغزها لتشلح ثيابها وتزتها
وشلحت هالمسكينة هالأواعي لها لحدرون
وأخذهن معو من الملاية للكلسون
وترك هالمسكينة.. لآفة بعضها البعض.. وهي على حالها حزينة
وراح ورد عليها الباب.. طبعاً بدون لا قفل ولا مفتاح
وفكرت هالتعيسة شو تعمل
وتناوقت هون وهون لتلاقي شي قماشة أو شرشف أو بشكير
لحتى تستر فيها نفسها من عملة هالحقير.
فلقت تحتها لحاف.. فقالت لنفسها: أجت فرصتك يا بريئة
لفي اللحاف عليك واهربي ولو كنت وحدك بالبرية
أهون ما ينالك هالمجرم ويعملك لقمة هنية
لفت على حالها هاللحاف العتيق المنجد

وهربت فيه وهي عم تتلفت
لتشوف حدا شايفها أو بشي لخته حدا ناظرها
هيك لوصلت ع البيت
ويا ويلها من إلي شافتو من جوزها إلي مثل الحيط
حكّت لو القصة.. وأكّدت لو أنها بريئة
وما مَسّاها المشلّح أبداً.. وهي كانت بهروبها جريئة
وطبعاً ضربها جوزها وما صدّقها
وكان فرحان لأنو ما أخذت الذهبات معها
وقلّعها برّات البيت.. كأنها بصقة بصقها
فراحت باللحاف إلي كان معها.. لأفة جسمها فيه وساترها
هيك أمر زوجها أنها تروح بالجرم المشهود إلي كان معها
وصلت لبيت عزوتها وشرحت لهم الحكاية والحادثة
وأنو ظلمها المشلّح.. وجوزها الخسيس أبو مفلح
فكتموا الحكاية.. أهلها وخبّوا للحاف بالكنباية
حتى ما تصير قصتها علكة بالي رايح وإلي جاية
بس الدّئي جوزها ما كذبّ خبر
وراح لعند أهلها ورمى عليها يمين الطلاق بالمختصر
وقعدت عند أهلها هالمظلومة..
بس فضحها زوجها بالضيعة ووصفا بالمعونة
وصارت بنظر الناس ملومة
ويوم من الأيام.. بعد الحادثة بشي ثمن تيام
كانت مهمومة وعم تبكي.. ولنفسها عم تسب ولأله عم تشتكي
وكانت ضايحة ومعصّبة فتناولت للحاف إلي بالكنباية
لتفشّ قهرها فيه لأنو هو سبب الحكاية.
وأخذتو وبلّشت تشرط فيه بالسكين يمين ويسار
وتشبّط فيه تشببّط.. وعلى حالها نازلة تخبيط
وفجأة انفزر للحاف وانتكّت إلي بقلبو
وصارت تتناثر منو المصاري المصففة داخلو
ألوف ألوف مرتبة بصفوف
إجتها الصدمة والصفنة

وقالت لنفسها: أتاري هالحرامي حاشي للحاف بالمصاري بالجمله
 وصارت هالمغدورة تبكي وتضحك..
 لأنو وضعت قدّامها الصورة وهي مثل المجنونة
 وناديت لأهلها ليعرفوها أنها مظلومة
 وليشوفوا براءتها باللحاف
 ولو كانت مع عشيقها يوميتا ولافنها باللحاف
 لما كان ملاء بالمصاري وحطو عليها وع الكتاف
 فدريت هالضيعة بهالصنيعة وقالوا: إلا ما يقع هالمشلع..
 ويدور على اللحاف صاحب هالمصاري السفاح
 ولنقطو ونبري هالحرمة من هالتهمة
 وقت دري جوزها بالقصة.. وأنو صار معها ميات وألوف
 فقال لحالو: لازم رجّع هالصواني ع الرفوف
 وراح لبيت حماه.. حتى يرجع مرتو لحماه.
 فردت عليه وقالت لو: وشريفي وسمعتي مين بيرجعها؟!
 ولأ ما عادت بتهمك.. وقت دريت بالمصاري؟ إي استح على دمك
 وبعد ما فضحتني ووصلت مسبتي لمسمعي
 وقامت لت عليه أهل الضيعة
 لتفريجهن أبو مفلح أديش أخلاقو وضيعة
 وقالت للناس: إذا بين المشلع ودور على مصريه
 واعترف بالحقيقة
 رح كون مرتاحة.. ورح موت بين إدين ربي وأنا بريئة
 وبعد كم يوم دري المختار أنو في واحد عم يسأل على حرمة أبو مفلح
 فعمل كمين مرتب.. ليوقع فيه المشلع ويتعذب
 ولقطو وحبسو وجاب هالحرمة لتتعرف عليه
 وعرفتو على الفور من عينيه
 وطبعاً سلموه للمخفر.. وماكان حدا أشطر
 وهي وزعت المصاري على أهل الضيعة
 على شرف هالقصة وإثباتها إنها بريئة
 ونكاية بجوزها الندل
 عبت المصاري بالسطل

وصارت تنثرهنّ على أهل الضيعة نثر
وبالنهاية أحلى كلام.. بهالحكمة المأثورة عن الأتقياء.
بين الفضيلة والرذيلة صفات الروح.

كيد النسوان

11



رحّ إحكى لكم حكاية.. فيها عبرة ورواية..
روت لي ياها ازدهار شمشاية
ومتل ما بنعرف.. الحكي كتير عن كيد النساء
وأنو غلبّ كيد الرجال.. ما في مجال
وهالحكاية بتثبت أنو كيد النسوان..
قدّيش هو من فعل بليس.. ومن فعل الشيطان
والنسوان ما بيقدر عليهن غير رب العباد
لأنو أفعالهن فيها كيد وعناد
كان في سالف العصر والأوان حرمة متجوّزة ومستورة
وبالحارة معروف جمالها.. وأنها حلوة وأمورة
وكل رجال الحارة بيتمنوا معها صورة
وملعونة وجركية.. ولجوزها هي نغشة
وكان جوزها درويش وما في شي بالحال
وطاير عقلو فيها وعلى كل شي يقول لها: ح بصير بالحال
وشو ما طلبت بيحضر لها بالحال
وهي حملتو فوق طاقتو.. والدين عم يشتر متو مثل ريالتو
فهالطماعة ما عجبثها العيشة مع جوزها هالخبیثة
فعشقت على جوزها دكنجي بالحارة..
وهو أصلو من العمارة.. واسمو كان بشارة..
بس هو ألعن من زوجها بكتير هالحمارة
وصار كل يوم يختلي فيها.. وعلى كل درس لون
وهي تناغشو وتنادمو كمان.. وكأنها عايشة معو بأمان
بس يروح جوزها على عملو.. بيفوت الثاني ليشوف شغلو
ففاحت ريحتها بالحارة..
لأنو الموضوع بدو ينكشف بالأخير.. ما بدا المسألة شطارة
صاروا يهمسوا بأذن جوزها همس
عن هالخبیث وهالنمس
وجوزها لأنو بيعحبها ما كان يصدق هاللمز
ومع الأيام كتر الحكي وصار صريح
وهي عم تنكر وتقول لو: مو صحيح

وهالرجال الدرويش صار يشك بحرمته هالنمرودة..
 وصار يراقبها ليلقط عليها خيانتها اللدودة..
 حتى يناولها شي فشكة من شي بارودة.
 وقف شغلو وانتزع عملو.. وما كان يقدر يكمش عليها شي
 فهمس بأذنو رفيقو.. وقال لو على حل ليفرّجلو ضيقو
 أنو ياخذ هالحرمة ع الجبل المقدس وتحلف..
 وإذا كان الحلف كذب.. ألو عقاب من رب العباد وسريع ومجاب
 وما بيلجأ للجبل والحلفان..
 غير كل واحد فاقد الحيلة ويأسان.
 فعجبته هالفكرة الرجال.. ونفذها بالحال
 وقال لها لمرتو: حضري حالك للحلفان المقدس
 فجنّ جنونها ونبقوا عيونها.. وصارت مثل المجنونة
 وما كانت تنام بالليل من التفكير هالملعونة
 وكانت عم تفكر كيف بدها تهرب من هالورطة
 لأنها إذا كذبت تخاف من النهاية وتروح رقيبتها بالبلمطة
 وإذا ما رضيت تحلف بصير لها جرسة
 وكيدها الشيطاني.. أرشدها بحل وحيد مالو ثاني
 فقالت لعشيقها: خود معك بغلة.. ووقف بسفل التلة
 وقت بوصل أنا بدّي أركب عليها
 وخلي الباقي عليّ.. لحتى ما تتبلى فيّي
 ثاني يوم الصبح لبست ملايتا ومداسا
 وحطت إيدا على راسا
 وقالت: الله يعيّي على هالمهمة
 قالت لو لجوزها: أنا جاهزة للحلفان عن هالتهمة
 فأخذها جوزها وراحوا للجبل المقدس إلي فوق التلة
 فقال لها: ليش ماشية مثل النملة
 لسعتنا بأول الطريق.. استعجلي هلا بينشف الريق
 وصلوا لسفل التلة
 وكان العشيق واقف وجاهز مع البغلة
 فقالت لجوزها: تعبت كثير وما عاد فيّي أمشي

فقال لها: عمّ تعملي حيلة حتى ما تنكشفي وتغشي
 فقالت لو: وقّف فيّ عند حد.. صدقتي تعبت عن جدّ
 ركّبتني على شيّ جمل أو حمار أو مركوب
 لأطلع وأحلف لك بالمطلوب
 فجوزها شاف البغلة مع الرّجال
 فتاداه وطلب منو يركّب هالحرمة لراس الجبل
 وفاصّلو على السعر على قد العمل
 وطبعاً رضي العشيق وقال لها: اتفضّلي يا حرمة
 فأجت لتركب على البغلة
 وقالت لجوزها: آه رجليّ تورّموا وصاروا قد الحلة
 بوصلّني لسفل التلّة
 وهي عمّ تحكي كشفت عن رجلها حتى الركبة
 وعلى أساس مو قصدها..
 فرخى لها العباية وقال لها: انتبهّي واتسّري يا حرمة
 واستري نفسك يا جحشة.. البغال شاف عورتك يا دبة
 والخلاصة وصلوا لمكان الحلف فيّ الجبل
 وقال لها: انزلي من ع البغلة.. وعطى البغال أجرة النقلة
 وقال لها لمرتو: احلفي مين شاف عورتك غيري
 وكوني صادقة.. أحسن ما غَضَبَ السما يكون فيكي لازقة
 فحلفت هالمغضوبة المكيودة
 وقالت: والله ما حدا شاف عورتي غير إنت وهالبغال
 ونفدت حالها هالبلية
 وقتعت حالها هالخسيسة
 وبرّد قلب الرّجال.. وقال لها: تعالي نرجع بالحال
 وما كملّ كلامو حتى خرّ عليهم الجبل
 من ذنوب وكذب هالخبيثة
 ومغزى القصة يا إخوان..
 أنو الجبل ما حمل كيد النسوان، كيف بدو يحملو الإنسان

حكاية اللعبة

١٢



رح أحكي لَكُنْ حكاية إلهها عبرة
عن وحده كان اسمها مسرّة
وعن سلطان جائر من هداك الزمان
كان ظالم ومتعقد من النسوان
وكان ألو سلطة ومتسلط على هالعباد
وشو عم يعمل مو عرفان
وكان هدفو من النسوان يحبسهن بعد ما يتزوجهن
ويحطهن بمخدعهن وما يخلي حدا يلمحهن
وكل وحدة يتزوجها عن الناس يبعدها
ويعذبها بحبسو إلهها
وبعد كم شهر
تموت من القهر
وكانت ضحاياها من النسوان مثل فرط الرمان
وكان ما بيتجوّز غير الحلوة الصبية
يلّي تكون ألو سبيّة
حتى يروّق عليها ويسكنها بالعلية
بجنّاح خاص فيها حتى تعيش غريبة ووحيدة
وغرفتها تكون كبيرة وبالديياج مفروشة
وبالحرير والقصب ستائرنا منقوشة
وسجادهها إيراني وكاشاني
وشراشفها من حرير دودة القز يلي مالو ثاني
بس شو الفائدة يا حرام
الحبس حبس حتى لو كان على ريش نعام
ووقت ماتت آخر وحدة عندو
ما حزن طبعاً ولا حظ إيدو على خدو
راح ينقي وحدة على قدو
لتزيّن حبسو وتكون ملبسة طعمها حلو تحت درسو
ونزل ليتفكّل بالمدينة
حتى تعلق بإيدو شي حزينة
والله ما عطاها حظ من عندو

وهو ماشي وميخلق عينيه
وحرّاسو وطواشيه بين رجليه
لمح صبية من أجمل ما كُون الرحمان
وقوامها غصن البان
وسبحان الله على وشها الحلو هالباري العدنان
وعيونها مثل عيون المها
كأنها حورية أو من ملائكة السما
وشعرها حرير على ظهرها انسكب
مثل لون الجمر فوق الحطب
طار عقلو من راسو
ونلخبط دوزانو وفقد حواسو
وبسرعة البرق نادى حرّاسو
وركضوا هالحرّاس ع الفورّ
كم واحد ما شيينّ بالدورّ
ليجيبيوا هالحلوة الفتية
ولو كانت بحضن ستنا رقية
ليجيبيوا هالمعترة لحضرة السلطان إتي قاعد بالمنضرة
وجابوها.. وتركوها بحضرتو
لتواجه مصيرها إتي ما حسبتو
وتأمّلها السلطان
كأنها شاة حانّ دبحها عالتمام
وقرب صوبها لقدام
وهمس بأذنها كم كلمة
وقال لها: حتى تعيشي بقصري مثل النجمة
اسمعي كلمتي وطيعي أمري
ويكون بمعلوميك: ما حدا بعد اليوم رح يشوفك غيري
أحسن ما أعمل من جلدك دربكات
ومن أدانك صاجات
ومن لحمك أعمل حباشات
فخافت هالمغدورة وقت تجلّت عندها الصورة

وسكتت واستكانت.. لأنها عرفت إني قبلها شو عانيت
وتجوّزها السلطان
وعيشها بغرفة الأحلام
وقطفَ عليها هالضربان
وكل يوم يجيبها لمخدعو.. وعن اشتياقو يحكيها شو صار معو
وعاشت عندو هالمسكينة
من تم ساكت وهي حزينة
محبوسة بأربع حيطان لا شيّاك بغرفتها
ولا باب ينفّح بأوضتها.. ولا حدا تحكيو همها
وانحرمت شوفة أخواتها وأمها
وصارت تدبل هالزهرة
مثل ما دبل غيرها بالمرّة
وكل ما يجي السلطان لمخدعها
يشوفها نايمة ومعانقة لعبتها معها.
وهو مثل الكلب الجربان
عم ينتظر إيتمى بدّها تموت هالجميلة من الحرمان
يعني حرمانها من الحرية ومخالطة الناس وهذا هو الأساس
ومضت شهور ومضت سنين على هالحرمة بحبسها المسكين
وبأملها بالحياة والحنين.. لينفك حبسها ولو بعد حين
وهي صابرة على نفسها
وصار بتسأل هالسلطان الظالم
أنو لهلأ وهو ناظر ومن عملو ما لو نادم
وعم يستنى تفارق روحها هالدار
لأنو ملّ منها باختصار
وبدو يجيب بدالها من الجوار
بسّ تفاجأ كثير بأنها طولت وما انهارت وما وصلت ل هالمصير
فدخل مرّة مخدعها وهو معصّب
وميت عفريت بوشو عم ينطوط
وهو مثل التور
والشياطين راكبة راسو بالدور

وقال لها هو عم يتساءل: فهمني كيف لهلاً ما مئي مثل غيرك!
مع أنو من هالحبس معروف مصيرك
والألعن من هيك إنك لا بتنقي ولا بتسقي
يعني ما عم تفشي قهرك وتبقي
فقولي شو عندك
واحكي شو السبب أحسن ما نادي السياف
يقش من على جسمك هالراس
قالت لو:

دخيلك يا سلطان استنى لأحكي لك حالتني ع التمام
السر بها للعبة الحزينة
إلي خيطنها على إيدي بدون زينة
إلي كل يوم بعانقها وقت النوم
وبحكي لها همي وبشكي لها وجعي
وببكي على إيدها.. وبتهد على قلبها
وبحكي لها عن حبسي وتعبي.. وعن مراري وسقمي
وتناول هالسلطان من جنبها هاللعبة إلي هي صنعتها
من قماش وبالكتكت «١» والورق حشتها
وقت حمل هاللعبة فرطت بإيدو مثل الصفوة
وكأنها محشية صفوة وغبره
وكان دايب بقلبها الكتكت بالمره
وكأنها وحدة ميتة وقاطعة الأنفاس
وعفرت إيدو ووشو وشعر الراس
فقالت لو: هي بيت سري
وأنا صنعتها من أول أمري
حتى أشكي لها وجع قلبي وحبسي وقهري
وشوعم يجول بفكري
فامتصت اللعبة همي وتعبي وسقمي
وفرطت وماتت بدل عني
والجنة بلا ناس ما بتنداس
ولو كنت ما عم فش قهري لمتت من أول عمري

وهذا سر موت نسوانك بعد شهور
لأنك حبستهم عن الناس
طبعاً ما رح يعيشو دهور
ولأنك سلطان متجبر على مرّ العصور
ولو دامت لغيرك لما آلت إلك يا مغرور

حكاية الموعد

١٣



كان من زمان في نجّار درويش وعندو دكان
 وهُو كان بالأصل حطّاب
 وعندو صانع شغيل وحباب
 نزلوا الصبح على الدكان.. إلّي كانت قريبة من جامع الشيخ رسلان
 فقال الصانع لمعلمو: أعمل لك براد شاي يا معلمي؟
 فقال لو: المنيحة بدا سؤال؟ ساوي الشاي بالحال
 راح هالصانع سلمان ليساوي الشاي لمعلمو أبو عدنان
 وبها لوقت أجا جار الحطّاب، وكان اسمو أبو دياب
 فقال لو الحطّاب: أجيت وألله جابك..
 تعال شراب الشاي معي وريّج جنابك
 وقعدوا وتسلاوا لحتى ملوا
 وصار وقت الغداء، فقال لأبو دياب: اقعد واتغدى معي أحسن ما آكل لوحدي.
 وصانعي سلمان بيحبب الأكل على التمام.
 ونادى للصانع وقال لو: روح اقطع اللحمة من عند دكان أبو مستو إلّي جنب الجامع.
 وقولّ للحام يشوي اللحمة تمام
 ويقمّرّ الدهنة بالشوي حتى تصير مثل جناح الدبور
 وجيبّ كم رغيف من التنور
 وصحن سلطة ناعمة
 جيبها مع صحنّ مسبحة على وشو السمنة عايمة
 فقال لو الصانع: بتأمر أمر يا معلمي، رح جيب الأكل على مهلي
 وراح الصانع سلمان
 بس يا حرام رجع هالصانع بسرعة وهُو عدمان
 عم يركض ويلهت من الخوف
 والزبد عم يطف من تمو كأنو شايف شوفة بتقطع الجوف
 وقال لو دخيلك يا معلمي خبيني يا معلمي بدو يقتلني!
 خبيني أحسن ما يخطفني أو ياكلني!
 فقال لو الحطّاب: إي شبك مثل الكبش هربان؟
 وكأنو حان دبحك ومن هالشاي خوفان!
 حكيلي شو القصة.. شبك عم تجبّص بالفصّة؟
 قال لو: يا معلمي وجهو بخوفّ كثير


بخوفَ الكبير والصغير
 ووجهه فيه ملامح الموت والكفن
 وريحته فيها ريحة المقابر والعفن
 لمحتو يا معلمي عم يطلع فيي.. كأنو راسم عليي..
 أو ألو شي تار بدو ينفذو فيي
 ولون وجهه أسود مثل الفحم
 وملامحو أبدأ ما بتنفهم
 وعيونو لونها حمرة.. كأنها رخ تبيض ليرة «ا»
 وشعرو أسود حالك.. كأنو قباض الأرواح أو مالك
 كأنو فيه سعير جهنم أو مع حدا متعارك
 دخيلك يا معلمي خبيني.. أو بأي مكان خفيني
 بخاف يلحقني هالشيطان وعندك يلاقيني
 فقال لو معلمو: لك شبك.. لك شبك؟
 قوم شد عودك شوي، وقف على حيلك ولا ترتيك
 قال لو: خايف دخيلك خايف
 فقال لو الجار أبو دياب: لك شبك يا جاري؟
 ساعدو بقى لأتو هذا صانك مو صانعي
 وقلبي شفق عليه.. لأنو قلبه صار بين رجليه
 فقال لو الحطاب: إي روح تخبأ قفا الباب
 فقال لو الصانع: لأ دخيلك بدّي روح لضيعتي
 وأخبأ هونيك عند عيلتي
 عطيني حصانك بوصلني على ضيعتي قبل طلوع الضو
 شو ما بتساعدني ولو؟
 فقال لو الحطاب: لك ضيعتك بعيدة يا مسطول
 معروفة هي ضيعة الزعرو.. أبعد من ضيعة أم التور
 فكيف بدك توصلها على الفور..
 فقال لو الصانع: معليش دخيلك قبل القمر ما يغيب
 أنقذني بجاة الحبيب
 فقال لو: خوذ الحصان من الخاوية..
 وروح عن طريق باب الجاوية

وراح هالصانع بطريقو هربان..
 وكأنو من الخوف صار بدنو جربان
 فتفاجأ بهالرواية الحطاب.. هو وجارو أبو دياب
 فقال الحطاب لأبو دياب: اقعّد بجنب الباب
 لروح جيب الغدا.. وما دخلنا بحدا
 وهو بطريقو بالسوق..
 عم يفكر بهالرواية إلي نخرت لو راسو وصار مثل البوق
 لمح رجّال غريب.. فتذكر حكي صانعو إلي من قريب
 وكان الرجّال طويل عريض..
 ومن شوفتو الصحيح بصير مريض
 شافو بالسوق عم يتقلّ..
 ومن مكان مكان عم يتقلّ
 وأنو شعور غريب للحطاب انتابو
 وكانو شي نمر عضو بنيابو
 وتذكر الأوصاف نفسا إلي صانعو ذكرنا
 فقال لنفسو: بدّي ألحق هالرجّال واسألوا عن القصة لشوف بينكرا
 وقرب جنب الرجّال.. وتسمّر قداموا مثل البسمار
 وقال لو: لو سمحت يا سيدي.. بدّي أسألك سؤال
 إنت إلي شفت صانعي ورعبتو؟
 وبعيونك قورتو.. وبذك تلحقو وخوفتو؟
 مين بعثك لعندو.. لتأخذ عيونو من خدو
 فقال لو الغريب: صحيح، أنا شفت هالزلة من قريب
 بس أنا كنت عم اطلع عليه مو لأرعبو
 كنت بنظرتي إلو متفاجيء.. بس مو لأخطفو
 لأنني أنا مأمور..
 وعندي موعد معو.. بس آخر الليل وقبل طلوع الصو..
 وموهون وبضيعتو ضيعة الزعور
 فتفاجأت لما شفتو بالسوق.. كيف بدّي أدّي مهمتي بالزوق
 وإنت ما حان دورك.. يا فرحتك يا سرورك
 وقت أنا بنأمير إلك.. ما رح قصر معك

لأنو بدّك وقت أطول شويّ.. وأنا هالأ موقدك
فقال لو الحطّاب: دخيلك مين إنت.. قل لي شي دليل
فقال لو: ما بدّها الشغلة دليل أنا عزرائيل

صحا ليموت

١٤



هالقصة يا إخواني الكرام يمكن تكون حقيقية
 لأنو حكيتلي ياها عمتي هديّة
 عن جارهنّ أبو سعيد.. وعن ابنو الوحيد
 وكانوا ساكنين جنب البحر.. بشاليه حلو ومثل السحر
 وابن أبو سعيد كان بليد وبالسباحة ما لو علم
 وما بيحبّ السباحة وما بيحب يتعلّمها
 والأم والأب بيحبوا ابنهن كثير وما بيجبروه يتعلّمها أو يتقنها
 ويوم من ذات الأيام صحيت أم سعيد على صلاة الفجر
 فشافت مناشف ابنها مبلولة ومنشورة نشر
 فقالت لنفسها: يوه إي شو هلاّ ابني متحمّم؟
 الله يهديه شو مسهم
 وما أخذت وعطت بالسيرة
 لأنّ القصة ما عملت لها حيرة
 وتاني يوم صحيت لتصلّي الصبح فشافت نفس الشي
 المناشف منشورة فصارت مبهورة
 وسألت ابنها وقت فاق ليش هيك عمّ تتحمّم بالليل وقبل طلوع الفجر
 فتكرّ ابنها هالحكي وانتتر نتر
 فقالت لو: أنا شفت المناشف منشورين
 مبارح واليوم وعالمنشر محطوطين
 فقال لها: أبدأ موصحيح هالكلام
 يمكن حكيك أكيد بالمنام
 وتعالجوا بلا فائدة
 ومرق النهار لا هو مصدّق ولا هي مصدقة
 وتالت يوم فاقت خصوصي قبل الفجر
 فشافت المناشف منشورين
 فانتقهرت قهر
 انتقهرت من ابنها ليش عمّ يكذب وما في داعي للكذب
 عيب عليه صار رجّال وعليه الكذب بينكتيب
 فقالت لنفسها: لقول لأبوه بركي خجلان يقلي شي
 ومن أبوه ما راح يستحي

شرحت القضية لأبو سعيد
 من ابنو العنيد
 ورابع يوم وقت فاقت طلوع الصُّو
 شافيت نفس الموضوع وكان رايق الجوّ
 ففقيقت جوزها
 وشاف هو الثاني المناشف المنداية المنشورة
 فقامت المناشف وحطتها بالدرج مثل العادة وهي مبهورة
 فقال لها جوزها: يا حرمة بركي مندابين من رطوبة البحر
 أو ابنك متحمم وناشرهن وما بدو يحكي إلي شو الأمر؟
 إي شو هالشغلة سحر
 وسأل ابنو عن المناشف
 فقال لو سعيد: يا أبي أنا مرشح وإلي أسبوع ما تحممت
 وأنا ما كذبت وفيكم ما سرحت
 فقال الأب لنفسو: أكيد في سر، وبدي حطها على عينو
 وراقبو وبالجرم المشهود ألقطو، حطها على عينو
 وظل هالأب سهران طوال الليل وعم يتظاهر بالنوم هيك لنص الليل
 وقبل طلوع الصُّو بشوي
 سمع حركشة.. رد سمع حركة
 فقام لقوطة على رجليه وتخبأ قفا الكنبة
 فشاف ابنو فتح درج الخزانة
 وطلع منشفةو الدبلانة
 وراح على غرفته وطلع لابس لباس السباحة
 أو لباس قصير هيك عليه اللاحة
 وراح باتجاه البحر بكل هدوء وراحة
 والأب عم يلحقو شوي شوي
 وعم يبلع ريقو ويمصمص شفتيرو من الغيظ
 وهو كان قلبو دليلو
 أنو ابنو كذاب.. ومن هالقصة ألو ذناب
 ومن هول المفاجأة
 أنو ابنو ما بيعرف يسبح هون الفاجعة

فقال لنفسو: ليش وكيف تعلّم السباحة بصورة خفية
ولا شو القصّة ولا القضية
وكان رح يصرخلو، وفكّر شويّ وقال:
ما رح اندهلو هلاً
حتى ما ينكّر ويتهرّب
بناديلو وقت بيكون بنصّ المي
حتى ما يكون ألو حجّة بالنكران بعد شويّ
ووقت وصلّ الولد لنص المي بالبحر
ناداه الأب: يا سعيد يا سعيد
ما رد عليه
قالّ لو: شبكّ بعدت وصرت بعيد
أوعك تغطّسّ وما تطلّع
لك اسمعني شو ما عم تسمّع؟
طبعاً الولد بالحقيقة ما بيعرف يسبح
بس بعقلو الباطني كان يتمّى يسبح
وهالأمنية صحّتو كل يوم
وهي اسمها أحلام اليقظة بتجي بعمل الأعمال الغير إرادية بالنوم
والأعمال إلّي بتصير وقت النوم والحلم
ما بيقدّر الإنسان يعملها بالصحو والعلم
فلما ناداه أبوه أكثر من مرة
كان عمّ يصحّيه ويفيّقو يا حسرة
فصحّي من أحلام اليقظة
إلّي كان عم يمارسها
وبدون ما عمّ يشعر عم يلمسها
وكان بنص المي
ففرق !!!
وما قدر ينقذ نفسو بالصحو
لأنو ما بيعرف يسبح
ويا رب المغفرة والعفو
وللأسف ما لحقو أبوه

لأنو ففرو عم فمزح وفمرح
وكانت النفافة حزفة
وفمكن فحصل مع كل الناس
فخلفك فا إنسان صاأف ووافف وففك إأساس

حكاية الجاكيت

١٥



روايتي اليوم بتهرب النوم
ويمكن تكون حقيقية
سمعتها من جارة أختي بدرية
وأنها حصلت ببلد اسمها بانياس

كان في أحين عايشين مع بعض ورايدين يسافرو من بانياس للشام
فاتفقوا ع الرحيل قبل طلوع الصُّو
وبارد يكون الجوّ
بس بدهن يمشو بارتياح.. حتى يصلوا للشام قبل الصباح
وضبُّوا عتالهم.. وأخذوا مالهم
وتزوّدوا بزوّادة الطريق
من أكل وشرب وحتى إبريق الشاي العتيق
وظلعوا بمركوبهن هنّ وزوّادتهنّ
وقصدوا وجهو الكريم رب العباد
وبطريقهنّ إجباري رح يمرُّوا بحمص، وهي صغيرة هالبلاذ
وبأول طريق حمص.. يعني بمدخلها في مقبرة
وهي ع الشارع العام
بتظهر للعين مباشرة وع التمام
ومتل ما قلت كانت الساعة قبل شقوق الصُّو
يعني قبل ما يشق الصبح بالجوّ
وهنّ بالعرباية عم يتسامروا
وعم ياكلوا بندق.. ويتسلّوا بتفصييص الفسّق
لمحوا صبية لابسة عباية بيضا وملفحة فيها هيك يعني
وواقفة ع الشارع العام جنب المقبرة
كأنها عم تستنى حدا، وهي بوقفها مبسمة
ولافة هالتوب من قدمها لراسها
وعلى وشا باين إحساسها
بانها بردانة.. أو خايضة أو من شي هربانة
ولما قرّبوا من مشيتها
صارت تشاور لهن بإيدها وأصابعها

وكأنها عم تطلب نجدة
 أو إنها واقفة من مدة
 فقال الأول للثاني: حرام تعال نوقف لا ونشوف شو بدا
 فقال لو الثاني: بركي هربانة من جوزها؟
 مو شايفها شالحة بابوجها؟
 أو عاملة شي عملة أو سارقة شي سرقة
 مالك شايفها واقفة بحرقه؟
 ليقوم يجينا وجع راس.. ونلتق بشي مداس
 قال لو الأول: لا يهملك إلي بفرج قلب حدا
 الله بفرج عليه كربوع المدى
 والنبي وصى بإغاثة الملهوف
 خلىنا نشوف شو بدها منكون عملنا معروف
 المهم وبلا طول سيرة
 اتفقوا يوقفوا العربية
 وقفوا جنب المقبرة بالطريق لها الحرمه المحترمة
 وسألوها عن وضعها
 وشو وقفها هون قبل الصبح لوحدها
 فقالت لهن: أرجوكن لا تسألوني..
 بس معكن بالمركوب طالعوني..
 وعلى بيت أمي وصلوني
 البيت بأول طريق حمص..
 وأرجوكن لا تنقصوا قلبي نغص
 وركبت معهن
 فقال لها الرجال: شيك بردانة يا حيرانة
 وشك أصفر.. من البرد ولأ الرعية؟
 ولأ من شي مصيبة هربانة
 ما ردت عليه.. وقامت عيونها من بين عينيه
 فقال لها: والدنيي شتا وبرد.. ويمكن ينزل مطر وبرد
 المهم شلح جاكيتو وقال لها: أدفا من ما لقيتو
 غطي حالك لتدي

البسيه بس لا تنسي وقت بتصلي بتشلهيه
لبستو فوق الملحفة تبعها.. ورخت راسا ونظرها
وضلت لابسة الجاكيٓت.. لحتى نيّة وصلت ع البيت
ووقت وصلت قالت لهن: دخيلك وقفوا شوي لأطلع ألبس ورجع لك الجاكيٓت
وبالطابق الأول البيت لوحده وجنبو في حيط
وراحت هالحرمة وشافوها وين دخلت وغابت
وما عادوا شافوها وين صارت
ونظروا ونظروا قرابة الساعة
ولعب الفار بعب هالجماعة
وقالوا لبعضهم: لتكون سرقت الجاكيٓت
وفوتتنا بالحيط
فقال الأول: قوم لندق عليها ونسأل ع الجاكيٓت
والله إلهها زمان فايٓة ع البيت
فقال الثاني: إي شو هلا بدنا ندق ع الناس
والله عيب.. إي شو ما فينا إحساس؟!
فقال لو أخوه: ما بقى أنتظر ولا لحظة
بركي هالحرمة هربت وتركت مطرحها؟
ونزلوا من المركوب..
والطريق فاضي وما فيو حدا من المارة
وظلعوا بالبناية
ليدقوا الباب عليها ويشوفوا شو الحكاية
وليش تأخرت هالغريبة الجربانة
ودقوا الباب وانتظروا
وردوا دقوا ما عاد نطروا
ففتحت الباب حرمة ختيارة
وهي متفاجأة من هالزيارة
وقالت لهن: مين أنتو وجاين من وش الصبح
وأنا ما بعرفكن ومالي لامحة وشكن لمح
اعتذروا منها وتأسفوا لها
وحكوا لها حكايتهن وشرحوا لها

وأنو الحرمة الصبية فانت لهالبيت
فقلت لن: إي إرجع إنت ويأه ع الحيط
وهالحكي كلو كذب بكذب.. رح تجدبوني جدب
لا تفكروني ختيارة وخرفانة
أوصحيت هلاً ونعسانة
ولأني عايشة وحدي بالبيت
وأكلي كلو خبز وزيت
وأنا ما بطلع وما بفوت
وما بيجي لعندي ولا ضيف يمكن لحتى موت
ومالكن شاييفتي عايضة حالي ووشي مثل الكوت
قالوا لها: لا تكذبي..
نحننا شفناها دخلت لها لبيت فلا تحلفي وتدبي
فقلت: والله أنا ما شفت حدا
ولا اندق عليي الباب ولا شافني حدا
فقال: هذا الحكي مستحيل
بدك تسرقي إنت وياها الجاكي
يمكن خبيتيها جوات البيت
فقلت لهن: طيب المي بتكذب الغطاس
فوتوا ودوروا أحسن ما ينحم قلبي منكن ويصير فيه دوحاس
تفضلوا جوات البيت
وفتشوا ولحمسوا على كل قرنة وعلى كل حيط
وما كذبوا خبر الجماعة.. وفاتوا وفتشوا كل غرفة على حدا
فوصلوا لغرفة مسكرة
واقفة جنبها هالختيارة ومبسمة
قالوا لها: بعدي من هون كشفناك
يمكن مخبية الصبية هون.. خلص عرفناك
وعرفنا شو وراك
قالت لهن: يا ابني هي غرفة بنتي مسكرة من خمس سنين
وأنا بنضفها كل حين وكل مين
ولا تذكروني بالحزن إلي مضى من سنين

تعالوا شوفوها..
فقاتوا ع الغرفة.. ما لقوا فيها حدا
فلمحوا صورة الصبية معلقة ع الحيط ومسمرة
ببرواظ خشب وعليها شريطة سودا ملزقة
فقالوا لها: هِي هِي الصبية إلي سرقت الجاكيث
وهربت فيه وفاتت ع البيت
لا تتكري الدليل واضح ليكوع الحيط
وين مخبئيتها؟ ووين الجاكيث
إحكي بسرعة أحسن ما ننكت هالبيت
فقالت لهن، وهي عم تبكي
وعم تتشوق بس ما عم تشكي
قالت لهن: لك هِي بنتي ميتة من خمس سنوات
وهنيك مدفونة بمقبرة حمص صدقوني يا ولاد الذوات
فتفاجؤوا من هالحكي وقالوا: يمكن تكون كذابة هالختيارة
أو خرفانة أو سلالة.. أو جدبة وحمارة
فقالوا لها: تعالي فرجينا قبرها لنصدقك اسمو طلع الضو
قبل ما نروح بحالنا ونقول: يا ريت ويا نُو
ووافققت هالختيارة
وراحت معهن.. وأول ما وصلوا لأول المقبرة
لمحوا الجاكيث معلق ع الشاهدة
يعني على شاهدة القبر.. قبر بنتها سعادة
فولولوا من الخوف..
ومن هول المفاجأة والمنظر إلي بيقطع الجوف
واللغز بالموضوع.. يا متابعين هالقصة بوضوح
أنوروح البنت الصبية هي إلي لبست الجاكيث
لتزور أمها بالبيت..
وإلي يعيش بيسمع وبشوف.

الحلال والحرام

١٦



سأروي لكم حكاية يا سادة يا كرام
مأخوذة عن الفرزدق.. ومن أيام زمان
يُحكى يا أعزائي عن حرمة حلوة كثير..
ومرتبة كأنها بنت وزير
متجوزة من رجال قادر ومقتدر
وتاجر مهمّ بسوق الحميدية
باللحف والشراشف والأغباني
يعني مرزوق.. وما لو ملحوق
ويحب مرتو كثير.. بس نفسو خضرا ورجّال خطير
وبضل يعاشر النسوان والعياذ بالله
وما يهّمُو إن وصل لمرتو الخير.. ولو حلفوا لها بالله
يعني بالمختصر زير نساء.. ويحب الرّواق
وما بعبّي عينه إلا التراب.. سمعت يا حبّاب؟
وهالرجّال من مرا المرا.. ومرتو صحّتها عم ترجع لورا
من التفكير.. وسوء التدبير
وما كانت تعرف كيف توقّف عملو
بركي بيتغير عقلو
ففكرت بكيد النساء.. إلّي هوّ من بليس أكبر بلاء
بركي بوصلها لحل ينفعها وينفعو
فقالّت لنفسا: لازم تنزل بمخدعو
بدل شي وحدة من عشيقاتو بركي بعملها بتنقذو
وغيّرت حلاّسها.. وعطّرت أنفاسها
وتنكرت بزّي بنات الهوى بركي بتعجبو
وحطّت باروكة شقرا
وتغندرت ودهنت وشا بغير لون.. يمكن ساوت حالها سمرا
وتغيّر موديلها تمام
كأنها حورية بحر أو عروس بالأحلام
وفاتت لمخدعو.. لحتى تسهر معو
وطار عقلو بجمالها
ولاطفها وداعبها لأخذ قرارو منها

وكان مرّوقّ كثير.. وكأنو بالقصر أمير
فقال لها: دخيلك لوعيتيني
بلطفك وذوقك.. وبدالك سحرتيني
بسّ ارفعي هالخمار.. ولا تتركيني محتار
فكشفت الخمار.. لبيان المستور
وقامت الشعر العيرة والحمرة.. والي على عيونها النيلة
وانبهر جوزها ونط مثل التور
وقال لها: هيك غشيتيني واستغفلتيني بالزور؟
وشو جابك لهون؟
وما غطة حالك بمية لون ولون؟
وقال لها: شو عم تساوي هون يا حرمتي يا جدبة
قالت لو: أجيت لورجيك أنو النسوان طعمة وْحَدَة
ولا تفكرني جدبة.. أنا قادرة ومقتدرة
شرب المي طعمتو وحدة.. بالكريستال وبالقدرة
فخرسّ جوزها بفرد خرسة
وصفّن صفة
وهو خجلان من حالو أنو صادر قدام مرتوقد الخنفسة
فقال لها جوزها: صدقت يا ملعونة
الله يخزي الحرام شو طعمتو طيبة
وسامحني يا رب ما عدت خون مرتي هالظبية.

الحماية والكنة

١٧



هالقصة فيها عبرة
ورح أسردها كلها بالمرّة
كان من زمان ومن سالف العصر والأوان
رجّال فقير ومنتوف
ويقولولو أبو رؤوف
وبشغلو ما لو مرزوق
وعندو حرمة خرج تتحط عالخازوق
من فعابلهما الخسيصة لازم يكون اسمها بليسة
وكان شغلوا بوابيري..
ودوم يندب حظو ويقول يا تعتيري
وعلى قول المتل: إلي «بيرافق الدست بيتشحر»
ودوم هالرجّال مشحر ومشحّم
ورح يصير وجهو مفتحّم
وكان مرضي ومعيش أمّو معو
لأنو بلا أمّو ورضاها ما في شي بينفعو
وكانت مرتو سائلة ونمّامة
وبقلب بيتها ما بتحسن بالأمانة
وملعونة ومنحوسة
طالعة لأمّها هالجاموسة
وأموّلها لفاروق عايشة معو من تم ساكت
شو ما شافيت وشو ما عانت
ورغم هيك حرمة هالمرضي ما عم يعجبها العجب
ولمرتو ما عم يرضي ورح يصير لو ذنب
وظلّت تنقّ براسو
وتقولو يا أنا يا أمّك
وعلى قولة: أمك ساوت وأمك عملت
أمك أكلت.. أمك شربت.. أمك قامت
وهالرجّال عم يكبر راسو
وعم يفقد شوي شوي لأمّو إحساسو
وهي عم تقول لو: روح ودرّ أمّك لشي وادي بعيد

وبعد جهد جهيد رضي هالعنيد
 فقالت لو مرتو: خود أمك سيران لشي برية
 وقول لها: بدِّي شممك الهوا لوحدي أنا وياكي وبسرّية
 واقعد معها شويّ وغافلها وارجع عالحيّ
 وأوعك ترجع معك أمك ع البيت
 والله بهدّ فوق راسك الحيط
 فراح وأخذ أمو هالمغضوب
 لبستان بعيد مالو دروب
 وقال لها: بدِّي أعمل لك سيران مع ابنك المحبوب
 وصارت ترضى عليه وترضى على مرتو وولادو
 وتدعيو حتى الله يحميه من حسادو
 وقعد على المدّة هو وأمّو تحت شجرة الرمان
 وقال لها: تسطّحي يا أمي على رجلي وريحي جسمك هالورمان
 ولما غفلت أمّو
 زحل راسها شوي شوي.. هرب وترك وراه همّو
 وصحيت أمّو هالمسكينة
 وما لقت ابنها جنبها هالحنينة
 فصارت تقول لنفسها يمكن راح يقضي حاجة
 هذا حبيب قلبي هالمرضي وانا ما رح أقلق أكثر حاجة
 وتأخرّ ابنها وقربّ يزحف الليل
 وهي قاعدة تحت الشجرة بالميل
 وعم تتلفت عليه وقلبها قلقان عليه
 ولما عرفت أنّو تركها.. قالت: معليش
 الله يرضى عليه والحياة مع مرتو بتدوّش
 ومضى يوم ويومين وزوّادتها رح تخلص
 ومرت ابنها قالت لنفسها: خلصنا منها ويمكن أكلتها الدياب
 وإن شا الله ابنها ينساها
 ويفراقو إلها يسلاها
 وكانت الدنيا آخر الصيف وبلّش البرد يزحف
 ويصل لعندها ويوقف

فأجا الصيف وقال لها: يا حجّة شو رأيك فيني
قالت لو: يا حبيبي اسمك معروف الصيف للكيف
وشو حلوة مصايفك
والسيران على نهرك ومشاتلك ومساطبك
والسهرة بليلك والزيارات بنهارك
وشو مئوعة خضرتك وفوايك
أيه شو بدي اشرح وأوصف فيك؟
فقال لها الصيف: إن شا الله ما بتبردي ولا تشوّبي
ولا تجوعي ولا تعطشي
ولا تزعلي ولا تحزني
وكل ما بتحكي يطلع من تمكّ ذهب وألماس
يبرق ويبهروا منه الناس
فأجا الشتا وقال لها: شو رأيك فيني يا حزينة
فقالت لو: الله يديمك علينا
وبلاك ما بتسوى ليالينا
وشو مكنك ببردك.. وشو حلوة شمستك
وبمطرك في رزقك
وصارت توصف فيه وصف لا بينعدّ ولا بينحصى
ويمكن من الحكي قلبها التعي
فقال لها: إن شا الله كل ما بتحكي ينزل من تمك يا قوت ومرجان
وينوّر عليك بكل مكان
وأجا الخريف وقال لها: شو رأيك فيني يا حجّة
فقالت لو: جيّتك ما بدها حجة
بتعرف من ريحة ترابك الندية
وقت بتنزل عليه أول مطرة بحنيّة
وما أحلى رطوبة هواك مثل عطر الزيتون
وصفار ورق شجرة الزيزفون
وما أجملك وقت بترطبّ علينا بعد شمستك
وبتكون جافة بيارك لتستقبل أمطارك
وبيقرب أخوك الشتا بجيتو الهنيّة ليملي أنهارك

فقال لها: إن شا الله كل ما بتحكي بينزل من تمك كل الأحجار الكريمة
 لأنو إلك نفس هنية
 وأخلاق شئيمة
 وأجا الربيع وقال لها: شو رأيك فيني يا نور عيني
 قالت لو: يا حبيب قلبي ريحتك فايحة دوم بدربي
 وشو حلو زهرك وخضرتك
 والسملك بيكون عم يلعب ب بركتك
 وبساتينك الخضرة مع ورودها الحمرة
 والسيران الحلو بفياتك
 فقال لها: إن شا الله كل ما بتحكي بيطلع من تمك زمرد ولولو وما يقدر حدا يطولو
 ومضوا بطريقهم
 وكل ما عم تسبح ربها هالختيارة وترضى على ابنها هالمحتارة
 يطلع من تمها هالجواهر وهالدرر تنتتر نتر
 وملت حواليتها المكان مع الورد وريحة الزهر والريحان
 ومضت أيام وأيام
 فقالت حرمة ابنها النعيان:
 روح لعند أمك استفقدها لنشوف مين افترسها
 شي ضيع ولأ ديب زعران
 ولأ شي كلب جربان
 وهو كان عم يقول بنفسو: لروح استفقد أمي هالمظلومة
 شو صار فيها وشو عملت أنا فيها هالحنونة
 وقصد البرية وراح، ولما وصل لأول طريق أمو
 شم ريحة ذكية عم تجي من يمو
 وركض لحتى شاف أمو قاعدة تحت الشجرة
 كأنها أميرة أو ملكة قاعدة بالمنصرة
 وحوّليها زهور وريحان
 وجواهر وأحجار كريمة ودرر من كل الألوان
 وشافتو وقالت لو:
 الله يرضى عليك وعلى اسمك
 ليش تأخرت عليّ يا بعد عيني

وليش نحفان ومتغير كسمك
 فصار بيكي بين إيديها ويقول لها: سامحيني
 وبترجأها ترجع ويشدًا من أوعيتها ويقلها: ارحميني
 وحمل أمو والجواهر طبعاً صارت معو
 وراح ع البيت إلي فيه حرمتو أم قويق
 ولما شافِت هالشوفة مرتو
 شهقت وركضت لجنبو
 وقالت: أهلين وسهلين بالحامل والمحمول
 وهمست بأذن جوزها وقالت لو: منين أمك جابت هالجواهر
 وماشية فيهم بالطول والعرض
 لولو ومرجان إي والله شي للجنان
 فحكى لها القصة من أولها لآخرها
 فقالت لو هالعينة: إي روح خود أمي وطيب خاطرها
 وكانت أمها أمرّ منها
 داهية وقوية ولسانها مسحوب منها هالتورية
 فراح هالرجال لينفذ ما قالت لو بالحال.
 أحسن ما الهم يطمو
 وما يسلم من لسانها هو وأمو
 وصل لعند حماتو وقال لها: تعالي لآخدك سيران
 فقالت لو: ولي على قامتك إي متي كنت تستفقدني
 وعلى السيران تواعدني
 وهيك بدنا نروح بلا زوادة؟
 ريتك تضرب شو بخيل على هالعادة
 المهم أخذ لها زوادة وراحوا عالبرية
 وقال لحالو: بركي بتصيبها شي بلية
 وقعدوا تحت شجرة الرمان
 ليتسايروا ويأكلو كمان
 فقالت لو: ولي على قامتك على هالسيران المبهدل
 مالي شايقة لا لحمة ولا متقل
 غير شوية حشيش

إني ريتو يركب براسك بليس
 فقال لها: يا حماتي على ركبتي خطي راسك
 بركي بتريحي شوي جنابك.. وبتشوفيني بمنامك
 فقالت لو: روح تضرب على هالفخاد المعرقة
 مثل بوارى الصويبا المطعوجة
 المهم تسطحت لغلقت
 وغافلها الرجال وراح بحال سبيلو
 صحيت بعد شوي. عطشانة بدها تشرب مي
 فقالت: وينك يا أبو فاروق يا جوز بنتي المدلوق
 الله ينتقم منك تركتني وهربت
 يا ريثك بشي تربة لزقت
 وهي عم تنخانق وتنادي وتشوير وتعيط وتسب
 طلع لها الصيف مثل الشب
 وقال لها: يا حجة شو رأيك بالصيف؟
 فقالت لو: ولي على قامتك وقامة ذبك وشوبك وشمسك الحدة
 إي الله يهدك بشي مهدة
 فقال لها: إن شا الله تبردي وتشوبي وتجوعي وتعطشي
 وكل ما تحكي تقسي وتضربي وتنفي وتعطسي
 قالت لو: إي روح تضرب شو يومك طويل وتعمل من الصاحي عليل وبتشفا الزرع
 والمي
 وبينشفا ريقنا كل شوي
 فأجاها الشتا وقال لها: يا حجة شو رأيك فيني
 قالت لو: تضرب أنت وجعجعتك بالمى
 كل يوم مزريب وكل نهارك في
 وشمسك بتشوف حالها ولا بتدفيها ولا على بالها
 وكلك شحار وتعير وبرد وزمهير
 ويبظل على المنشر منذي الغسيل
 ريتك تعلق بشي زير وما يلتقى لك تدبير
 قال لها: إن شا الله كل ما يتحكي يطلع من تمك زبد وبزغيت وحشرات ونمل وصرصير
 وعرتيلات

وبعدها أجا الربيع وقال لها: شو رأيك يا حجة فيني
 قالت لو: شو بدي احكي عن حالك
 كلكت تحسس من غبرة زهرك
 وبيصير لي عطيس إذا قعدت جنب نهرك
 والصراحة غليظ وسئيل
 وأنا ما بحب زهرك علي يميل
 فقال لها: إن شا الله كل ما بتحكي ينط من تمك دود وصيبان ونمل دبلان.
 وبعدين أجا الخريف
 وقال لها: شو رأيك يا حجة فيني
 فقالت: ولي على قامتك شكن دقتوني
 يا فصول السنة المكربة وبسؤالكم علقوني
 وأنت يا خريف وسحك بيتعبي بشليف
 من ورق الشجر
 وكلك غبرة وعفرة بالمختصر
 وبيضل نهارك وليلك يتقلب بين صحو وغيم
 كأنو الواحد راكب ترين
 فقال لها: إن شا الله كل ما بتحكي يطلع من تمك غبرة ودخان وشحار وفيكي الحكيم
 يحتار
 وصار حولها وحواليها الضراط والفسه
 والريحة البشعة من الصبح للعشي
 المهم بعد كم يوم:
 قالت مرتول أبو فاروق روح جيب أمي بجواهرها ومالها
 وأوعك تجيبها بدونهن ولحالها
 ومثل ما صار عند أمك
 بيصير عند أمي يا ذلك
 وراح هالرجال وقبل ما يصل لتم البرية
 حس بالبلية
 من الريحة الفايحة والحشرات السارحة
 وقت وصل لعند حماتو
 قالت لو: الله ينتقم منك

تركنتني وهربت لعند أمك
يخرب بيتك على هالسييران
وتقرصك حية بسبع شطلات لحتى تموت بلحظات
وهالريجة وهالغبرة والوسخ عم يطلع من تمها بالكومات
فقال لها: الله بعنك على هواك
ريتك تقلبي على قفاك
وتركها ورجع لعند مرتو
وقال لها: إنت طالق بالتلاتة
لأنو: طب الجرّة على تمها، بتطلع البنت لأمها

السوكة

١٨



كان من قديم الزمان..
تاجر جَمال.. وعندو حَوَريف كمان
وكان عايش بعربين..
وتجارته كبيرة.. من الشام لدوما ولحتى عين منين
وكان تاجر شاطر..
وببيتو عادل..
وأخر الليل بيقرأ سورة فاطر
وعندو حرمة ست بيت راکزة..
وكان اسمها فايذة
وكانت نظيفة ومرتبة ومسايرة كثير
وجوزها حظو حلو منها وعايش عيشة الأمير
لأنو شو ما قال لها بتنفذ ع الفور..
ولو كان معصَّب أو مثل التور
وحتى لو جوزها خار مثل التيس أو الحمار
وجنبو ساكن المختار
كان عندو حرمة يا لطيف شو قوية
بتخلي لها بلاد.. وبتخاف منها الحية
وهذا المختار كان عرفان حظ هالتاجر من مرتو
وكان يغار منو ومن حالتو.. ويتحسر على حالتو
ومرة من ذات المرات، هو وجارو قاعدين بالقهوة
عم يسمعو الحكواتي أبو فروة
قال المختار لجارو التاجر:
لك دخيلك أنا ما بسمع خناق ببيتكم ولا عم تتجادلوا
ولا عم تعيظوا ولا عم تتضاربوا
والنسوان يا جاري قادرات وملعونات.. وكيدهن أكثر من كيد بليس
فكيف ماشي مع مرتك يا خسيس؟
قال لو التاجر: بالعكس تمام.. مرتي ما في مثلها بالأحلام
ومرتي مثل النسمة.. وما بتردلي كلمة
وشو ما طلبت منها.. بيحضر قبل منها
يعني شبيك لبنيك.. حرمتك بين إيديك

وقد ما خانقتها ما بتزعل وما بتنورب
يعني بالمختصر حرمتي منيحة..
مشان هيك ما بتشم من بيتي ريحة
فقال لو المختار: غلطان يا جار غلطان
يمكن إنت مساير كمان
النسوان مثل فرط الزيتون والرمان
ما بيجوا إلا بالعصر.. الصبح والظهر والعصر
وإذا علقت بوحدة منهن..
بتلاقيها كشرت عن أنيابها ولوعتك بسمهن
اسألني أنا يا جار.. أنا فيهن طول عمري محتار
الخلاصة، أصبح التحدي بينهن
فقال لو المختار: أنا عندي خيار
وفكرة يمكن ترضيك..
وتثبت لك كلامي حتى تشوف الحقيقة وتشفيك..
جرّبها وشوف شو بدو يصير فيك
فقال الجار التاجر: بكرة وقت بتروح على شغلك
مروق على سوق السمك.. واختار على مهلك سمكة تكون كبيرة
وابعتلا ياها مع صانعك
بدون ما تقول لها كيف تطبخها
وقت بترجع البيت عجزها
ولا يعجبك شي حتى لو كانت هلكانة بطبخها
المهم ما تعجبك الطبخة شو ما كانت عاملتها بمطبخها
وخليك عم تنكت وتدمر
لحتى يطلع خلقها عليك.. وهي عم تتمرمر
وتكسر عن أنيابها وفعالها تتكسر
المهم وافق التاجر على هالحيلة إلي ح يجرّبها مع هالجميلة
وليشوف مرتو عليه بتقلب
والغضب منها عليه بينسكب
فراح ثاني يوم واشترى السمكة
وبعتها مع صانعو أبو حسكة

ليشوف بالمسا وقت بيرجع شو القفلة
 وصلّ هالصانع السمكة.. وعطاها لمعلمتو بدون حركة
 احتارت هالحرمة شو بيدها تساوي بالسمكة
 تشويها ولأ تقليها.. ولأ تسلقها ولا تسليها
 فقالت لنفسا: حتى أرضي جوزي مارح ساويها مثل الأوزي
 رح قطعها كم قطعة.. وقسمها كم طبخة
 فشي قليله.. وشي شوته.. وشي سلقته.. وشي عملته مع رز
 وكل قطعة لتستوي عملتها حز
 يعني حرزتها.. وبالمطبخ حصرتها
 وقامت تعشي ابنها الصغير.. فقال لها ابنها: بدي نونو
 فحطت ابنها ع النونو.. ليعمل الكبيرة عليها
 فتح الباب جوزها.. ومشان ما ينزعج من ريحة الولد الصغير..
 دفتت النونية تحت السرير
 وقامت شطفت ابنها.. واستقبلت جوزها بالأهلا والسهلا
 ومطرح ما قعدت بالقلب والحشا
 ومطرح ما نظرت إنت جوا العين كحلى
 فقال لها الرجال، والعقدة بين عينيه: شو طبخت يا حرمة؟
 قالت لو: تقبرني، السمكة إني بعنا، ومعلش لا تشكرني
 وقامت وجابت لو المشوية..
 فقال لها: ما بدي مشوية.. وبصوت عالي ونبرة قوية..
 وهو قاعد ع السرير.. وهي جالسة تحت رجليه كأنها جارية للأمير
 ركضت بسرعة.. وجابت لو المقلية
 قال لها: ما بدي مقلية.. يا سئيلة
 ركضت بسرعة وجابت لو المطبوخة بالرز
 فقال لها: ما بدي برز.. وبدي منك رح يفر
 ركضت بسرعة.. وقالت لو: تقبر عضامي، خود هي محشية
 قال لها: ما بدي محشية.. شو ما عملت غيرها؟!
 قيمها من خلقتي أحسن ما أدمسك! «ا» قتلة قوية
 ركضت وجابت لو المسلوقة بالبرغل..
 قال لها ما بدي اتسمم.. بعدي عني رح أسعل

وما بدي اتغدى ولا انضرب
قالت لو: شو بذك يا بعد عمري حتى ما تنكرب
شو بذك تاكل يا روح فوزية
لجيب لك بالحال أكلة هنية
شيك غضبان يا فلان؟
وإذا ما عجبك الأكل.. قل لي لكبو بالسطل
وقل لي شو بذك تاكل يا بدر ويا قمر
قال لها: بدي آكل خرا على هالخبر
فمدت إيدها عالفور تحت السرير هالفوزية وطلعت النونية
قالت لو: تفضل يا بعد عمري.. أنت بتأمر أمر
فهو من كثر ما خجل بحالو.. وعلى قد ما زادت بدلالو..
قال لها: تقبرني كل النسوان لأجلك
ساويتيني قد الفجلة بنظرك
وبحكك من فوقك لتحتك
ولو عملتيني بغيرك

الرسالة

١٩



إخواني القراء.
رح أسرد لكم حكاية بما فيها من سرّاء وضرّاء
عن صبية مستورة
اسمها إلهام الأمورة
كان في حرمة صبية من العين محروسة
وكانت ساكنة ببيت عربي بكفرسوسة
وعايشة هي وأمها وحيدتين
وكانوا فقرا ونص أكلهن بالدين
ومأجّرين أوضة بالمشركة
لأستاذ مدرسة درويش
وألوزمان بالتدريس
والأم بتشتغل لفأية من الصبح للعصر
والبننت بتخيّط عبي أحمر وأزرق وزهر
وكل يومين بتوذيهن للمعلم أبو وحيد
وبتجيب غيرهن لتخيّطهن من جديد
وكانت هالصبية عادية
فيها شوية جمال
بس الفقر والتعب إلّي عايشة فيه
خلّي لونها باهت ووشها نضارة ما فيه
وكانت عيونها دبلانة
ودوم بتشوفها عدمانة
وهيئتها مثل الشحادين
لأنو تيابها مهريّين وإيديها خشنين
وما كان حدا يتألّثها
ولا يطلّع فيها ولا ينتكشها
ولا يحس فيها إن مرقت من حدو
وكانو كل رجّال بتمرق من جنبو عيون ما عندو
وصحيح كانت ساكنة ورضيانة
وعلى حالها حزنانة
وهم شبابها المنسي هكلانة

بس كانت تحلم.. تحلم كثير
لتهربُ من عيشة التعتير
فكانت تحلم بأجير الفران أنو بيحبها
وبيتمتى وصالها وقربها
وأجير الخضري أنو تحركشها
وبكلمة حلوة ناغشها
والعرجي عم يطلع فيها
ويمكن حاطط عينو عليها
وكانت تتمتى تلاقى وليف
يقاسمها همها ويقسم معها هالرغيف
وكان في فران عندو فرن جنب بناية المعلم تبع العبي
وكان هالفران سهيان
وكانت بتشوفو كل ما ودت الشغل
وبيتمشي قدامو على مهل
بس هو ما كان حاسس فيها
وهي كانت عم تحلم يطلع بعينيها
وكانت تحلم أنو حاكها
وتدعي لربها إلي براها
أنو بيعث لها بشي مرسال
ويحكي لها عن عواطفو ويسألها كيف الحال
وتتمنى أنو شي مرة ينادمها
وبنظرة وبهمسة يناغشها
وزاد همها
وقت طنشها ابن عمها
وخطب وحدة غريبة عن دمها
وقالت لأمها:
شبتى أنا؟ من شو بشكي؟
فقالت لها أمها: هذا قسمة ونصيب يا بنتي لا تبكي
وتاني يوم
فكرت تكتب رسالة لحبيبها

إلي رسمتو بخيالها
فطلعت لعند جارهن الأستاذ
وقالت لو: بدي أطلب منك طلب
وأنا مترددة لها لسبب
بدي تكتب لي رسالة حب
وأنا ديتلك طلبتي مثل الدب
ومن طلبتي أنا محتارة
وملبيكة وقدأمك حاسة حالي مثل الفارة
فقال لها الأستاذ: لا تحتاري
بس لمن بدك أكتب لك هالرسالة
فقلت لو: الله يجبر خاطرَك أنتِ اكتبها واترك محل الاسم فاضي
بس اشرح لي فيها عن حبي وعواطفني ودادي
وعن شوقي ولهفتي
لقابل حبيب مهجتي
وعن أمنياتي بالزواج فيه
واكتبها بلهجة كأنني عم ناجيه
واكتب عن أمنيتي أنو يجي يخطبني مثل كل البنات
وعيش معو بثبات ونبات
فوافق جارهن المرضي
وكتب لها إلي بيرضي
وأخذت هالرسالة منو وحطتها بظرف
وقلبها عم يلهمف لهف
وهي رايحة لتوذي شغل العبي للتاجر
نزله الباص جنب الفران إلي كان عم يزق الطحين والشغل
وفكرت تزت لو الرسالة
بس فكرت وتردبت على مهل
وصلت لعند التاجر لتعطيه الشغل
وفكرت تدحش الرسالة بشي مكان هيك أجاها خاطر
واستعجلها بالحكي هالتاجر
وعطاها العبي وحملها ياهن حمل

وقال لها: روعي ياالله عندي شغل
 ومرقت بطريقها لبقالية شفيق
 وقالت لنفسها: لأشرب كاسة ليمون وبل هالريق
 وفكرت ترميها عندو
 فلقت البياع موهون وما في حدا عندو
 ورجعت ع البيت منكسرة.. وعلى حالها منقهرة
 وتاني يوم قالت رح حطها بصندوق البريد
 لأي عابر طريق
 واكتب عنواني عليها
 بلكي بيجي نصيبي وبصير عندي رفيق
 وحطتها بصندوق البريد
 وبعد يومين كتب لها رسالة ثانية وثالثة ورابعة وعاشرة
 وما في رد
 وتحطهم بصندوق البريد
 لعل وعسى يجيها الحبيب
 وكل يوم يمضي عليها يزيد همها
 وفي يوم من الأيام قاعدة عم تخيط العبي بأرض الدار
 وأمها ما كانت بالبيت
 كانت رايحة عم تبارك لابن عمها الحمار
 فاندق باب الدار
 وركضت فتحت فلقت ساعي البريد ومعو أخبار
 وقال لها: مين اسمو إلهام، في رسالة إلهام
 قالت: أنا، وخطفت الرسالة من إيدو مثل الديب وقت بيخطف فريستو
 وترسيت الباب
 وفاتت لأوضتها بسرعة لتقرا الرسالة إلي جابها ساعي البريد الحباب
 وكان مكتوب فيها: حبيبتي ونور قلبي من زمان وأنا مستئي
 وصالك وقربك وهالفرصة أنا كنت متمني
 وكنت كل ما شوفك تمرقي من جنبي
 ينط من محلو قلبي
 وأنا عم استئي موافقتك

لحنتي أجي وأخطبك
ونعمل عيلة ونجيب ولاد
ونعيش بفرحة حلوة بهالبلاد
وطوت الرسالة وحطتها بعينها
وغلبتها النوم وصارت تحلم وتحلم
وشافت الفران أنو حكى معها حكى غرام
وظلمت بالعرباية، وكان العربي لطييف معها بالكلام
وصلت للبقالية.. ونظر لها بعين قوية
وطلب منها موعد
وحسنت كأنها هي ملكة وهالأجير هو أمير
وصحيت من أحلى حلم وقت أمها أجت إلي ما عندها أي علم
فقاليت لها: شيك نايمه وتاركة الشغل لك بنتي
فقاليت: تعبت شووي غفيت على جنبي
وكان قلبها طاير من الفرح جوات الدار
ونوت تفرجي الرسالة للجار وتحكي لو علي صار
فاندق الباب بسرعة وراحت أمها تفتح الباب
فكان ساعي البريد جاية ينبج
قال لها: دخيلك يا أختي هلا أجي وأعطيت الصبية رسالة بالغلط
فاسمحي لنا فيها أحسن ما فوت بالمشكل ويطعموني الزلط
فنادت لبنتها وقالت لها هالحكي
فصرخت البنت وقالت: لا لا الرسالة إلي
أجت إلي وما بعطيها لحدا
هي عمري هي أملي هي أجت إلي
هي فرحتي هي من حبيبي هي أجت إلي أنا
وما بعطيها لحدا
فقاليت لها أمها: شو عدا ما بدا
لحتي تجيكي رسالة وأنت ما بيعرفك حدا
فسمع الجار الخنافة ونزل ليشوف شو القصة
وأقتع البنت ترجع الرسالة بعد جهد جهيد
وأخذ الرسالة منها ومن عقلها هالعنيد

وأعطاهما لساعي البريد
 واعتذر منو ساعي البريد بأنو خربط بالإسم
 وأنو الرسالة مو هي ل إلهام
 لبنت بالحارة الثانية اسمها سهام
 وتاني يوم ، طلعت هالمقهورة
 لعند جارهم عبديو شختورة
 وقالت لو: بدي عذبك وأطلب منك تكتب لي رسالة رد
 بدل إلي أخذها مني ساعي البريد.. إلي قلبو من حديد
 قال لها: لمن بذك تبعتها؟
 قالت لو: هي إلي لا تواخذني عليها مالو حدود
 فقال لها: أنا مجهز لك الرد... ليكو بالدرج موجود
 مخبأ عندي ومحطوط
 فتنفاجت إلهام وقالت لو: شو عرفك أنو بدي رسالة رد
 شو أنت حاسس فيني لها الحد
 دخيلك قرالي ياها ياجار الهنا
 أنا عتك مالي غني
 فصار يقرا لها الرسالة ويقول لها
 أنا من زمان بدي صارحك بعواطفي وحيي
 مو عطف عليك لا سمح الله أو ما تفهمي قصدي
 وحت الرسالة ع المكتب
 وكمل سرد رسالتو وعينو عليها عم تتطلع
 وقال لها: بتمنى حط جنباتي على خبزاتك
 لتصيري أميرتي وصير شريك حياتك
 ولو أني أكبر مثك شوي ودرويش بس أنا حبيتك والله خطي
 وأنا مثل مالك شايقة وحيد وأنت وحيدة
 وبتمنى تقبليني كون جوزك
 وقصني عمري معك وأنا محبوبك
 وطوى الرسالة
 وقال لها: إن شا الله فهمتي قصدي وفهمتيني
 وبتمنى يا إلهام ما تصديني

فصارت تلمع عيونها من المفاجأة والفرحة
وتتخيّل حالها معو حاطة الطرحة
وقالت ملات صوتها أجا نصيبي يا ناس
مالي مصدقة شو حلوها لإحساس
أجا نصيبي
والله لطف في وبعثلي وليفي
لك أنا مالي مصدقة حالي
أنو الله لي نداءي وما خيب رجائي
وبعثلي أطيّب رجأل بحياتي
الشكر إلك يا ربي المعبود
أنت يا فرج القلوب
فرحتي لأنو مالها حدود
رح أشكرك يا ربي طول حياتي ولحنى موت

درية وفهمية

٢٠



كان من زمان بحارة من حارات الشام العتيقة
في أختين من الميدان هنّ درية وفهمية
وكانوا بصباهن مثل زهر الرمان
وكانت درية أكبر من فهمية بسنتين
وكبروا وتجاوزوا وتفرقوا بها لزمان
وجوّزوا ولادهن وارتحموا رجالهن
وصاروا بحيطان السبعين
وكل وحدة عايشة لو حدها وما بيتقابلوا إلا كل حين ومين
وكل فترة وفترة ليشقوا عليهنّ ولادهنّ
فقالت درية لأختها فهمية:
تعالني عيشي معي لك أختي؟ واسكنني عندي
لحطّك بقلبي وعيوني
وكلمتي اسمعي أحسن ما يشترّ مدمعي
وحتى ما أهكل همك وتهكلي همي
فسمعت فهمية كلام أختها هالمنظومة
أحسن من شوفتها تكون محرومة
وعاشوا مع بعضهن البعض
يوم طويل ويوم قصير
ويوم على ريش نعام ويوم عالحصير
وكان ببيتهن في تقويم للأيام
معلّق قفا باب الدار
ومدقوق ببسمار
ومعو مؤقت زمني أي ساعة رقمية كل ٢٤ ساعة
بتهرّ منو ورقة اليوم إليّ مضى وبتنزل بدرجو
إليّ ملزوق بسفلو
وكل يوم آخر النهار بتاخذ فهمية هالورقة
وبتقول لها لأختها: هي ورقة شجرتي هرتّ اليوم
وأختها بتقول لها يا ويلى ويا قهرتي
على شبابنا إليّ زحف وهرب من أيامنا
وأخذ معو الألوان من حياتنا

وتركها سودة وبيضة وباهتة أحلامنا
فقلت أختها أي حاجة نوح على إلي مضي
إي عمر وانقضى
فقلت لها أختها: دخلك موشايفة أنو الولاد
ألهم كم يوم ما مروا يمنا
ولا سألوا عنا
تاركيئا مثل الخرقة المزرية
أو كأننا غصن بيسان ونشfan بمزهرية
ولا حدا نكشنا بكلمة شلون«ا»
ولا تحركشنا من هون وهون
فقلت لها درية: لك يصطفلوا يا فهمية
ملهيين بمشاكلهم، المهم عايشين عيشة هنية
فقلت لها أختها: إي قومي قومي لنعمل لقمة ناكلها نسند خاصرتنا فيها
وخلينا ننسى الماضي ونبقى بحاضرنا، ما بفيد الحكي الفاضي
وقاموا على المطبخ وعملوا فول بزيت
وفتوش من الخضرة الموجودة بالبيت
وتغدوا هن ساكتين يمكن زعلانين
أو يمكن حزينين
ومدري شو صار لهن ما عاد ألهن حيل حتى يجلو جليات الغدا
حطوا الأكل مثل ما هوع المجلى
وقالت درية لفهمية: قومي نتسطح بهالتخت ونعمل قيلولة
لأنني حاسة جسمي مثل التالولة
فقلت درية: وأنا كمان حاسة جسمي عدمان ومو حسنان
لك ليكون قربت ساعتنا لك أختي.
فقلت أختها: عمر الشقي بقي تضربي على هالحكي
وحاجة تلبي بلا فائدة لبي
وتسطحوا بالتخت
فقلت لها درية كأنها مستحية
ليش لك أختي الأم ما بتموت
فقلت لها: إي تضربي بهالتم إلي مثل الكوت اسكتي ونامي

لحتى ریح عضامي
فقالَتْ أختها: تعالي نعمل حالنا أنومتنا
بركي أجو ولادنا ونحنا نايمين
فقالَتْ لها: إي بيفكرونا متنا وبيرتعبو شوي علينا بركي بيحسو فينا
وما بيعودوا بينسوننا
وضلُّوا يحكوا من هالحكي
وناموا بعد ما شعبوا بكي
فقامت درية وكأنها مرعوبة أو مبلية
عملت هيك عالساعة فلقتها سبعة الصبح
فقالَتْ لنفسها: ولي راح عليّ باص المدرسة
وقامت لتركض تقيِّق الولاد، جسمها ما ساعدها
فتنبه عقلها أنو فاقت من منام وزعلت وما حدا واساها
وتذكَّرت أنو كان زمان ولِّي وأنها صارت ختيارة
ولا عاد في ولاد ولا مدارس ولاشي يا خسارة
فانتبهتْ وقالت لنفسها بصوت عالي لهلاً نايمين والساعة ٧ الصبح وارتعبت واندارت
على أختها لتقيِّمها
وقالت: ولي لتكون ماتت من حقا، ولي ما حدا بينفعها.
وهزتها بقوة وقالت لها قومي يا حلوة قومي
لك قومي يا روعي وباقي من عمري
قومي قبل ما يصير لي شي وينكسر ضهري
أوعك تكوني تركتيني ورحتي
فصحيتْ أختها وقالت لها: شبك لك أختي شبك
عم تعيطي وتططي متل القرد
فقالَتْ لها: قومي نشرب القهوة صارت الدنيا الصبح
لأنو نمنا من مبارح العصر ل اليوم الصبح للأسف
فقالَتْ لها: ولي إي شو نومة أهل الكهف؟!
بعمرنا ما تأخرنا بالنوم هيك، أي رح يهرّ علينا السقف
فقالَتْ لها أختها: من كتر ما بكينا وسقينا
منيح إلي نمنا وما بيشي معرض انبلينا
فقالَتْ لها: إي قومي لنشرب فتجان قهوة وبصرك بالفتجان يا حياتي متل أيام زمان

وشفلك بختك هالعدمان
 فقاموا عم يتسددوا على بعضهن البعض
 الإيد بالإيد والركبة بالركبة
 كأنهن آكلين مية قتلة
 وفاتوا على المطبخ لتحط درية القهوة على النار
 فاندارت فهمية وشهقت كأنها شافت إبليس بقمباز
 وقالت لأختها: شوفي لك أختي كأنك شفتيني بلا لباس
 فقالت لها أختها: شوفي الأكل كيف يبسان ونشfan كأنو متروك من جمعة
 لك تعي شوفيه تجيكي لبعة
 فقالت لها: إي ما حلو من مبارح العصر.. ينشف ويبس ل اليوم قبل الظهر
 والفلول مقرمب قرممة
 وخضرة الفئوش مقدفرة قدفرة
 فقالت أختها: هلا تعالي نشرب القهوة
 بغرفة القعدة
 وراحوا وحطت فهمية ع الطاولة الصغيرة الصينية
 وتفاجت وقالت لأختها: شوفي هالغبرة إلي ع الطاولة
 كأنها مو ممسوحة بالمرة
 يا أما أنت عم تشتغلي مثل السخرة
 فقالت لها درية: إي بلا جدبة مو شايفتيها هالسمك سمكها هالغبرة؟
 كأنها ما نمسحت أبداً يا بقرة
 فخافت فهمية وركضت عينها ع التقويم
 مبهوتة ومشيت كأنها بالتقويم
 وفتحت درج التقويم
 فلقت فيه ٤ ورقات هارين ونازلين
 فشهقت من الرعبة وقالت: يا رب العالمين
 مبارح أنا قمت الورقة
 وشافت التاريخ وطار عقلها للمريخ
 وعرفت أنهن ناموا ٤ تيام
 فقالت لأختها: تصووري يا أختي نمنا ٤ تيام
 مثل أهل الكهف كأنو هذا الشي بالأحلام

فقالَتْ لها أختها: كيف لكِ أختي لا أكلنا ولا شربنا كيف ما متنا؟
فقالَتْ لها: مهشي شربت ٣ كاسات مي
وشكرت ربي وقلت حي
فقالَتْ لها فهمية: المشكلة مو شو كئا ميتين ولا عايشين
المشكلة، ما حدا دق بابنا من ٤ تيام
ولا سألوا عئا ولادنا
ويمكن ما شافونا بالمنام
أخص على هيك ولاد
يا حوينة الترباية
كأننا ربينا حرباية
كان أحسن لو ربيينا قطة او معزاية
فقالَتْ لها أختها: يا حوينة خوفنا عليهن وقت غيابهن
وزعلنا بالمرضان
وقلقنا عالزعلان
ومراضاة الحردان
فقالَتْ الثانية: يا حوينة ما فئينا عمرنا بالهمّ عليهن
هذا نجح وهذا رسب
وهذا اشتغل وهذا ترك الشغل
وهذا انبسط وهذا اتجوز
وهذا مرتو قوية، وهي جابتلو البنت مو الولد
وهذا كبروا ولادو. وما معو مصاري لبرادو
فقالَتْ فهمية: يا حوينة كم مرة قوم من فرشتي لغطيهن
ورد قوم لأسقيهن
واتعب وأنا عم داريهن
وضلوا يحكوا ويبكوا
ويرضوا على ولادهن
ويزيدوا الرضا على أحفادهن
فقالَتْ لها دزية: معليش يا أختي
الدنيا لهو وهنّ التهوا عنا
يا أما ملوا منا

والله يا أختي هَيَّ سِنَّةَ الكون إجباري علينا
فقلتَ لها فهمية:
أتاريننا مثل الحمامة حَصْنًا ولادنا لوقت محدود
وطاروا لكبروا
هيك بدو الرب المعبود
وهالدينا والحياة ما فيها ثبات
فحاجة نبكي ونشكي مثل البنات
ما رح يتغيرَّ شي فينا
المهم فشينا قهرنا بكم دمعة من عينينا
فقلتَ أختها:
قومي لكِ أختي لنرجع نتمدد عالتخت
بركي هلاً بيجوا
أكيد علينا رح يسألوا
فقاموا ها لأختين واتسطَّحوا وهنَّ مقهورين على حالهن والدينا سودا قدامهن
فقلتَ درية لأختها فهمية:
لكِ لنقوم نموت هالمرة من حقا
ولا حدا يدري فينا
وتطلع ريحتنا من أواعينا
فقلتَ الثانية: دخيلك يا أختي لا تروحي وتتركيني
والله بتطقِّ مراتي لازم معك تاخديني
يا أمَّا تعالي نضلَّ صحيانين
بركي أجو هالمرضييين
ع الأقل منودعهن
وعيوناً وروحنا بتشبع منهن
فقلتَ لها أختها:
لا تخاي في إذا كنا ميتين روحنا بتحس فيهن
وبيجوا ليودعوننا قبل ما يدفنونا
فقلتَ لها:
إيه تضربي على هالحكي السئيل
حكِّيكِ مثل دَبَّات رجل الفيل

كأنو عم يستتأنا عزرائيل
تعالى تنام
بركي منشوفهن بالأحلام
المهم: ناموا ها لأختين
وفكروا حالهن ناموا
أتاريهن فعلاً ماتوا.

العين بالعين

٢١



كان من قديم الزمان
بيّاع قماش يعني تاجر مال فاتورة
هيك بيقولوا بهذا الأوان ومن زمان
وكان تاجر مهم بسوق تفضلي يا ست
يعني بيّاع قماش للنسوان
بعده أشكال وألوان
وهالتاجر كان شاطر
وألله فاتحها عليه ع التمام
ومن الصبح حتى المساء بيضلّ بدكأنو ويبرجع بالليل على بيتو لينام
ومرتو بتبعتلو بالسفرطاس الغدا
ويتغذّي لوحدها وما معها حدا
وكان عندو صانع أجذب وعلى نياتو ومالو محظوظ
وكان أسمو عزوز
وكان هالتاجر صاحب دين وبيخاف من الله كثير
وكان اسمو بشير
وهو من عيلة أكابر من العمارة
ومرتو حلوة كثير ومن بيت سحّارة
واسمها لطفية
وكانت حلوة ومهيوبة ومالا مزرية
ونظيفة وست بيت راکزة
وبتضل تشتغل ببيتها لو كانت مريضة أوع العكازة
المهم ويوم من الأيام وبلا طول سيرة يا مرحوم البّي
قال لها جوزها: قبل ما يروح على شغلو وتمطّى وشرب القهوة وقبل ما يفرّ
قال لها: اليوم اطبخي لنا ملوخية ورز
ورح ابعت لك مع العادة صانعي عرّوز
أعطيه السفرطاس «١» وحمله المي الباردة بالكوز
فقالت لو: بتأمر أمر على الراس والعين
وشو ما بدك اطلب يا زين
وقصد الله هالبشير
وراح على شغلو كأنو وزير

وهو بالمحل واقف وعم يضيضب القماش المفرد
فاتت لعدو صببية ممشوقة القد
لافة عليها عبايتها
ومغطية وجهها بملايتها
ومومبين إلا عيونها وكانت عيونها كبار وسود
مثل عيون الأسود
بتخطف الأبصار.. وتفزل غزل كأنها قمر من القمار
ولما شافها التاجر بشير
زاغ بصرو وعقلو من راسورح يطير
ونشف ريقو وما عاد انبلع
وقال لنفسو: سبحاق الخالق إلي كؤن وصوّر وخلق
إذا العيون هيك كيف لكان باقي وجهها
أكيد بيسبي سبي تمها
الخلاصة: كأنو عديم وقع بسلة تين
وقرّبت صوبو وقالت لو بصوت ناعم بيحرك المشاعر الجامدة ويصحّي العليل ويقيم
الناس النايمة:
بدي قماش حرير أنعم من خد الولد الصغير
فقال لها: بتأمري أمر
اشرطي واطلبي من المساء للفجر
فوتي ع المخزن لجوا
لحتى تشوفي كل القماش الجديد بالمرأ
وهلاً بفرد لك شو بتستحلي
وبضيّمك قهوة ومحلي
وقبل ما يلحقها لجوا
صرف صانعو الأجدب لبراً
وقال لو: روح ع البيت لعند معلمتك جيب الغدا بالسفرطاس
لأنني جعت ورح يبّلش فيني وجع هالراس
وراح عزّوز
ليجيب الغدا والمي بالكوز»٢»
وركض التاجر لجوا بلمح البصر

للمخزن ليشوف وش الصبية بالمختصر
 وكانت راخية العباية
 وقائمة من على وجهها الملاية
 وعم تنفرج ع القماش، وكان وجهها مثل القمر بليلة تمامو
 وهو من هالشوفة ما تحمل حالو
 وزخو العرق من راسو لمداسو
 وهجم عليها مثل التور
 وعبطها عبط ع الفور
 فقالت لو: دخيلك أنا مو من إياهن، شو قلبك مو ديلك؟
 لا تلمسني دخيلك وبعملتك لا تفضحني
 دخيلك يا زين الشباب
 لا تفتح عليّ الباب
 فقال لها: اشتهيتك وبنفسي لقيتك
 فقالت: ليش ما عندك ولا يا
 يستر على حريماتك
 اتركني ولا تضرني وأنا مو وحدة من جارياتك
 أنا وحدة مستورة
 اتركني أحسن ما لمّ عليك المعمورة
 ومشان حريماتك وإيدي بزنارك
 خّليني اطلع من محلّك ومن مطرحك
 دخيلك اعتقني من مسرحك
 وصارت تبكي وتتوسّل
 فصحي على حالو، وكانو شربان حشيشة معسل
 وقال لها التاجر:
 لا تواخذيني يا أختي سيطر عليّ الشيطان الشاطر
 وتركها وقال لها امشي بطريقك وسامحيني على قلة أدبي وقلة تدبير
 والله موقصدي، جمالك أسرني ونسّاني ربي
 وتركها تروح بحال سبيلها وهو عم يسبّ حالو على عمّلتو
 ومضى يومو بالدكّان مكركب ومشغول البال
 وما بيعرف شو إلي جرى لو وهو عم يسأل هالسؤال لحالو

وتغذَى مع صانعو عُرُوز
وحتى صانعو كان ملبَّكًا
يمكن حاسس عليه أو عاملُو شي عملةً وعقلو مشربك
وتغدوا مع بعض بدون نفس.
ومضى النهار ورجع على البيت ليندفس دفس
فات على بيتو هالتاجر
فشاف مرتو عم تبكي وتندُب
فقال لها شَبِكْ عم تنطِي مثل الجندب
فقالَتْ لو:
تعال شوف شو ساوى صانعك الأجدب عُرُوز
وقت أجا ياخذ السفرطاس والكوز
هجم عليّ مثل التور الهائج
وأنا عم بعطيه الأكل
عبطني بين إيديه عبط
وكأنو عم يخنقني أو يغتصبني بالظبط
وضربتو وقلعتو
وبرات البيت الغدا شلفتو
إي مو كان ناقصني غير الهبلان
شو كان عمل لو ما كان من الجدبان
لك شو جرى لو
وشو إليّ غير حالو
كأنو واحد تاني
والله كنت رح أفرمو بسناني
لا بقى تبعت لي هالأجدب
تعال إنت بنفسك أحسن ما أتكركب
وظل صفنان هالرجال طول الوقت
واستغفر ربُو على إليّ صار بمرتو إليّ فيها هوّ السبب
وقال لها: طُولي بالكِ أنا بحاسبو بالحال
وقال لنفسو: الله عاقبني على ذنبي
بنفس الوقت أليّ كنت رح أغضبّ ربي

بعت ها لأجذب لمرتي
دخيلكُ سامحني يا ربي
واغفر لي واستر عليّ وعلى مرّتي

١٠٠ السفرطاس: صحن مطبقة للأكل.
٢٠٠ الكوز: جرم طويلة لشرب الماء

الكبت

٢٢



كان يا ما كان
هالقصة قديمة والها زمان
حصلت بالشاغور
وبيشهد عليها الساطور
فيها عبرة وبالنفس بتحفر حفرة
المهم وبلا طول سيرة. كان في عيلة بالشاغور من أم وأب بالعمر كبار
والأب مشلول وكان بزمانو يشتغل سمسار
والأم ختيارة ويا دوب تقوم بحالها
وعندهم ٤ شباب وبنت وحدة صبية ما بينفتح عليها الباب
وكانوا هالأولاد الأربعة من مشرانين الشاغور
قصصهم بالمشاكل والثرثرة إلها عصور
وصاروا صاحبين دين وبيستغفروا ربهم ويقولوا آمين
وقت كبرت أختهم حطوا لها منديل
وقت خلصت الصف السادس قعدوها بالبيت
ولبسوها مانطو طويل
وقعدت بالبيت لتساعد أمها وتطبخ وتنفخ وتفزل بالخيط
وتستنى عدلها ونصيبيها
حتى ولا كلمة من الناس تصيبها
وكبرت هالبنت
وهي ساكتة وعم تسمع كلمة أخواتها وهي مكبوتة كبت
ومضت الأيام وهي عايشة للخدمة
فصارت تدبل وتنحف ودوم مالها حيل ونايمة
وصارت بريعان الشباب
وما كان يجيها نصيب
ويقلب أمها الحزن رح يصيب
فقالته هالأم لأولادها: خدوا هالمظلومة واعملوا لها سيران
وخدوها حتى تنتنرّه بشي بستان
حرام هالبنت محبوسة بين ٤ حيطان
لابتفوت ولا بتطلع والله حرام
وزعلوا عليها أخواتها

وأخذوها سيران.. لبستان أبو عدنان
فقال الأخ الأكبر: ليش ما مناخدها لشي ككتاب لتعليم القرآن؟
أو شي جامع أو بيمارستان؟
فوافقوا على المبدأ هنّ الأربعة
وصاروا يأخذوها ويجيبوها ع الجامع
وفعلأ درست وختمت القرآن
وكانت أشطر واحدة كمان
فرضيوا أخواتها يحطوها بمعهد للشريعة
لفرحتهم فيها بهالضيعة
وصاروا يوصلوها أخواتها بالتناوب
حتى ما يصيبها شي صايب
وكانت هي ورفقاتها كلهن بمناديل وجلبيب
وما يبين منهن شي ما يميزهن حدا ولا القريب
وكانت توذع رفقاتها بالمعهد
وتروح لعند أخوها إلّي ناطرها ع المقعد
يعني إذا ما قرّبت لعند أخوها ليأخذها
ما يدور عليها لأتو مارح يعرفها
ومرة من المرّات
قالت لأخوها: صديقتي جايي معي عازمتها عالسجقات
وطبعأ قعدت مع رفيقتها بغرفتها
وفاتت أمها لعندها وسلمت عالضيعة
وقالت لولا بنها: هالبنات أحلى من بنت خالتك عيشة
شورأيك أخطب لك ياها
هلا إذا بدك بسأل لك عن أهلها وفصلها وخباياها
فقال لها: بكير يا أمي بكير
ليتجوّز أخي الكبير
المهم وبلا طول سيرة
وكل كم يوم صارت هالبنات تقول لأخوها اتركني لأرجع أنا ورفيقتي ع البيت لأنها
جايي تساعدنا بتعزّل البيت
وأملك مرضانة وبدي أعمل لها لوبية بزيت

وفعلًا كانت الأم مرضانة
متسَطَّحة بغرفتها ودبلانة
وانجبرت البنت تترك المعهد لحتى تطيب أمها وتتجسَّنْ
وصارت تجي لعندها كل كم يوم رفيقتها
وتقوت لعندها بغرفتها
وظلوا على هاللون كم شهر وكم يوم
وكانت تنبه أخواتها الشباب أنولا يفتحوا عليها الباب
وما كان حدا يقربُ صوب الغرفة لأنهن عارفين أنهن عم يدرسوا ومالهم غيرها لهم
وما كان حدا للأمر يهتم
ويوم من الأيام أجت لعندها رفيقتها أحلام
وفاتت لعندها ع الأوضة
وراحت هالبنت ع المطبخ لتجبلها بالوظة
وتمسَّتْ رفيقتها عندها مثل العادة
يعني صارت الساعة ١٠ بالليل وزيادة
فأجا أخوها الكبير من الشغل ولقى ضوء غرفتها مشعول
فوقف بأرضو وهو مشلول
فقال لها: مين عندك يا أختي؟ قالت لو رفيقتي أحلام
عم ندرس عثًا فحص فوت أنت نام
فقال لها: طيب ماشي الكلام
وفات على غرفتو وبعد شوي
إجا بيالو يشرب مي
فنزل على أرض الديار
فسمع صوت من الجوار
كأنو ضحك وصهصلة
أو كأنو صوت تخين وألو هلهلة
فقربُ صوب باب غرفة أختو
فسمع صوت زلة عم يهمس همس
فارتعب من إلّي سمعو بأدانو
ليكون هالشي بمنامو
فقال لنفسو: ولي شو صوت هالبنت تخين

وقرباً أكثر من الباب فوضح الصوت أكثر
وكان صوت رجال. !!!
مع صوت وشوشة وحسوسة
وغناج ويمكن في مبوسة
فما عاد قدر يفكر أو يجمع أفكارو ومدري شو إلي جرالو
فخبط الباب خبطة وحدة
بس كان الباب مقفول
وقال لها: لأختو افتحي يا قرده
فقاليت لو أختو: استنى يا أخي لتستنى رفيقتي
وتليس منديلها
لأنو إنت مالك حليلها
وفتحت الباب. وركض الأخ ودفش أختو على الأرض
وركض على رفيقتها وشد المنديل من على خلقتها
ورما على الأرض
ولقاها رجال بشوارب
ومن هالشوفة ما عاد يقدر لا يحكي ولا يجاوب
وقام هالرجال ليهرب بالحال
فكمشو أخوها وقال لو: عامل حالك حرمة
ولقحو على أرض الدار
واسناول الساطور إلي بكعب الشجرة
وشختو من رقبته لراسو هالحمار
والتفت على أختو المنهارة
وقال لها: لازم تاكلي جزاتك ونظف منك هالبيت ومن هالحقارة
فقاليت لو: استنى استنى قبل ما تدبحني
في عندي كلمة بدئي قولها قبل ما مثل الغنمة تشختني وتريحني
إنت وأخواتك السبب
حبستوني بالبيت بحيلة الأدب
وحرمتوني من شبابي ومن عنفواني إلي غ الأرض انسكب
وعملتوا مني خدامة وجارية ومفكرين إنني مو حاسنة
وكنتوا عم تستنوا شي حمار يشتري هالدابة

وفات قطار العمر عليّ وأنا محبوسة
صرت بحيطان الـ ٤٠ وأنا عندكم مدعوسة
وكبرت وما عدت لا أنباع ولا أنشري مثل الجاموسة
وما حدا سأل عن مشاعري وإحساسي
وعن حقي بالحياة هدفكم تكسروا راسي
وحبستوني بحبس من حديد
وفكرتوا أنو هذا المفيد
وما فكرتوا أنو الثقة قبل القفل
وعند النسوان الصعب بصير سهل
ولو كان سبع قفال
قدرت غير المحال
وانتقمت منكم ومن نفسي
واللي أخلاقو ما بتردو
حبس الحرية ما بيوقف بطريقو ويصدو
وبلا طول سيرة
القفلة معروفة وما بدها حيرة
قتلها أخوها وهو زعلان وعليها ندمان
بس قتلها ليحامي العار
بس كلامها ظل محفور بقلبو مثل البسمار

الشهاد

٢٣



كان يا ما كان يا سادة يا كرام
منحكي هالرواية ولأ متأم؟
كان في زلة فقير كثير وبحالتو عدمان
وتعتيرو ما مرق على إنسان
وعاش طول حياتو بالطول والعرض
لحتى انتهى فيه المطاف شحاد على الأرض
شو بيشحد بياكل وبينام بالجامع إلي بالميدان
ومعروف بالحارة بحدو السعدان
على قد ما بينط من حارة لحارة
ومن بيت لبيت ومن دكان لدكان
ليشحد ويسترزق من عند فلان وعلان
وكان محبوب من أهل الميدان
وعلى الله رزقو هاللفتان
موهاؤو شي بالدنيا
إذا نام شبعان
أو بات جوعان
المهم ما عندو همم
ولا عيلة بدها لم
ولا أم ولا حرمة يهكل همها
ولا ولاد فاتحة تمها
وكان حدو.. حاسس ما حدا قدو
بيتنقل ع التجار ليتصدقوا عليه
وعيدية بالعيد يعطوه
ومتل ما بتعرفوا الميدان كانت كلها تجار جمال
وأغنياء ومقتدرين
وخيرين وميسورين
وكلها عائلات أكابر ومستورين
وكل يوم بيمرق لعندهم حدو
لياخذ إلي فيه النصيب ويجيبو لعندو
من طبخة من هدمة من مداس

ويبوس أيدهم ويحطّأ ع الراس
المهم وبلا طول سيرة
يوم من الأيام مات رجّال كبير من الميدان
من أكابر وأغنياء العائلات
عندو ٣ صبيان و٢ بنات وكان أغنى واحد بالميدان
عندو أراضي وبيوت وأرزاق ما بتاكلها النيران
المهم: بعد موتو وتجهيزو وترحيلو
لازم مثل ما هو معروف ومعلوم بقا سيدي
بعد دفن الميت لازم تتفكّ وحدثو
بين المغرب والعشا وبينقرو قرآن فوق قبرو
يعني قبل ما يجيه أنكر ونكير ويحاسبوه
وعن أعمالو يسألوه
الخلاصة: ولادو الصبيان خافوا وتوغوشوا من هالروحة ع المقبرة والدنيا عتمة
والترية بتصير موحشة ومظلمة
فاتفقوا يستأجرو شي سخرة
لفك وحدة أبوهم ويخلصوا من هالأمر بالمرّة
وقعدوا يفكروا يوكلوا حدا
فتذكروا الشحاد حدو
واتفقوا بطلوع الضو يروحوا لعندو
محل ما بيقعد بشي خرابة أو بالجامع
وأكيد بيرضى وما عندو مانع
وراحو تأنى يوم لعندو
وكان حدو مصمّد مجيدية وحدة ومخباية بعبو
وكان رايع يشتري دكّة لشروالو
إلّي ورتانو من عشر سنين عن خالو
فشافوه بالطريق
وقالوا لو: إجاك الفرج بعد الضيق
وأقتعوه أنو هو أحسن شي لعمل الإحسان
لأنو صايغ ويخاف الله ويعرف يقرأ قرآن
رغم أنو ريحتو بتقرّف وجربان

فقالوا لو: منعطيك ١٠٠ مجيدية
ومنسكنك ب بيت صغير بالعلية
زحلّ عقلو هالحدو بالمصاري
ووافق رغم أنو كان مرعوب ومالو داري
لأنو هالفوتة بدها واحد قلبو قوي
ومؤمن وتكون هيا مو بالمصاري
المهم فرح حدو وعدل عن شرية الدكة لوحدو
وقبل أنو يروح عالبرية
ويزور قبر أبوه بالجملمة
وقال لحالو: بشتري بطريقي سندويشة لسانات وكبة مقلية
وباكلهن قبل ما يروح عالبرية
ولبين ما يأذن المغرب
بتهنى بشي أكلة هنية
وبالفضل وصل ع المقبرة بعدما أدن المغرب بشوي
وعتمت عليه الدنيا وهمو هالشي ببساطة
وقعد جنب قبر الميت مشيت «١» البلاطة
وفتح القرآن ليبلش قراية
سمع صوت مثل حفيف الحية أو الحرباية
وشاف أنكر ونكير جاينين سوا
فقال: ولي أجاك الموت يا تارك الصلا
وهنّ كان بدهن يحاسبوا الميت جاينين
عن أعمالو بكل السنين
فشهق من الرعبة الشحّاد حدو
وييس بأرضو
فشافوه أنكر ونكير
فقالوا لو: إلك عتّا تدبير
ومنيح إنك أجيت على بكير
تعال نحاسبك قبل صاحبك
لحتى نسألك أنت بليت نفسك
ولاً الله بلاك

وسألوا عن المجيدي إلي معو
وشو بيملك غيرو ولا بس هو إلي بيملكو
ومنين جابو وكيف وصل ألو
وشو اشترى فيه
وبلشوا من القرش الأول من المجيدي
كيف وين وليش وايمتى صرفتو
والقرش الثاني والثالث... هيك
لجهجة الضو وأذن الصبح وندي الجو
فقالوا لو: روح هلا صلي الصبح
وبكرة منكم الشرح
وهو!!
ركض من رعبتو وقال يا فكيك
وبهالورطة مالو شريك
ووصل للجامع وهو عم يصرخ ويجعر من الخوف
من هالشوفة إلي بتطع الجوف
ووقت أجوا أهل الميت يسألوه شو عمل بالمهمة إلي فيها كلفوه
قال لهم: دخيلكم لا تسألوني ع المهمة
وإذا بدكن اتهموني بمليون تهمة
بس ما عاد روح ع التربة
وما بدني مصاري وما بدني بيت بسند ضهري عالحيط
خلوني مرتاح البال بداري
لأعرف ليلى من نهاري
لأنو أنكر ونكير سألوني من المغرب للفجر
عن القرش الي هدرتو هدر
فكيف عن مصاري أبوكم الي جمعها طول العمر

الجرة

٢٤



بداية:

كان ياما كان، كان من زمان في رجال وعندو ثلاث ولاد
وماتت مرتو وفضيت فرشتو
ومضت فيه الأيام حتى نسيها حتى بالنام
وكبر وما عاد يقدر يشتغل
وكان غني ومقتدر
بس كان بخيل ومأنشح.. واسمو مصلح
وهو من باب السريجة
ومرتو من القباقيبة
وكانت حرمتو اسمها بهيجة
وماتت من القهر
على قد ما جوعها هالندل
إذا قالت لو: اشتھيت محلاية
بيقول لها: مولا بقلك غير محلاية.. ريتك تاكلي صرماية
حاجة تتونئي شبو الخبز والبرغل
من شو بيشكي شوي تانية بتقولي بدي زنكل
بتقول لو: اشترى لي هالفستان
بقول لها: ليش لها لجسم الورمان
كأنك التالوله بالإبهام
قالت لو: دخيلك بدي شحاطة وكندره
وبدي ساكو«ا» وشوية غندره
بيقول لها: روعي تضربي بها لموديل
إيه راسك مثل الكرنبة المقشورة
وعيونك فاييتين بجوره
وتمك مثل المغارة المهجورة
وأسنانك مثل الحجارة المنقورة
وحناكك عوج بدك لقة بابوج
وكمآن بدك غندره يا معنره
الخلاصة.
كان معيشها عالحصير
رغم أنو بيملك ثمن مليون سرير

واللحمة ما بتعرفها
والخضرة يا دوب تاكلها
ومصرية دوبو بالكيس يلفها ويكمرها
وبعد ما ماتت مرتو
كبروا ولادو الثلاثة والصراحة كانوا عايشين من قلة الموت مثل ما بيقولوا
وعمّ يدعو عليه ينضب بشي تابوت
وينمد على سحلية «٢».. ليندفن بشي برية..
لأنو بخيل عليهم وكحته
ومعيشهم مثل الشحادين القعدة على الحصير والنومة عالمدة
وطول عيشتو بالبيت كان أكلو خبز وزيت يعني من حواضر البيت
وهذو المرض وبرك ولا عاد فيه يحرك حركة بالبيت
فحطوا ولادو على تخت جنب الحيط
ويجوا بدهم يطعموه يقول لهم: بكفيني زعتر وزيت
لا تبحتروا من مصري رح أخبط راسي بالحيط
يجوا بدهم يغسلوه
يقول لهم: لا تسرفوا المي غسلوني تيمم
فحطوا لو جنبو حق فيه مي
وكيس خبز لحتي يخلصوا مئو ومن العي
وكل ما شافهم يقلهم ويقول:
حاجة تهبشوا من مصري هبش
وهم يدعو عليه بقلبهم ويقولوا لو
والله ما بدلك غير نعش
المهم: ما عاد حدا بينن عليه من كتر بخلو
ومن ظلمو لنفسو ولولادو
بعدوا عتو رفقاتو وحتى حسادو
ولأنو بارك وعالتخت لايد
إجا جارو ليعينو فوصاه يفتحلو طاقة بنص التخت
ويحط تحت الطاقة جرة كبيرة إلها غطا
ومجنزرة بجنزير مع التخت من ورا
كان هالرجال يشخ فيها الكبيرة والصغيرة يعني كلها.. أنتو أكبر قدر.. خ...
لأنو بقي لوحده وما في حدا يساعده

وكل حين ومين ليحي ولد من ولادو يسأل عليه
ويطعموه ويغسلوا إيديه ورجليه
المهم: الأب وقت حس أنو ما حدا من ولادو بقي يهتم فيه ولا يسأل عليه
فبعت ورا ابنو الكبير وقلو:
أنت أعز أولادي
وولادك أعز أحفادي
وأنت الحنون الرؤوم بين إخواتك
ومشان هيك قررت أعطيك هالجرة بعد ما موت بالمره
شايف الجرة المربوطة بجنزير تحت التخت؟
هي مليانة من الذهب والمصاري ومدكوكه مثل الجفت
وقت بموت هي إلك
بس لا تحك لأخواتك حتى ما يطعموا فيك
ويخلصوك ياها وبيجرموك منها
فصار هالابن يهتم بأبوه وكل يوم يجي لعندو ويروح
وبالسر ما يببوح
ويخدموا وأطيب الأكل يجبلو ويشطفلو بيتو
ويعزلو حيطو
ويدللو ويحكيكو قصص ونهفات
ويسردلو حكايات.. ويسليه لحتى ينام
وظمع الأب بالمزيد
لأنو عندو تلت ولاد مو ابن وحيد
فبعت خبر ورا ابنو الوسطاني
وقال لو نفس الحكي من ثاني
وبعت خبر ورا ابنو الصغير
وقال لو: نفس الحكي بدون تفسير
حتى من دلالمهم ألو يعيش عيشة أمير
وصاروا كل يوم يجيه واحد من ولادو وخمسة بعين حسادو
وكل واحد حافظ عن أخواتو السر
حتى يفوز بالكنز والبر
وصاروا يخدموا ويشوفوا طلباتو
وهو يتونأ ويقول لهم هاتوا

شي محاشي، شي كيب وشاكرية
شي مشاوي، شي سجقات وملوخية
وشي مشتهي أكلة حلو جيبوا لي ياهها
شي مشتهي موالح صفوا لي ياهها
وهاالولاد تدفع وتجييب
وكل واحد يتمنى إيتمى بدو ياخذ هالجرة ويدعي بجاه الحبيب
وضل أبوهم على هاللون
على كل درس لون
لحتى انتفخ من الهنا مثل البالون
ومضت الأيام وكل واحد من ولادو
عم يحلم بالجرة لزاو
وما عم يحكي قدام أخواتو
لحتى مات الأب.. وبعد العزا والذي مئو
إجو لياخدوا الجرة كل واحد لوحدو
فاجتمعوا بالأوضة على خناق وقتال
وكل واحد يقول للتاني
أبي وعدني فيها مولحدا تاني
فدأبحوا ودمؤا بعضهم البعض شي غير عادي
فأجا الأخ الكبير وقال لهم: تعالوا نحتكم عند القاضي
أحسن ما نضل عم نتخانق ونتعادى
وبالمقاتلة نتمادى
فراحوا لعند القاضي أبو ماضي
وكان هالقاضي ألغن من أبوهم وجشع ويبحب المال
وبينصيف الغني لأنو بطعميه
وبيترك الفقير لأنو ما معو شي يعطيه
المهم وصلوا لعندو ومعهم الجرة المجنزرة
وبالقفل مقفولة ومبسمرة
وحكوا لو حكياتهم
وأنهم اختصموا عليها
وقالوا لو: قول لنا الحل بسرعة قبل ما نمل
فرفع الجرة بين يديه وقلهم الحكي إلي بدى قولو اسمعوه

هلاً بكسر الجرة على راسي واللي بيهرّ منها ع الأرض بتتقاسموه
واللي بيبقى على راسي هوّالي
وهذا شرطي الأساسي
والأحسن وافقوا على هالحل يا أما خليك عم تتخانقوا وعليها لا تتقاسموا
فوافقوا فوراً وعليها رح يتسابقوا
فرفع الجرة على راسو وكسرهما
وشر الخرا أنتو أكبر قدر
والوسخ والزبل على راسو ابندر بدر
فتفاجؤوا الولاد وقالوا مو بعيدة
على أبونا هالمأنشج البخيل هالعملة
لك عطانا كم مرتبّ يا ويلنا
ومقلب مشرّح منيح ما أجا فينا
واندار هالقاضي أبو ماضي
وصار يدعي على أبوهم
ويقول: الله ينتقم منكم ومن أبوكم
الله يغمقّ لو بقبرو
ويضيّع رزقو وينسّف نهره
حق معهم أهل الأمتال وقت قالوا:
«البخيل بيعيش فقير ويموت غني»
ينكت كرازو ويظفي نارو
نكت الخرا على راسي
وصار جسمي وراسي كلو خرا
إيه بعّد إنت ويّاه وارجعوا لورا
صحيح الطمع ضر ما نفع
فقالوا لو: لو ما كنت أكحت مئو ما بتعلك ربك هالنهاية
وهيك خلصت الرواية

١٠ ساكو: مانطو

٢٠ سحلية: أي السرير الذي يغسل عليه الميت

الحرامي

٢٥



رح أحكي لكم عن وحدة ختيارة موديلها مثل السحارة
 هي كتلة من الشحم والدهن واللحم
 معدومة التضاريس كأنها شليف
 الشفتير منفوخة ومدعبله
 وكل شفتور ما يشبه أخوه
 وأصبيح إيديها مثل اليالنجي «١» وقت بيلفوه
 المهم. كانت هالختيارة عايشة لوحدها بالحارة
 وكانت حارتها سوق ساروجة
 وعليتها معروفة بالمعمورة
 واسمها زهرية برغوت
 وهالختيارة بحيطان ال ٨٠ موناقصها إلا تابوت
 ومات جوزها من زمان كان اسمو عبدو دميلة
 وهي عاشت ببيت عربي مهرهز جنب بيت عسيلة
 ومدحوش بالحارة بين بيوتها مواجه بيت أبو حسني شطاره
 وقريب لبيت شيخ الحارة
 ومثل ما منعرف أسطح البيوت كلها على بعضها البعض
 والصوت بيوذي
 وقال المتل: مين أعلم بحالي ومحتالي قال لو: جاري
 وكانت تنقي عدس وبرغل وفريكة لنسوان الحارة
 وبتضل قاعدة بأرض ديارها
 وبتتحنن عليها الناس من لقمة من طبخة بايته
 من شوية فواكي زائدة
 المهم هي عايشة وراضية
 ويوم من الأيام قاعدة بأرض الديار
 وعم تقشّر وتاكل فؤوس «٢» وخيار
 وكانت الدنيا المسا
 وجنبها حاطة شغلها وقاعدة ببلاد
 صينية برغل وقصعة «٣» فريكة بدّها تنقيها لبيت أبو لبادة
 ومادة جرياتها وعم تغني لجاجاتها
 وكان عندها ٣ جاجات بالقرن

وقط أبيض شعرو مرخي وبيضل يعنّ
الخلاصة وبلا طول سيرة يا قرائي يا سهيره
لمحت المخلوقة على سطح الدار خيال
وبعد شوي ردت لمحت خيال
كأنو عم ينط من سطح لسطح وحامل بإيدو كيس خيش وربطة حبال
فقالت ببالها: ولي حرامي
ما أحلاه ينزل على داري
وكيف بدى لحقّ أهرب لجوّات البيت؟
يا دوب مشيتي مثل البرّاءة بكل خطوة بدى ساعة
بيكون اسناولني الحرامي ببراعة
أحسن شي أعمل حالي مالي شايفتو
وكان صار أول الليل فوصل لسطحها الحرامي
وما فيع الأسطح غيره حدا ثاني
وقرفص على سطحها قرفصة
وهو عم يقطرها مثل الخنفسة
فعرفت أنو هي المقصودة هاالحرمة
فجرت لناحيها صينية البرغل وقعدت تتقي فيها وما كان في ولا نسمة
وهو عم يقول لنفسو هلاً بستأها لحتى تنام
وينزل بسرقة من عندها إلي فيه النصيب وكم حرام
وهيئتها ختيارة ومالها حيل تهرب مثل الحمامة
وهي قالت لنفسها: إذا بدّي أصرخ هلاً
بدو ينط لعندي ويقتلني وقد ما عيطت ما رح حدا يسمعني
وهو أكيد عم يستأني لقوم نام
لينزل عليّ ويتمكن مني عالتمام
أحسن شي ألهييه وكل ما يمل
أعمل حالي عم ضبضب الغراض لقوم نام
أحسن ما عليّ يسلم
فكل شوي صارت تقول:
إيه لقوم عسّي قطي واسقي البعير وأفرش ونام
تردّ تتقي بهاالبرغلات

وتقول: لخلصّ تنقاية البرغلات أحسن ما تاكلهن النملات
وتمطّ بالوقت وتغني:
يا شمسة اطلعلي حتى أنشر غسيلي
غسيلي بالعمارة نطّ عليّ الفارة لتسرق لي بيضتين
من جاجاتي المبلية
حمرة وبيضة وهندية
وترد تقول: إيه تعبت يالله لقوم عشيّ قطني وأسقي البعير وأفرش ونام
وتقول: يوه يوه في بحصة بالفريكات
لقيمها ودورّ عليها قبل ما تختلط السموات بالقبوات
وتردّ تغنيّ وتقول
عندي ديك اسمو رمزي
نط وقعد ع الكرسي
جبت الموس ودبحتو
بالزيت والسمنة طبختو
حطيتو عالبحرة أجا القط وأكلو
سم بهري معدتو وبدنّو
وترد تسكت شوي وتقول:
إيه حاجتي سهر، لقوم عشيّ قطني وأسقي البعير وأفرش ونام
وصارت تغنيّ
يا مطرة زحّي زحّي
على سطح بنت أختي
بنت أختي جابت صبي
سمتو عبد النبي
طلعتّ على السطح رماني الهوا
شافني الدكتور وصف لي دوا
قلت لو شو هالدوا
قال لي، حنّدق وبنّدق وكعب الغزالة
وضلّت على هالحالة طول الليل
والحرامي رح يطقّ وهو عم ينتظر
ويقول لنفسو، إيمتى بدها تنقبر

وتقوم تنام والله رخ انفجر
ونعس وما عاد فيو حيل
ورح بيبرك مثل الخيل
ويرجع يقول لنفسو: يخرب بيتها شو بليانة
لك شو مالها نعسانة؟
ليكون نسيت أنو في بالدينا نوم هالخرفانة
والله ما أكمشها لنثقها بسناني
وما معي شريك فيها حدا ثاني
إيه العمى رح يطلع الضو وبرد الجو
والليل سئار وأنا عم أنظر مثل الحمار
وبهالأثناء غفلت عينو وهي عم تغني
هيك لطلع الضو وصار الصبح
وصارت الناس عم تسرح سرح
وصارت هالختيارة
تصرخ وتنادي وتولول وتقول دخيلكم يا جيراني
يا أهل الشهامة غيثوني قبل الندامة
عندي حرامي يا أهل الحارة
على سطحي تعالوا خدوه وخذوا البشارة
دخيلكم الحرامي على سطحي
سرق نومي وأكل طبخي
وركبت هالناس ع الأسطح
والحرامي مو حاسس نايم ورايح فطيس
وكمشوه وهو من رعيتو صار كسيح
ولقطوه مثل القمل إلي بيلقط الفار
وقال لحالو:
إيه العمى شو طلعت حمار

١٠، الهالنجي: ورق عنب محشي بالرز ويطبخ بالزيت.

٢٠، فؤوس: الفناء مثل الخيار. ٢١، فصعة: أي وعاء عميق للطعام.

عرباية دوما

٢٦



كان يا مكان من قديم الزمان
 رح احكي لكم حكاية حصلت بالمناخلية
 إلي بتتفد على العصرية وباب البريد
 والشارع العام اسمو الملك فيصل
 وهُو سوق الهال ومكان فيه ساحة للعربايات
 وجنب سوق الهال في العمارة الجوانية والبرانية
 المهم: كان في جماعة ساكنين بالمناخلية
 وهن من بيت جبري ساكنين ببيت عربي كبير مرا ورجال وعندهم شب طويل وعريض
 وكان اسمو بكري
 وجوزوه ليفرحوا فيه ويكثر نسلو
 ويجبلهم صبيان وبنات ويلاعيهم بحجرو
 ومضت أكثر من سنة ومرتو ما كانت عم تحبل وتجلهم الولد
 وصار الأب والأم عايشين بكمد
 وصارت هالأم تنق على ابنها
 وتقول لو: تعال لجوزك غيرها لك ابني وهُو ما عم يرضى
 ويقول لها: حرام يا أمي هلا بتموت من الحسرة
 إذا جبتلها ضرة
 وضلت تنق أمو عليه ليل نهار
 لحتى يغير مرتو. فكرها بتغير الأقدار
 ومن القديم كانوا يفكروا أنو عدم الخلفة بس من المرا
 ونوع الخلفة من المرا
 مع أنو منعرف أنو الرجال بيزرع والمرا بتحصد
 والرجال البذرة والمرا التربة
 الخلاصة. ضلّت تنق عليه لحتى جؤزتو
 وجابت لكتتها ضرة
 وسكنتها معها لتحرق قلبها بالمرّة
 بس هالمرا ما صبرت كثير ماتت من قهرا
 وماتت من شهرين من الحسرة
 وصار يشوفها بالنام ويحس أنها انظلمت
 لأنو أمو عليها ما نظرت

وبعد فترة جابت مرتو الجديدة الولد
 ومن فرحتو فيه أنو الله عطاءه سماه عبد المعطي
 وكان أبوه البكري رجّال كبير مثل ما حكينا
 وروح قلبو يقعد بعد العصر على عتبة باب الدار
 ليتسلّى بالدكنجية والناس إلي كلها أسرار
 ويحط كرسي قش صغير وجنبو في سحّارة
 عليها بزّاد شاي «١» وعلى كيل وعبيّ بالحارة
 لحتى ينزل الليل ويأذنّ العشا ويفوت عالدار ويصلّي ويتعشّى وينام
 وهيك كانت حياتو هالختيار مثل أكثر عجائز الشام
 الخلاصة وبلا طول سيرة
 كبر ابن بكري وصار عمرو «٥ أو ٦» سنين ما بدري
 المهم كان هادي وذكي ومرضي
 وكان جدو يحطو جنبو عالكرسي يتفرج عالرايح والجاي
 ويقول لو: جدّو طعمينا
 وجدو يطعميه ملضمينا «٢»
 والسنت تقلي الزنكل «٣» وتعطيهم الصحن بيميننا
 ويوم من الأيام كان هالختيار تعبان وقاعد جنب باب الدار
 وقاعد جنبو مثل العادة ابن ابنو وعم يضحكوا مثل الصغار
 وبعد شوي غفي هالختيار
 وأجت أم عبد المعطي تستفقد عمها وابنها
 فما لقت الولد جنبو
 وصرخت هداك الصوت من رعبتها وقالت يا عمي يا عمي وينو عبد المعطي
 فقال لها: ولي هلاً كان جنبني وحاطو بعبيّ
 والله ما عم خبيّ
 وصارت تصرخ بالولي وتولول هالحرمة وركد جوزها بالحارة
 والجيران ركدوا يدوّروا على الولد بشطاره
 ومضى الوقت وأذنّ المغرب وأجا العشا وفات الليل
 والولد ما التقى يا ويلهم ويا ويل
 وبلغوا الشرطة عن فقدانو
 ونظروا ليبينّ عليه شي خبر أو تجيبو الشرطة من أدانو

وما في نتيجة، أول يوم وتاني يوم وتالت يوم
وضاع الولد
وعاشت هالعيلة بكمد
وانملى قلبهم بالحسرة والحزن وصار بحياتهم انهيار
والأم ضلّت تبكي على ابنها ليل نهار
وطبعاً ما التقى الولد
ومضت سنة وسنتين وفقدوا الأمل
ولأجل حظ هالحرمة ما عادت حبلت يمكن من الحزن
يمكن ما عاد في شي بالجرن
المهم: اختفى الولد!
وكيف اختفى الولد؟
كان قاعد جنب جدو مثل ما حكينا
وكان ماشي رجّال من جدو
وشاف هالختيار غفيان ونايم والسوق والحارة وكلو بشغلو قايم
وعجقة وناس فاستغلّ الفرصة
وحلي بعينو الولد لأنو كان بقلبو غصّة
فاستدرجو لناحيته ليعطيه مصاصة وبسكوته
وحملو وقال لو: أنا عمك أبو جدعان
تعال لأشترى لك عرنوس درة وغزلة، شو مالك جوعان؟
وصار يلهيه بالحكي والأكل لطلع من الحارة ووصل لسوق الهال
وركب بعرباية دوما لياخدو معو يعني احتال عليه احتيال
وصار يحكي لو حكايا ويهرّ فيه هالترين إلي ماشي عالسكة الحديد
لحتى نام الولد مثل البليد
وكان هالرجّال بدوي الأصل. وكان عايش بأطراف دوما بالبساتين
وعندو بستان صغير ومتجوّز بنت عمو وكانوا فقرا ومساكين
ومضى على حياتهم عشر سنين
وما كان يجيهم الضنا وهنّ عايشين وحيدين
وقت شاف الولد قاعد عالكرسي جنب جدو
تذكر حالتو وأنوضنا ما عندو
وقال لحالو باخدو إلي

ومتل ما جابوه بجيبوا غيرو
وأنا ما عندي لا ولد ولا سند ولا معين
وبيكون فرحة لمرتي إلي عايشة بالأنين
وأفتع حالو بها الحكي
وسرق الولد إلي جنب جدو مئكي
وكانت الطريق بين الشام ودوما بعيدة
والعرباية بتوقف بمحطات عديدة
وغفل الولد وغرق بالنوم وصحي لما وصلوا
وصار بيكي بدو أمو وأبوه
ويسألهم مين هدول إلي لعندهم جابوه
وصبر عليه أبو جدعان
وقال لها لمرتو: جبنتك ابنك إلي تمنيتيه من زمان
لحتى تربيه ويعيش معك بأمان
وخليه بالبيت كم سنة
لحتى ما حدا يشوفو ويصير عمره عشر سنوات
وقتها بنزلوع البستان
بيعاوني وهيك بكون مبسوط ومالي ندمان
ولحتى يتعود علينا لاطفيه وتحمليه ولبسيه من أوعينا
وناديه باسمه الجديد جدعان
لأنو صار متا وعلينا
والحرمة مرّت أبو جدعان كانت حنونة كثير
وكانها لقت كنز كبير
وضلّت تعلم الولد وتقلو لو نحنا أمك وأبوك الجداد
حوالي السنة لحتى تعلم الولد يناديلها يا مو ولجوزها يا بي
الخلاصة. وقت صار عمرو عشر سنين
نزل مع أبوه ع البستان ليقتطف رمان
ويشتغل بالفلاحة ويتعلم الحصيد والبذار
وكان يشغلو أبو جدعان بالأرض مثل الحمار
ورمي الحمل كلو عليه
وكانو خادم بين أيديه

لصار عمر هالولد ١٥ سنة وطبعاً نسي أمو وأبوه
ونسي أصلو وعيلتو والي خُلفوه
وما بيعرف غير أبوه أبو جدعان
وأمو الحنونة أمونة
ويوم من الأيام كان أبو جدعان عم يصفّ الخضرة إلّي عم يقطفها
وبالسحارة يصفها حتى ما يتلفها
لحتى مثل عادتو ينزلّ الخضرة بالسحارة
لسوق الهال بالشام ع العرباية أو الحمارة
فقال لو جدعان: خليني أنزل معك ع المدينة لشوف سوق الهال
مشتهي روح معك شي مرة وأهرب من ريحة البغال
وما كان يرضى ينزلو معو
فقال لو مرتو: إيه مضت سنين
وما عاد يتذكر شي أو يميز بين المناخلية أو عربين
وأول همّ بيساعدك بالعتالة
وتاني همّ بيتعلم البيع والشري
وتالت همّ مشان تشتريلو ساكو «٤» من البالة
لأنو قربت الشتا ولا تنسى تجيلي ملاية
المهم: بالأخير رضي الأب ياخذو
فقال لو ابنو: ما بدنا نروح عالحمارة خلينا نركب الترين
مشتهي أركب فيه شي مرة قد ما حكالي عنو جارنا حنين
وركبوا هالترين وكان جدعان مبسوط كتير
لأنو عم يحقق حلمو، ومو عرفان شو المصير
ومرق الوقت لصارت الدنيا الظهر ووصلوا على سوق الهال
ونزلوا هالعتال
وفرذوا الخضرة والولد مسهّم ومالو هون بالمره
بس حاسس أنو بيعرف هالمكان
وأنو شايفو من زمان
وصار يتذكر أحداث مو معروفة
دوامات براسو وكانو واقع بطابوسة «٥»
وصار يتذكر ختيار

يتذكر في سحارة عليها برّاد شاي
 وبالأنثاء نكشو أبوه أبو جدعان وقلو قوم عبّي مي
 من حنفة الفيحة لقدام شوي
 لشرش شليف هالبقدونس
 هلاً بيرتخي وبفونس «٦»
 ولا تتأخر أحسن ما أضربك لكمة
 فراح هالولد وصل يمشي وكانو رجليه لوحدها عم تمشييه وتاخدو هيك لوصل لحارتو
 وكان عم يجول براسو شريط من الأحداث المخربطة شريط مبحّش
 كأنو عم يشوف شي وهو معمش
 فسمع شحّاد عم ينادي «يا عاطي يا وهّاب يا معطي يا مسبّب الأسباب ورازق العباد».
 فركد عليه وقلو مين المعطي أنا سمعان هالاسم
 فتفاجأ الشحّاد وقال لو: الله العاطي المعطي الوهّاب
 مين أنت بلا صغرة يا حبّاب؟
 كآني بعرفك من زمان
 فاندار وشاف واحد عم يبيع ملضمينا
 فركد بسرعة وقال لو: عمي دخيلك شي شقفة طعمينا
 وهو عم يتذكر هالكلمة وهالأكلة موغربية عليه
 وتذكر واحد كان حاملو وعم يطعميه مصاص
 ورح يجن وكانو براسو في رصاص
 فلحقو الشحّاد وقال لو: يا ابني ملامحك مو غربية عليّ
 إنت ابن مين يا عمي
 قال لو: أنا جدعان ابن أبو جدعان البدوي
 قال لو: يعني أنت غريب
 بس والله أنا حاسس أنك من هالحارة قريب
 فقال لو: نحنا من دوما وفلاحين وعنا بستان
 بس أنا حاسس أني بعرف هالأرنة من زمان
 وأشياء غربية عم تمرق براسي
 كأنها ذكريات من أساسي
 وشغلات قديمة من زمان بس مغبشة ما لها معنى
 فقال لو الشحّاد: تذكر يا ابني ووصفلي ولا تكون أجذب بلا معنى

فحكى لو وقال لو: شي ختيار عم يطعميني ملضمينا
شي سحارة على إبريق شاي
شي واحد حملني وعطاني مصاصة
وسوق الهال تذكرتو مع أني أول مرة بنزل فيه ليش يا ترى
والعرباية وعرنوس الدرّة
وحاسس قلبي فيه غصة وعم أبكي وبدون ما أشكي
فطار عقلو هالشحّاد
وتذكر المصيبة إلّي حصلت من زمان بهالبلاد
وبمصيبة بيت الشريجي والّي على أثرها مات الجد والست
وبقيوا الأم والأب عايشين بلا ولد وبكمد
فقال لو الشحّاد لجدعان:
تذكرت أنو في كان ختيار قاعد عالعتبة وجنبو ولد صغير
وعم يطعميه ويشرب شاي وحاطو على كرسي أو خشبة
ومين حملو وطعماه مصاص
وضل يمشي معو وهو عم يحكي هالحكي ليذكرو لوصل لباب الدار
فركد هالصبي على باب الدار كأنو رفسو حمار
وقال:

جدي وين جدي
وتذكر الحادثة وأنو أخذو رجّال وركبو الترين
وكان الولد عم بيكي وقد فاق من النوم
وصار الشحّاد يذكرو بأصلو
أنو صار عندو إحساس قوي أنو هو عبد المعطي لا بعدو ولا قبلو
فأخدوع المخفر
وجابو أبو جدعان ليعترف بالحقيقة بالمختصر
واعترف بالسالفة والحقيقة
بعد ما أكل قتلة وبهدلة وضيقة
وجابتو الشرطة لعند أهلو
ليتعرف عليهم على مهلو
وشافتو أمو وعرفت أنو ابنها بإحساسها
قبل ما يقول لها وقبل ما يدلّوها عليه ناسها

وداخت وما حست بعروق راسها
ولما فاقت صارت تبكي وتضحك وعانقتو
وما عادت فلتتو
والأب كان يشكر ربُّو ويستغفر
ويقول هي خطيئة مرتو الأولانية
والله عاقبني على فعلتي فيها وبلاني هالبلية
الحمد لله يا ربي إلهي ما بتغفل ولا بتنام
على عبدك إلهي على الحق بينام
والولد عبد المعطي، لأنو أصلو منيح وما صفت يلي ربتو الحجة أمونة
جابها وقدها مع أهلو ليطلع جوزها من الحبس لأنها كانت عليه حنونة
وراح واشترى لها ملالية
ولأمو أحلى عباية
صحيح النهاية سعيدة
بس كانت بعيدة

١٠ برّاد شاي: إبريق شاي

٢٠ ملضميننا: فستق منغس بسكر محروق

٣٠ الزنكل: المّامة

٤٠ ساكو: مانطو.

٥٠ طابوسة: بركة ماء

٦٠ بفونس: يذبل

٢٧ قطاع الروس صفاق الرفوف



هالحكاية حكّت لي ياها ستي درية
 وقت كنت زائرة عندها أنا وبنت عمّي بدرية
 كان يا ما كان في سلطان من هداك الزمان
 وكان هالسلطان جبار ومتجبر على العباد
 وأمرو للسلطان بدو يتنفذ لو كان عناد بعناد
 وكانت ميّنة مرتو من زمان
 وكان عندو بنت وحيدة
 وكانت بجمالها فريدة
 واسمها شهناز
 وهي فعلاً جميلة الجميلات
 وصوتها عذب والورنات
 وبتقول للقمم قوم لأقعد بدالك
 وأبوها بيقول لها أنا رهن إشارتك ومرادك
 بس بالحقيقة كان يخاف عليها كثير
 وما يخلي حدا يشوفها حتى لو كان أمير
 لأنو كان يخاف يقوم حدا يحبها
 ويطلب يتجوزها
 ويضلّ وحيد بدونها
 فما عاد خلأها تلمح أي رجّال عيونها
 ومثل ما قلت كان صوتها لشهناز
 حلو كثير وحنون وهماز
 وكل يوم تغني لأبوها وتطعميه مشاوي وبيواظ^١»
 الخلاصة.
 يوم من الأيام كانت عم تغني لأبوها بصوتها الشجي إلي كأنو بالأحلام
 فسمعها ابن الوزير ربيع الدبلان
 وصار فيها هيمان
 وطلبها للزواج
 وكانو سكب على راس السلطان كاز
 وشعل قلبو بالنار
 ورفض طبعاً السلطان ووصفو بالحمار

وحرمو من حبو
وحرم بالمقابل بنتو
وفكس هالجازه وقال لو مالك عندي عازه
وكل ما يتقدم إلها حدا للجواز يرفضو السلطان
حتى كمان ما يرضى يشوفو السلطان
ويصير العريس على حظو ندمان
ويوم من ذات الأيام
الله عاقب هالسلطان
لأنو مثل ما قلت متجبر ومتأمّر
وظالم ومالو عادل
فالله عاقبو ب بنتو
بيدو أنها بلعت مع الأكل فرخ حية صغير كثير
وبلش يكبر ببطنها لصار كبير
وصارت تنسلى من قلة أكلها
وتأوه من وجعها
وفجأة فاقت من نومها وخرست ما عادت تقدر تحكي أبداً
وصار بقلب السلطان غصة
كأنها جمرة أو بحصة
وكل ما يشوفها يبكي عليها ويندب حظها
وكل هالمدة وهي عم تتعالج
وهو من هالخرس إلي صابها عم يدعي على حالو بالفالج
وما كان حدا يعرف شوبها ولا يحزر مرضها
فبعث منادي ودقاق طبول
ينادي بأهل الشام عن الأطلبأ ولو كان بالأستانة واستبول
وأعلن الزعل على أهل الشام
ووقف الأفراح والولائم
والأهازيج والعزائم
بين بيوت أهالي الشام
لحتى تشفى بنتو
وينفرج ويطلع من علتو

وصارت هالأطباء والحكما تتهافت
 لحتى تشوف بنت السلطان إلي كان مخبيها عن عيون الناس
 وكانوا يرجعوا بلا فائدة وبلا إحساس
 يعني فالج لاتعالج
 وما حدا من الحكما عرف سبب خرسها ولا علاجو
 فأعلن السلطان
 أنو كل حكيم ييفشل بعلاج بنتو
 ييقطع راسو السياف
 ويينحط عالرف مداسو
 وإلي على إيدو بنتو بتشفى
 من بختو ونصيبدو بتصفى
 ومضى كم أسبوع
 وما عاد بيّن ولا حكيم وكلو خايف وقلبو مقطوع
 وبعد فترة أجا حكيم أعشاب
 وقال لو للسلطان: راح داوي بنتك بيومين يا حباب
 فقال لو السلطان: تذكر الحكم إلي أصدرتو
 وإذا ما شفيت ومرضها خف
 راسك رح ينقطش وينحط عالرف
 قال لو الحكيم: وإذا شفيت
 لبيتي بتكون مشيت
 وفات على مخدعا هالطبيب
 وبلش يغلي بهالأعشاب ويسقيها معها حليب
 يغلي ويسقي يغلي ويسقي
 بدون فائدة لخلصو اليومين
 وارتعب هالحكيم وصار خوآف
 والسلطان نادى للسياف
 وقطعوا راسو وحطوه عالرف
 وبعد كم يوم تشجع حكيم ثاني وكان هالحكيم بيداوي بسم البراري
 يعني سموم الأفاعي، والعناكب والعقارب
 وكان أبوه بيشتغل عند السلطان حاجب

وعجبوا للسلطان
وقال لو: إذا شفيت بنتي بساوي أبوك وزير
وبجوزك بنتي وبتصير أنت الأمير
وصار هالحكيم يكيل ويزين
مكيالو موزون وعيارو رزين
ويسقي لها لبنت العصير فيه كم نقطة سم
وصار يطلع من تمها دم
وشي مع الشاي يسقيها
وشي مع المي يسقيها
ورح يخلصو اليومين وصار يدعي لربو أنو يشفيها
أحسن ما يطير راسو من رقبتو إلى باريها
وطبعاً بدون فائدة وبدون خواص
وانقطع راسو وانحط على الرف مع المداس
وبعد كم يوم
أجا حكيم بيداوي بالقرآن
بس هو بالحقيقة مشعوذ أو ساحر كمان
وصار يقرأ عليها ويقول: اخرج منها فأنت رجيم
وعلى أساس داخلها في شيطان والله العليم
وطبعاً فشل.. وانقطع راسو بالساطور
بأيدين السيف سمهور
وانحط الراس على الرف
وما فادو سحرو ولا شعوذتو هالمسطول
وضلوا هالأطبأ والحكما يجو لحتى يداووا بنت السلطان
وكانوا طمعانين بالحكم والرياسة والعز
يصير كل واحد لراسو عدمان ولأنهم كان هدفهم السلطان والنسب
انصفت رؤوسهم على الرف
وكل راس ألو لقب
شي حكيم أعشاب أبو ذناب
وشي حكيم السم إلي نابو الهم
وشي حكيم السحر إلي غرقو سحرو بالبحر

وشي حكيم التغذية بالخضرة إلي فطس بالمره
وشي حكيم الحبوب إلي سكر على حالو الدروب
المهم.

انتلت الرفوف بالروس المقطوعة
وصارت الناس تسمي السلطان «قطاع الروس صفاف الرفوف»
لحتى انعرف السلطان بهاللقب بأهل الشام وصار اسمو معروف
فوصل الخبر لرجال ألو قيمتو
من حي قديم من أحياء الشام
وكان هالرجال زكرت وقوي وذكي عالتمام
وكان متطليغ وفهمان
وحربوء ومالو مثيل بالشطارة
وكان أبوه مختار العمارة
فقال لأهل ديرتو
أنا رح خلص هالسلطان من حيرتو
فخافوا عليه أهلو وجيرتو
فقال لو: أوعك تجن وتروح هالأ رقتك بتطير
وعلى الرف بتصير
يعني معروف هالمصير
وطبعاً ما رد على حدا
لأنو كان واثق بنفسو على طول وعلى المدا
وكان اسمو سلمان
وراح وقصد قصر السلطان
وقال لو للسلطان: مهلني يومين لترجع هالصبية تحكي
بس بدون ما تدأخل بشغلي وتنق وتشكي
فوافق السلطان
واعتبر هالرجال فنان
وأجا الرجال وطلب من الخدم بالحال
صاج كبير يحمو فيه تنكة سمنة
ويقلوا فيه مية بيضة نية
فتفاجأ هالسلطان بقا سيدي

وضل ساكت وقال بنفسو: رح أقطع راسو بإيدي
وأقطع لسانو شقف قد المجيدي
وأجا سلمان قال للخدم
حطوا هالصاج إلي مثل الحلة
بنص الليوان واشبحوا هالصبية بالحيلة
يعني رجليها للسقف
وراسها على الأرض
ويكون مدندل راسها ولسانها فوق الحلة
وجنّ جنونو هالسلطان وخاف على بنتو
وكان رح يموت بعلتو
فتنادى السياف وقال لو: هات الساطور بالحال
هذا عمل جنان وشي من المحال
فقال لو سلمان
باقي يوم من الوقت يا مولاي السلطان
ولأبدك تفكس الاتفاق وترجع بكلامك وتكون ندمان؟
فسكت السلطان
لأنو عطى وعد لسلمان
وطبعاً هالخدم نفذوا أوامر الرجّال
وشبحوا الصبية بالحيلة
من السقف للأرض وتحتها البيض المقلي ألي بالحلة
ولسانها مدندل للأرض
وتمها مفتوح بالعرض
ونطر عليها ساعة من الزمن
فطلع من بطنها من المعى للمري
حنش كبير وصار يركد من تمها ويستن للبيض المقلي سعي
فوقع بالمقلاية وغرق بالسمنة الحميانية
لأنو الحنش يبحب البيض ويبلحق ريحتو
وكان مسكّر لها الحلق والمري
وكان سلمان بشفاء الصبية هو هني
وانبسط السلطان وطار عقلو من الفريجة

وضوءًا الشام بقناديها
سبع تيام بلياليها
ووزع الأكل والدبايح
على أهل الشام عالجاية والرايح
وزين الشام من المرجة لكفرسوسة كيوان والربوة
وشفيت هالصبية وصارت مثل اللبوة
وأعلن السلطان الأفراح بكل مكان
وجوز بنتو شهيناز للرجال سلمان
ورجعت تغني هالصبية
وتقول:

«سقيت بدموعي الشام سبع سطول
لحتي أجا محبوبي ونجى قلبي المعلول
الله يعمرك يا شام
إلي منك نصيبي سلمان
ويا ربي
اغفر لأبي قطاع الروس
لأنو تاب وما عاد من المجوس»

الطمع ضرر ما نفع

٢٨



كان يا ما كان
كان عندي صديقة اسمها صباح
وهي من الناس الملاح
حكيها حلو ولماح
حكّت لنا قصة من زمان
من حكايا أبوها الفنان
رح أسردها إلكم ع التمام:
كان في ملك من الزمان البعيد
محبوب ومهيبوب بس عنيد
وأمره مطاع بأي زمان وبأي أوان
وعندو عز وجاه وسلطين ووزرا
وخدم وحشم وأمرا
وأمره كلها ميسرة
وكلو لخدمته ناظر
ولتتفيذ طلبو كلو حاضر
لأنو كان ملك عادل
ويوم من الأيام ابن هالمملك
شاف بالمنام
الأميرة بنت الملك عرمان
إلي بلادو ورا الصحرا جنب الجبل البردان
وكانها عم تنادي لو
وتقول لو دخيل الله دخيلو
فحس أنها بخطر
وقال لأبوه الملك: لازم نبعت لها نجده بالمختر
وابن هالمملك حبها وقلبو تشعلأ فيها
رغم أنو ما شافها إلا بمنامو
وقرر يتجوزها وما حدا قدو وما شايف حدا قدامو
فرضي الملك يلبي طلب ابنو الهيمان
واستدعى
الوزير غطفان
والمتصرف صطيفان

والقاضي دهمان
وشرح لهم القضية
وقال لهم: جيبوها ولو كانت بأبعد برية
وكان الوزير فنان نحات ما لو مثيل
والمتصرف كان رسام شهير
والقاضي كان عادل وتقي وما يبحب كتر الحكي
فقال لهم الملك:
ما لقيت أحسن منكم لهاهمة
رح أبعثكم لعند الملك عرمكان لتخطبوا بنتو لحضرة الأمير
وترجعوا بالجواب والعروس وخذوا معكم الخير الوفير
وطبعاً كان أمره مطاع
وما بيرتد ولو كان مستحيل وغير مستطاع
وهيؤوا الجمال للرحيل
وضبوا أغراضهم والزوادة والهدايا لبنت الملك عرمكان
وقت سمعوا صوت العصفور الطنان
وقت طلوع الضوق صدوا الرحمن
وكانت الطريق طويلة
وكلها صحرا وعفرا وما لهم حيلة
فاتفقوا يرتاحوا بالليل ويناموا
ويمشوا بالنهار حتى ما يضيعوا بالطريق ويحترأوا
واتفقوا يقسموا الليل تلت تلات
يعني واحد بيسهر واتنين بيناموا بسبات
وبهالحالة الكل بيناموا والكل بيسهروا ويبجرسوا بعضهم البعض
من ديب جربان أو واوي هربان أو من قاطع طريق
أو من شي حنش مشوب يكون ألهن متأهب
المهم. وهن بالصحرا ماشيين بلشيت تغيب عليهم الشمس
فقالوا لازم نرتاح أحسن ما يجي علينا الليل ونروح معس
فشافوا شجرة كبيرة ويابسة عدنو «ا» حطبة دبلانة
بس مخيمة على الأرض ولو كانت عدمانة
قعدوا تحتها وتقيوا بظلها
وأكلوا لشبعوا وحكوا وسردوا لتسلوا

وسهروا لنعسوا
فأجا الدور بالحراسة على الوزير غطفان
فقعد يشرب الشاي بقا سيدي
لحتى يضلّ سهران وما تغمض عينو وجفنو
ويحرس رفقاتو النايمين ليحي دورو بالنوم ويريح جنابو وسفلو
فقعد يفكر بالملك وابنو ومنامو
وبالعروس إلي رايعين يجيبوها لقدامو
وأنها يا ترى بتستاهل كل هالتعب والعناء
وأنها قديشها حلوة وجميلة
لسلبت لبّ الأمير؟ وبعتمهم يدوروا عليها بسراج وفتيلة
فلمح غصن من الشجرة يابس وكانو ماروف
فشد لعندو لحتى كمل عليه وكان مثل الحطبة مثل ما هو معروف
المهم:

قال لنفسو مشتهي أنحت على هالفصن وجه الجميلة
مثل ما بتخيّلها بعقلي ومثو باسهر ومثو بالتهي
ولشوف هيّ أحلى ولأ إلي بخيالي أحلى
وصار ينحت على هالفصن وجه الأميرة إلي بخيالي
لطلعت كأنها من الحور العين
وكانها من ملائكة السما وألله ما خلق مثلها اتنين
لبين ما خلص النحت على الخشبة
كان خلص دورو بالحراسة بدون تعب
فسند الخشبة المنحوتة بكعب الشجرة على جنب
وقام ليفيق إلي عليه الدور بالحراسة بكل أدب
وكان المتصرف صطيفان
وبالنوم كان غرقان
المهم فيقو الوزير. وقام ليقعد بدالو
وتسطح الوزير ونام لحالو
فقعد يتمطمط هالمتصرف
ويسعل ويمحط يضرب شو مقرّف
وشرب مي وقعد ياكل ترمس ني
فلمح بكعب الشجرة هالفصن المنحوتة

فطار عقلو بها المنحوتة ومن شطارة هالوزير إلي من بيت البرغوتة
فقال لنفسو والله ما حدا أحسن مني
رح أرسمها وجسدها ع الورق وطلّع فيها مهارتي وفني
وخليها تنطق عالورق
فرسمها ورسم ملامحها وشعرها الأسود إلي على عين حدا ما مرق
ورسم هالعيون الدبّاحة
والنظرة كانت لمّاحة
يعني شي بالخيال حتى انبرع بجمالها ومعالمها
على قد ما أتقن رسمها وملامحها
هيك لصار وقت نومو
وصحي القاضي دهمان ليقوم ويقعد بدورو
وقام المتصرف لينام مكانو
وحط هالرسمه بكعب الشجرة
وغفل بالمرّة
فقام القاضي وتوصّأ وصلّى
وقعد ياكل زبيب وتين ويتحلّى
فلمح الفصن المنحوت بها لجميلة
وشاف الرسمه كمان إلي رح تنطق عالورق
وحس كأنها عم تقول:
أنا إلي نحتني غطفان
ورسمني صطيفان
وأنت تمثّاني ألك يا دهمان
فطار عقلو من جمالها
ومن روعة تعابيرها وملامحها
وقعدت بعقلو وخيالو
وتمثّأها لنفسو ولحالو
فشق عليه الفجر وقام وصلّى
وهو عم يقول لنفسو أنا تقي وورع
وألله راضي عني وأنا بحب ربي ولع
رح ادعي لربي بيعت لي هالحرورية
لبل قلبي فيها شوية

وصار يدعي ويناجي ربُّو
أنو يبعثلو هالجميلة بدربو
وعند شقوق الضو لبِّي طلبو ربُّو
وبعت لو ياهها بالحقيقة
لحم ودم وشحم، يعني حرمة حرمة بريئة
وطار عقلو من فرحتو هالرجَّال
وصار يقول لها: إنتِ حقيقة ولأ خيال
وفيق رفقات الطريق
وقال لهن: شوفوا شو صار مع هالصديق
فكل واحد طمع بالجميلة وأنو لازم تكون ألو مو لغيرو
فأجا الوزير النحَّات وقال: تبارك الخلاق فيما خلق
أنا إلي نحتها طول الليل وأنا بكون إلي سبق
ولازم تكون من نصيبي لأنني أنا عملتها عالخشب مو عالورق
فأجا الرسَّام المتصرف
وقال: لا والله ما حدا بياخذها غيري
أنا رسمتها بإحساسي وبنبضي وبضميري
فقال لهن القاضي:
بس أنا طلبتها من ربي
وحببَّتها من قلبي
ودعيت لربي يدب فيها الروح ويحطها بدربي
يعني أنتو نحتوا ورسمتوا حلم بحلم
وأنا حصلت عليها حقيقة وعلم وهي إلي ولازم تكون إلي
واختصموا وتخانقوا لمين لازم تكون
وضلُّوا عم يتخانقوا عليها طول النهار
ولازم يرجعوا لعند الملك لينصفهم ونزل عليهم الليل الستار
وكل واحد عم يقول: الملك رح يرددها إلي
وبها الأثناء
هربت الجميلة
وضلَّت تمشي وتمشي وما تعبت
هيك لتاني يوم لوصلت
وفاتت للقصر وداخت ووقعت بالأرض بحضرة الملك لأنها هلكت

وأجت الأطبًا والحكما وصحتها
وصحيت وحكت للملك قصتها
فقال لها الملك:
أنت النصيب يلي استتاه ابني فيه يصيب
وحكى لها حلم ابنو
وقال لها: من وقت ما ابني شافك بالمنام
هو فيكي هيمان
وشافها الأمير
وطار عقلو فيها هو الأخير
وحبها وحبتو
وصار الفرخ واندقت الطبول وانعزمت المغاني
سبع تيام وليالي
ولما وصل الوزير والمتصرف والقاضي
لبوابة القصر من قدام
فشافوا الأفراح عم تتقام
والولائم إلي عم تنفرد ع التمام
وعرفوا أنو الملك قام الأفراح والليالي الملاح
لعرس ابنو على الجميلة الصبية إلي وجهها مثل نور الصباح
فقالوا: إلي سبق أكل اللبأ «٢»
وانصابوا بخيبة أمل وقعدوا يندبوا حظهم بجنيئة القصر
وينقهروا على فعلتهم قهر
فضوى عليهم القمر
وقت صار بدر
وقال لهن: الطمع ضرّ ما نفع

«١» عُدنُو: مثل.
«٢» اللبأ: أول الحليب.

صحون السفرة

٢٩



أنا الراوية درية كشتبان
كنت أشهر طباحة بمطبخ السلطان
أوغلي باشا ومرتو ناريمان
وكنت شاطرة بفنون الطبخ وترتيب السفرة
وبلمح البصر تكون حاضرة من إيدين هالمهرة
ومع الأيام كبرت وتعبت
وما كان إلي حيل أعمل رز بالدست
فاستغنى عني السلطان
لأنني تعبت بخدمتو وهو عرفان كمان
وصرت كسلانة حتى ب بيتي
وجوزي دوم حردان
يمكن أنا نسييت الشغل
يا أما صرت أمشي مثل النمل
الخلاصة: أجا جوزي بيوم من الأيام
وقال لي: قومي حطّي العشا أنا جوعان
وتسكّجت على حالي
لقوم أعمل هالعمل.. كأني رايحة أطبخ جمل
المهم: قمت لحطّ العشا لجوزي
ونسييت ألبس بابوجي
وفنت عالمطبخ جنب النملية
فسمعت صوت خناق كأنو صوت عفريت بالبرية
أتاري !!

قطرميز الزيتون الأسود عم يتخانق مع الزيتون الأخضر
فقال لو الأسود: أنا بدّي أقعد بصحن صنيح
قال لو الأخضر: أنا ما بتفرق معي المهم أقعد جنبك وبمطرحي
وقال لي الزيتون الأخضر: لا تنسي رفقاتي الليمونات
لأنني ما بنبسط إلا إذا كانوا معي هالجارات
فحطّيتن مثل ما بدهن وبالصحون لّقحتن
فأجت اللبنة وقالت لي: أنا مدّيني بصحنك وامسحيني شوي شوي
وسوّي جوانبي وبأصبعك لا تلمسيني

ورشي عليّ شوية نعنن
حتى عليّ يلزق
ورشي عليّ الزيت.. وحطيني بصدر البيت
ولما شافت الجبنة صحن اللبنة ارتخت بالجمل
وقالت لي:
قطعيني قطع سميكة لحتى أتحمم بمّي غليانة بدون ليفة
ورشي عليّ المسكة دراس لحتى تحطيني ع الراس
بطعمتي الطيبة
ولانتسي تعصريني يا جدبة
ورشي عليّ حبة البركة
وحطني تحت شبكة لتصفى ميتي وتجمد لحمي
وبعدها أجت الجبنة المشللة وقالت لي:
دخيلك أنا أو عك تغليني
بينفرد شعري وبدوب من قهري
اغسليني بمّي باردة
لأنني بكون مالحة زيادة
وانفضيني ولقحيني على جنبي ببلادة
فسمعتها المدقوقة وقالت لي:
دخيلك أنا مثل ما أنا بقعد بصحنك
حتى ما أفرط وتاكلني بهدلة من بعلك
ورشي عليّ سمس وحبة البركة
حتى الله يطرح في البركة
فأجت اللبنة المدعبله وقالت لي:
أنا سهلة عليكي احمليني بملعقة بين إيديكي
وحطيني بصحنك وحطني عليّ زيتاتي
لأنو هدول بينعشوا حياتي
وبلاهن ببس وبأرمد«١».. وما بتأكل وبقدقد«١»
فسمعتها المكدوس.. وصحي من الجلوس
وقال لي: أجا دوري شيليني بديأتك وحدة وحدة
حتى ما أفرط بشوكتك يا دبة

وسطحيني روس روس
ولا تنسي زيتاتي.. هدول سر حياتي
ولا تخلي جوزك يمعسني معس
يبلس فيني من الجنا ب.. حتى يظل منظرني جذاب
هيك بيحب ياكلني جارك ممدوح
اسأليه إذا بدك قبل ما يروح
لأنو منفوخ بطني منفوخ
من كتر ما حشيتيني لجوزك صفوح
ولقيت حالي رح أخلص من حط العشا
فسمعت صوت ناعم وما بينتسا
أتاري هي الحلاوة، قالت لي: رح تنسيني يا حلوة
حطيني قطعة قطعة وصفني على وشي الفستق الحلبي صفوف
لأنو من طعمتي ما في مني ألوف
أنا شامية واسمي معروف
ولا تحطي جنبني المي
لأنو ما بيخلي طعمتي بتمك ولاشوي
وفجأة !!

ركد الزيت وقال لي: حطي أخي الزعتر جنبني بالصينية
حتى ما يشرو دموعي لأصل لعندو وسخلك صينيتك يا مزرية
ونبق راسو هالخيار وقال لي: سمعت أني أنا كمان من الزينة زيتي فيني هالسفرة
جنب الجبنة أو اللبنة أو الزيتون بالمره
لأنني شفتك رح تنسي ريحة الخيار
وتركيني بالبراد محتار
فغارت منو البندورة وقالت لي:
شو ما بيصير لي بسفرتك شي دوره
هلا بشوب وبفور عليك شي فوره
حطيني جنب المكدوس
أحسن ما يقعد بلا رفيق ويبقى حزين ومتعوس
وقبل ما أحمل هالسفرة وامشي
نادى لي صحن المعود

وقال لي: أنا عم استتأك ومليت من القعود
حطيني بسفرتك أحسن ما يهجموا عليّ النملات اليهود
ولا تتسي الزبدة الباردة جنبي
أحسن ما يسخن خدي
الخلاصة.

صفتي هالصحون
وكلو رضيان وممنون
ومشيت لحتي وصلت لعتبة المطبخ
سمعت صوت عم يناديلي كأنو من المسلخ
ويقول لي:

يا دبة يا جدبة
لك تضرب النسوان كلها لأجلك
يا هيلة ويا سخرة
شو نسييني !!
أنا سيد السفره
وركدت وليبت طلبو وجبتو
وبعبي عانقتو
لأنو مالها طعمة هالسفرة
بدون سيد السفره إلي بحبو
وخاصة إذا كان راسو بعبو «٢»

١٠، بأرمد وبقدهد: أي يشف من مائه
٢٠، راسو بعبو: خبز به طحين ونخاله وسميك

طباخة شامية

٣٠



الداعية صبيحة ذواتي
وكنت شايضة حالي ومعتزة بذاتي
وأنا من القنوات
وعيلتي كلها من الذوات
يعني قيمة ومركز
ونصفهم كان موظف
كان أبي عرض حلجي «١» بالصبورة
وعمي أذن بمعمل سحاحير إلي بجوبر
وخالي عزوز بياع صبارة على كتف نهر تورا
وولاد عمتي كانوا يبيعوا بالة
بحارة باب الصغير إلي جنب الجبانة «٢» وأحياناً يشتغلوا بالعتالة
وابن عمي عبد الستار كان عتال عالحمار
وعمتي أمينة كانت لفاية لبيت أبو جميلة بيت المختار
وعمتي فريحة كانت شغالة صوف وكانت تشك خرز ملفوف
وخالي رؤوف كان يبيع هريسة ع الصواني
بالميدان الفوقاني والتحتاني
وخالتي درية كانت قوية ومكيسة «٣» حمام بالبزورية
وبنت عمتي إنعام كانت داية شاطرة ع التمام
وكانوا يقولوا لها أم شاكرا
وما بتولد إلا صبيان
وخالي أمير كان كندرجي شهير
والمداس من تحت إيدو بيلبسو وزير
وعمي شفيق عندو عربية لسانات وروس بسوق العتيق
وستي غسالة وكانت من زمان بلانة «٤»
يعني عيلتي مسبعة الكارات
والها سمعة طيبة بكل الحارات
وكانت أمي بتشتغل طبخة لمطعم صغير بالعقيبة
وكان بيتنا بالقنوات بحارة على كتفها كان في نهر صغير
بكمبو في شجرة كبيرة كثير
وجنبها بياع اللبن أبو شهير كان من بيت البير

وجنبو بياح البن أبو هيثم
ومواجهو السمان أبو مروان
وكنا ساكنين ب بيت عربي قديم ومتختخ كثير
ويابو خشب جوز ومدقوق عليه كوم مسامير
وسقّاطة الباب نحاس مصدّي
معلّق فوقها حدوة حصان مأصّي «٥»
وفيه أرض ديار كبيرة
داير مدورها شجرية ليمون ورمان وياسمينة عراتلية
تحتها كانت القعدة هنية
خلاصة القول وبلا طول سيرة
كانت تقعد أمني بأرض الديار تقسّر خيار
وتطبّخ على بابور الكاز «٦» الطبخ للمطعم
وأنا عم أتفرّج عليها وأتعلم
وكبرت وصرت طبّاخة مشهورة
عرفتني الحارة بصبيحة السنيورة
ووصل صيتي لباب الجابية لعند القاضي
فبعتلي خبر مع نائبو صمادي
وأنا بالحقيقة ارتعبت
لا طبخت أكلة فيها سم ولا سممت
فرحت لحضرة القاضي
لأعرف شو تهمني ولأ هوّ كلام فاضي
فقال لي القاضي: أنا سمعت عن طبّخك ونفسك بالطبخ
قالوا بالحارة شي بيدووخ دوخ
وأنا بدي جرب طبّخك يا صبيحة
والك مني عطية منيحة
فقلت لو: أنا خدّامتك يا حضرة القاضي
طلوب واتمنى ولا تستنى
أنا جاهزة بالحال
لحتى أطبخ لك طبخ مالو مثال
فقال لي: بعد بكره عندي وليمة

للسلطان والوزير والحاشية العظيمة
وبدّي عملي لي أكل أشكال وألوان
تحكي عنو كل البلدان
ومن الحلو أكالات منوّعة
ولا يكون طبخك سلوأة
بدي تبيّضي وجهي فدّام الحكام
وأيّاك تسودي وجهي لأنك بتصفي بخبر كان
الخلاصة.

فتت ع المطبخ لبّلش بالطبخ
فشفت اللحمة قاعدة عم تستتاني
وقالت لي:

إذا بدك تطبخيني اعري في شو تقطعيني
اعمليني شقف متله وهي بتتقام من الباط يا بغلة
واعمليني راس العصفور يعني أكبر من الدبور
واعمليني مفرومة وناعمة وخشنة عالسيخ يا محتشمة
وموزات بعضمها وموزات مشقّاية
ومطحونة وهبرة وبدون لية
ومسوّفة للمحاشي ومفرومة بحثية
والعظام لا ترميهم أحسن ما إبليكي بشي بلية
وريش كمان للبيرق والعصعيص والرقبة بصير الأكل مسقسق
المهم. قسمت الطبخة متل ما بيحتاج الطبخ
وبلّشت أسلق وأشوي وأقلي ومسحتهم بالبهارات مسح
وأجا الرز وقال لي: أقلي شعيريتي حتى تزهر
وحطي قياس المي وهوي تحتي النار
لبّلش أنشف ويطلع بخاري يا ستار
ولا تحركيني قبل ما أنشف
بنخيصّ وما يعود بنفع ولو كنت مّسّف
فنادى لي مشكاك البامية اليابسة
المعلق فوق النملية «٧» وقال لي انتعيني بمي دافية لأطرى
ونشفيني قبل ما أنقلّي حتى ما زيبق بوجهك بالأحري

فشافتني الملوخية الخضرة وقالت، دبليني شوي بالفي
واقليني بالسمنة البلدي والدهنة المسلية شوي شوي
ولا تحطبي عليّ المي
لأنني بلزق ببعضني وما يعود برضي
وشافني الشيخ المحشي وقال لي: أنا شيخ المحاشي
لأنو حشوتي كلها لحمة، ولبناتي هدوا ذاتي وأساسي
أشوي لبني على مهلك
مع نشا وبيضة من هون مو من عند أهلك
واحفري كوساياتي بحثية ولا تجوري عليهم بحفرة قوية
وأجت الكبة وقالت
أنا الكبة وما بصير طيبة إلا باللحمة الضاني يا دبة
ومو مشانك مشاني لحتى معك انمد
وبالكف انلف
وحشوتي المقلية لحمة وبصلة مو جوز
والمشوية دهنة وشحمة ولحمة وجوز
ودبس رمان ورمان حب كمان
والحميص لحمة ناعمة ومفرومة
والصاجية على الصاج مبرومة
والمشمشية باللبن معها فولية
والمسماية بمرقتها سماء
والكرزية مطبوخة مع الكرز
والسفرجلانية محلونة وفيها سفرجل
والكبة خلقت لحلب وتغنوا فيها وعملوا فيها العجب
ونادي لي اليبرق وقال لي: أوعك تنسى فرشتي
أحسن ما أنشف من قهرتي
افرشي تحتي العصعيص والرئيس والدهنة مثل الليف
وصفيني صفوف صفوف
وتقليني بتقيلية فخار وسدي فيني الحفوف «٨»
وحمضي مرقتي بالحصرم واخراطي توماتي بدهناتي
وأجت الشاكرية وقالت: أنا أكلة شامية

كترى فيني اللحمة كَرْدِيش مع بصلة صغيرة مو مغشوشة
 وبضيعة قارة بحطوا لي درة مجروشة
 وقال لي الرز ببول والبزاليا: طبختنا ما بدها شطارة
 افردينا بجاط مرتبّ مو بسحارة
 وقال لي الداوود باشا: أنا اسمي من السلطين
 وهالأكلة أصلها تركية وصارت بمطبخك شامية
 دعبلي لحمتي دعبلة
 مع بصلة مقلية بمئة بندورة وارميني فيها هرولة
 وأجت الست اذبني وقالت: غيري ما بقي
 اسلقي عدساتي ومعكروناتي
 ولا تنسي عليّ الثوم والكزبرة ومن الليمون حمضاتي
 ولحقها أبو بسطي وقال لي: كلي مني لحتى تنبسطي وصلي ع الرسول
 وكلي مني بالسنة ولو مرة قد المكيول
 وقال لي الطباخ روحو: أنا بدي العظام لحتى معهم نام
 وأجت الرشتاية أنا عدس وحامض وكزبرة
 بتمشي معي الحكاية
 وقال لي: الحراق إصبعو ركزي حمضاتي من التمر هندي
 وبالعجين ساوي خبزاتي
 ولا تحرقني إصبعتك بمرقتي الغليانة
 كوني بطبخك فتانة
 وأجت المحاشي وقالت اعلمي مني أشكال ألوان
 كوسا وكواز وفليفلة وبيتجان
 وقال لي اليالنجي: أنا أصلي تركي
 لا تقولي شامي ولا كردي
 وقالت لي السجقات: أنا والمقادم والحفاتي رفقات
 ولا تنسيني من الفئات
 وقالت لي اليخنة: فؤريني قبل ما تطبخيني
 حتى تروح ريحتي شوي لأنني أنا والزهرة أخوات بالحي
 وأجت الفاصوليا الخضرا قالت لي: أنا مني أنواع يابسة وبيض الحمام وعيشة خانم
 وكلاوي

المهم: والصراحة.
ملّيت من الأكل أكل كثير لا بينعد ولا بينحصى
هلكت وكأني أكلت مية عصا
وبعد ما خلصت
ومدّوا السفرة هالسخرة
وحطوا الصواني والجاطات والزبادي
وصحون الأكل والملاعق بالأأيادي
كرّمني القاضي
بخبطة قوية على راسي القاضي
وأنا مفكرة أني مشهورة بسفرتي
أتاري كل هالشي شايفتو بمنامي يا حسرتي
ووقعت على الأرض
وانشّق راسي بالعرض
وانعبطتّ عبط
إيه ريتني أضرب أنا وهالعيلة
كلها مثل قفا الكيلة.

١٠ عرض حلجي: معشب معاملات دون مكتب أو موظف في الطريق جانب مؤسسة معينة على طاولة من ماله الخاص
٢٠ جبانة: مقبرة
٣٠ مكيسة: مفركة حمام
٤٠ بلائة: مفئلة بالحمام
٥٠ ماضي: ثعبان كثير ومتأهرم
٦٠ بابور: مثل الغاز الصغير يشتغل على الكاز
٧٠ النملية: مكتبة لحواضر الطعام لها منخل لتهوية الطعام
٨٠ العنوف: العواف والجوانب

المنتوف

٣١



كان يا ما كان
من قديم الزمان
كان في رجالٍ متعيشٍ على باب الله
يعني سريح بيلى فيه النصيب ورزقو على الله
بينادولو بالحارة المنتوف
مشرطُ التياب ومشقُّ الكعاب
يعني حظو كلو هباب بهباب
وهو من بيت دك الباب من القيمرية
وكان يسرح بالبسطة من الصبحية لعشية
واسمو ديبو ولقبو المنتوف
وكان بيتمى يعمل عيلة
ويرجع على بيتو ويكون عندو مرا ولو كانت من بيت جميلة
المهم ترضى فيه على عيبو
لأنو معلومكم على طول فاضي جيبو
ويوم يبييع غزلة
ويوم ييسرح بفول بحلة
ويوم ييسلق درة ويببيعها بالمفرق أو بالجملة
ويوم يبييع زعبوب بالسلة
المهم عايش رضيان
وآخر الليل بينام شعبان
وكان مرة ماشي بالمجتهد بحارة الجورة
فلمح صبيّة مستورة
وتعلق قلبو فيها
وما كانت تروح من بالو هالصورة
وصار يلحقها ويطلع فيها
بس لا يناغشها ولا يحركشها
وكأنو حارس عم يحرسها
وكان يحلم أنها ترضى فيه
ويتجوزها وتسكن بالعشة إلي مأويتو
لأنو كان عندو عشة صغيرة على كتف بستان

وكانت هي غرفة من قش يقعد فيها لا يهش ولا ينش
وفيها تخت تنك
وكانون حطب وحيء «ا» فيه مي مزنخة مثل مية السمك
وكرسين قش وحصيرة ما فيها رمق
وملحوش لحاف عالتخت
منئف وباين منو القطن يعني منكوت نكت
ويوم من الأيام
مثل العادة ع التمام
شاف هالآدمي هالصبية المستورة
فقال لها: تتجوزيني يا أمورة
وصارت تدلُّ عليه
وما ترد أبداً عليه
وبعد حين ومين
انصاعت لطلبو
لأنو شريف كان هدفو
ورضيت فيه وبطلبو بعد ما قال لها ووصف لها وضعو
على أمل تتحسنَّ عيشتو
لأنو كان فاقد حيلتو
وهي كانت أضرب منو مقطوعة يا حسرتي من شجرة
وعايشة عند جيران هالمعترة
وكانت بتشتغل صوف لأهل الحارة
بسنارتين وأحياناً بسنارة
ورح يصير عمرها فوق الأربعين
ويفتر نصيبها حتى من ابن الستين
وكان اسمها سعدية ملحفة
وساكنة عند جيران من بيت برغشة
بيساعدوها ويحئونوا عليها
وكانت آدمية وعينها مستحية
وسمعتها طيبة
بس كانت على حالها حزينة

الخلاصة: وبلا كتر حكي
صار النصيب بعون الله
وتجوزتْ هالمعتر وحسنْ هالعشة
وصارت الأوضة من طين ولبن بدل ما كانت من القشة
وعاش هو ومرتو مبسوطين
لأنها لاطية ولا بتسق ولا بتق وكانوا بيعيشتهم راضيين
بس ما كانت تحبل وما تجيب الولد
لأنها كبيرة مثل ما بتعرفوا وكانت بلا سند
وانقهرت على حالها. لأنها مقطوعة من شجرة ولا عندها لا ولد ولا تلد
مع أنو كانت حاسّة أنورح يجيها السعد
بجوازتها لديبوو دك الباب وهي عم تحمد ربها حمد
المهم:

بعد صبر وقلة حيلة

وقلة ودلة

حبلت هالمعتره وصار بطنها منفوخ مثل الجرة أو السلة
وولدت وجابت ببطن واحد توم صبيين مثل فلقة القمر
وصارت تسهر عليهم سهر
لتربيهم ويكونوا سند لأبوهم
بس وين يا حسرة ! بهالعشة الخربانة
ولاً مع هالأم والأب إلي حياتهم دبلانة
المهم دبروا راسهم بالطول والعرض
بركي رب العالمين يبسطلهم الرزق بسط
وصار عمر الولدين أربع سنين
وهالأوضة ما عادت تسعهم
ولاً هالعيشة تريجهم
وكل ما كبروا ما رح يصير في شي يرضيهم
وصار يفكر هالأب يدور على مأوى
ويحسنْ هالشغل
المهم يكون معو شقفة بيت ولو باع العرق سوس بالسطل
وبعد طول صبر

لقى هالديبو الشغل
ضمَّان لبستان سليم الفحل
فقرَّر على الفور يضب عتالو
هُو وحرمتو وياخذ معو عيالو
ويروح ليستلم البيت والشغل
وأملو بالله تتحسن هالعيشة
مع مرتو هالمستورة الدرويشة
وكان بدهم ليصلوا لبستان الفحل
لازم يقطعوا النهر بالعرض للضفة الثانية
ولازم يستأجر هالأب شي شختورة
ليزق عليها الغراض وعيالو ومرتو للمعمورة
المهم بقا سيدي
استأجر الأب شختورة مهرهرة
يعني بتوفِّي بالغرض لو كانت محفورة ومنؤورة
المهم بتوصلهم للضفة الثانية
هنَّ وولادهم بستر وسلامة
فركبوا وحطوا غراضهم
وظلَّعوا قبلهم ولادهم
والأم حطَّت بحضنها ولد وكمشت بإيدها مجداف
والأب حطَّ بحجرو ولد وكمش بإيدو مجداف
وصاروا يجدِّفوا بها المي
ويدعوا لربهم يا ستار يا حي
وهنَّ مبسوطين وعم يغنوا، وهيك لوصلوا لنص النهر
وكان النهر غميء
وانحدارو قوي كتير مو بطيء
وقت صاروا بنص المي. اصطدم القارب بحجر كبير
وانكسر القارب وانقسم بالنص يا مجير
وانجرف نص القارب إلي فيه الأب لجهة الغرب
وانجرف نص القارب إلي فيه الأم لجهة الشرق
وبقي طبعاً ولد مع الأم وولد مع الأب

وكل واحد عم يندبّ ع المي دبّ
وصاروا يتخابطوا بأمواج النهر وانحدارو
وجن جنونهم وصاروا يعيطوا وينادوا لبعض
وهالفراض تفرطعت كلها بالنهر بالعرض
وراحت بالملي
وكل واحد كان معانق ابنو وعم يدعي بالخلاص لربو
هيك لحتي وصل الأب وابنو على ضفة الغرب
ووصلت الأم وابنها على ضفة الشرق
وبعد ما ارتاح كل واحد منهم
وهدي انحدار المي بالنهر
وقال الأب لنفسو: رح أترك الولد على الضفة
وروح اطمئن ع الحرمة
واقعد على الخشبة
يعني اقعد على نص هالشختورة المكسورة
وينفس الوقت قالت الحرمة
رح اترك الولد على الضفة
واركب الخشبة
وروح أطمئن على جوزي وابني شو صار فيهم
قبل ماشي بلية تصيبهم وتبليهم
ومشيت بالملي شوي شوي
عم تجدّف بإيديها
لتصل لعند جوزها وحبييها
وهو ماشي بالملي كمان
لوصلوا لنص النهر
وتقابلوا بعد هالقهر
وفرخوا ببعضهم كثير وحمدوا ربهم أنهم التقوا
بعد ما انكسر فيهم القارب وتفرقوا
واتفقوا أنو الأب يرجع يحمل الولد ويلحق الأم
للضفة إلي هي فيها
والأم.


ترجع على الضفة لعند ابنها وأغراضها تلمّ
وهمّ عمّ يتفقوا بالشختورة المكسورة
جرفتهم المي جرفة قوية
للحفة تبع الشلال بدون حنية
ووقعوا بالملي وانجرفوا بالشلال وتكسروا
وغرقوا وماتوا
وكانت النهاية حزينة
بس موهّي هيّه الأفلة الصحيحة والنهاية الصريحة
إلي بدويها رب العباد
لهالحرمة ولأبو الولاد
المهم.
وقت ماتت الأم والأب
وقابلوا رب كريم
فسألوا ربهم: ليش مؤتّم هالموتة وفرّق الولاد كل واحد بضمّة
فقال لهم ربهم: موتة الغرق، موتة الشهداء
لأنكم من الصابرين
وهذا قدركم وصل لعندكم
أما الولاد فقدرهم ومصيرهم مكتوب
ولد ملكو الغرب
ولد ملكو الشرق
ويكونوا ملوك
بحسنة أبويهم المعترين الصابرين
وهذا كان حسن الختام
وحسن المصير
فالإنسان مالازم يستعجب من حكم الله فيه
لأنو الله أدرى
بمصائر وقدر الناس وشوكاتب عليهم
وقل لا يصيبنا إلا ما كتب الله لنا.

الفهرس

٣	الإهداء
٥	المقدمة
٩	الراوي
١١	٧-١ بياع الصابون
١٥	٧-٢ بياع الدهنة
١٩	٧-٣ رمضان
٢٣	٧-٤ هَيْلَة الشخاخة

٢٧المعزية	٧-٥
٣١طبخة السجقات	٧-٦
٣٥طبخة السبانخ	٧-٧
<hr/>		
٣٩العباية	٨
٤٥حكاية خطبة	٩
٥١حكاية اللحاف	١٠
٥٩كيد النسوان	١١
٦٣حكاية اللعبة	١٢
٦٩حكاية الموعد	١٣
٧٥صحا ليموت	١٤
٨١حكاية الجاكيث	١٥
٨٧الحلال والحرام	١٦
٩١الحماية والكنة	١٧
١٠١السمة	١٨
١٠٧الرسالة	١٩
١١٥درية وفهمية	٢٠
١٢٣العين بالعين	٢١
١٢٩الكبت	٢٢

١٣٥ الشحاد	٢٣
١٤١ الجرّة	٢٤
١٤٧ الحرامي	٢٥
١٥٣ عرباية دوما	٢٦
١٦٣ قطاع الروس صّفاف الرفوف	٢٧
١٧١ الطمع صّر ما نفع	٢٨
١٧٩ صجون السفرة	٢٩
١٨٥ طبخة شامية	٣٠
١٩٣ المنتوف	٣١



www.syrbook.gov.sy

مطابع وزارة الثقافة - الهيئة العامة السورية للكتاب - ٢٠١٢م

سعر النسخة ١٥٠ ل.س أو ما يعادلها